

Ludovici Molinæi

PETRI FILII

APOLOGIA

PRO

EPISTOLA QVÆ

Nupere prodiit sub nomine

Irenæi Philadelphi

Adversus

Argutias THEOPHILI ISCANI.



Hilarius.

*Veritas, si arguatur falsi,
Se prodit apertissime.*

LONDINI,

Typis E. G. pro T. W. 1641.

95:96

John E. C. bio. T. W. 1000

REVERENDO
&
CELEBERRIMO
VIRO
DD. Petro Molinæo,
SS. THEOLOGIÆ DOCTORI
ET PROFESSORI; PATRI SVO
PLURIMUM COLENDO,
Ludovicus Molinæus
S. P. D.

Non dubito, Pater observandè, quin
supervacaneum tibi videatur, me
Apologiam aggredi pro Epistola ad
Renatum Veridæum, adversus adversarium,
cujus Scriptio in me tantum abest, ut mare tra-
jecerit & ad manus vestras pervenerit, ut
vix Londini habeat emptorem, & non nisi
augeat numerum librorum in officina Biblio-
polæ, destinanda tandem Pharmacopolarum
cucullis: Atque parum prudenter me suscipere
defensionem argumenti quod extra Angliam
A 2 neminem

neminem contra pugnantem habet. Sic enim fieri, ut dum *Scriptione* quæ publici juris fiet operose amolior a me crimen calumniæ & abstergo maculas, quibus unus tantum homo vix de nomine notus me aspersit, quantulamcunque quam hæc *Epistola* de me creavit opinionem, si non prodigam, saltem in dubio collocem, & dum indico me erroris accusatum fuisse, hoc ipso in suspicionem culpæ cadam. Quocirca, quo tibi constet ratio hujus perinde otii ac negotii, & nulla te incessat admiratio quid mihi cum hoc genere studii? & unde mihi tantum temporis quod huic operi impendam? utriusque causam paucis accipe. Mensis jam agitur nonus postquam hanc *Epistolam* ad cujus defensionem me accingo scripsi. Necdum ejus potuit me pœnitere, tanquam rei nihil ad artem meam pertinentis; ut quæ partus est quem cujuscunque generis *literaturæ* homo non putet a se alienum excludere: etenim potius *historiam* texit quam *Theologica* enodat. Sed nec interdictum est a natura & lege ut singulus homo non amplius quam singulam artem cognitione complectatur. Neque postquam

quam foras emissæ est, unde pedem referre non
erat integrum, potui inficiari esse meam, &
non vindicare a moribus Theophili Iscani:
Qui quidem cum apud suos inter quos vivo
quædam cum nominis nostri injuria effutisset;
excitatum me sensi ad ea contrario scripto elu-
enda: Quo porro spero ut sanetur, si quid
cuiquam bono hæserit offensæ vel suspicionis
ex priori nostra dissertatiuncula, in qua in-
terdum paulo urbanius me luisse non diffiteor.
Nec me leviter movit Iscani temeritas, cum
dicit gravissimos Theologos Molinæum &
Rivetum si fortè viderint meam Epistolam,
non posse non corrugata & irata fronte legere
indoctas Chartas & vix ipso contemptu dig-
nas; cum tamen, ut nihil de Reverendo
patruo dicam qui Epistolam & emendavit,
& typis committi curavit; tu, quem nemo
crederet patrem usque adeo sorori cæcum
ut liberorum lapsibus laudes tribuat, binis ad
me literis eam dignatus sis approbare, & iis
ornare elogiis quæ præ verecundiâ reticeo,
sed quorum testimonio seriò triumpho; non
tam quod mihi eo nomine quicquam magni

arrogem, conscius meae tenuitatis; quam quia
habeo validum telum quod magna vi in Is-
canum retorqueam. Sed me maxime ad scri-
bendum impulit cupido tuendi & firmandi
explicatiùs veritatem, quam Iscanus sub ob-
tentu calumnias confutandi labefactat, ut
nulli parti addictus ea astruerem circa Epis-
copatum quæ putavi consona sacris Scriptu-
ris, quæque, ni fallor, conspirant & planè
concordant cum tua de Episcopatu sententia.
Habes hic causam negotii seu scriptionis sus-
ceptæ. Cæterum otio in tam exiguo opere non
opus fuit multo; Cujus tamen plusquam vo-
luissem nactus sum; sic volente Deo, qui latè
serpente contagione, quæ duos mihi charissimos
convictores absumpsit, & sub id tempus
dilectissima conjuge gravissimo morbo labo-
rante, integrum mensem domo conclusit. Quo
temporis spatio, omnino existimavi aliquot
horas quotidie non malè collocatas quas huic
opella deciderem. In qua quidem me attem-
peravi rationi scribendi ab Iscano institutæ,
qui præter expectationem, longiorem narra-
tionem perstrinxisse contentus, Theologica
quæ

quæ obiter tantum attigeram fusius pertra-
ctat. Porro si Iscano licuit convivis suis præ-
texere magnum patronum, eumq; sacri ordinis
Reverendum virum; multo magis candidæ &
modestæ huic tractationi, dabitur licentia sub
tuo patrocinio lucem aspiciendi. Hoc ergo quic-
quid id est, tuæ tutelæ committo & iudicio
submitto. Vale plurimum. Deus te Ecclesiæ
sue, & familiæ tuæ quam diutissimè servet
incolumem, teque sancto suo favore prosequi
& patrocinio protegere pergat. Datum
Londini Idibus Sextilibus, 1641.

Apologia

THE UNIVERSITY OF CHICAGO
LIBRARY

THE UNIVERSITY OF CHICAGO
LIBRARY
1000 S. MICHIGAN AVE.
CHICAGO, ILL. 60607
U.S.A.

1000 S. MICHIGAN AVE.
CHICAGO, ILL. 60607
U.S.A.

APOLOGIA

PRO

Epistola ad Renatum Veridæum.

ANno superiori scripseram Epistolam ad Reverendum & celeberrimum virum, *Andream Rivetum*, quem turbato ordine literarum, vocaveram *Renatum Veridæum*; in quâ homini cupido cognoscendi, quo in statu essent res Ecclesiæ in *Anglia*, aperiēbam, quibus artibus aliquot *Episcopi* & eorū Mancipia, tenentes Ecclesiæ clavum, nuperè omnem operā dederunt, ut facies externa Ecclesiasticæ disciplinæ, ad Papismum propiùs accederet, & quod gravius est, ut sancta Doctrina, Potestantium fidei in omnibus consona, corrumperetur, & placitis Pontificiorum quàm simillima esset; idque palam faciebam prolatis illorum scriptis, & factis, necnon canonibus, quos in pseudo-Synodo decreverant. Sed ne omnes ejusdem criminis Episcopos, aliosque de clero arcefferem, neve eādem corruptelā involverem Ecclesiam, quam ab *Henrico VIII.* sibi Deus servavit orthodoxam, sed ægrè exerentem caput, sub Papalis disciplinæ reliquiis, nondum, ex quo lux clarior Euangelii Angliæ affulsit, è medio sublatis; & longè graviùs gementem, sub *Cantuariensium* tantisper exultantium tyrannide,

B

quam

quam in conscientias, non ita pridem usurpaverant; segregavi à familia Romanensium Episcoporum, eorumque sectatorum, viros primarios & fidissimos Dei servos, qui hoc & superiori seculo floruerunt, quique nec in dies gliscentium auctoritas, nec jam pridem introductarum corruptelarum, fautores hactenus exitere: E quorum numero dixi esse Reverendissimos & amplissimos viros, *Usserium, Davernantium, Mortonum, Hallum, Guilielmum, Juxonum, & Potterum*. Cæterum dixi tyrannidem nuperam *Cantuariensem*, & abusus relictos in disciplinâ lege stabilitâ, non obstitisse, quò minus qui gemunt sub his corruptelis, hacque tyrannide, quique maximam partem Ecclesiæ Anglicanæ constituunt, non fuerint vera & orthodoxa Ecclesia; nec defuisse unquam qui nonnullibi magno numero, extra conspectum Papaturientium Episcoporum, sedulò prædicationi incumberent, & ritè Sacramenta administrarent. De Episcopatu sic scripsi, ut non eliminandum censuerim, sed potius in integrum restituendum Presbyterium, ut Episcopis honor suus, Presbyteris jus suum tribueretur, Synodisque sua redderetur autoritas, ususque frequentior: sumque id secutus temperamentum, quod *Reynolds*, & post eum vir undecunque doctissimus *Usserius* tradiderunt. Porro in Episcopatum, qualem Anglia hactenus habuit, quia vidi a plerisque bonis improbari, & optari ejus in melius reformationem, asperior fui, & perstrinxi librum Reverendi *Halli*, quo asserit Episcopatum esse

esse juris Divini, in quo in speciem quicquid habet corruptelæ Episcopatus Angliæ videtur approbari, dum sicco pede præteritur: Quis enim silentium tanti viri in assensionem non vertat? quod quidem à me factum, non contendendi aut contradicendi ambitione, sed veritatis indagandæ studio. Fateor me paulo commotum fuisse, videns virum de Ecclesia Dei tam splendide meritum, hisce ultimis annis, corruptelis tum in doctrina, tum in disciplina invalescentibus, facilem ad tacendum; ad tuendam verò dignitatem Episcopalem promptum fuisse: Sed profiteor testorque, si se Reverendissimus vir læsum senserit, paratum me esse quibuscunque voluerit modis culpam expiare: Nunquam erit quin amem & observem amplissimum Antistitem, quem si Pater colit, quantò magis revereri decet filium? Hanc Epistolam passus sum ire in vulgus sub alio nomine quàm meo, ratus non esse tutum, regnantibus Cantuariensibus vera eloqui, & veritus ne si agnitus dicerem quæ volo, postmodum audirem quæ nolo: Prælo Commissa Epistola, unde minus subodorabar, turbas dedit, & nubem excitavit crabronum; Inter alios irritatus unus qui se *Theophilum Iscanum* Reverendo Hallo à sacris indigitat, in meam Epistolam virulentâ Scriptione tantam copiam effudit bilis, ut haud dubium sit quin brevi *πνευχολῶ* sanetur, tanto onere liberatus. Stylus ejus exurgit floribus convitiarum: sputat, non disputat mecum, & usque aded æstuat ira, ut

interdum latinitate excidat ejus oratio, veluti quando scribit, *sed quæ Reverendum Episcopum concernunt* ^{non designata}. Discat interim bonus vir loqui congruè, si non ornatè. Me vocat Medicum, indoctum, ignarum, tyronem, sciolum, maledicum, calumniatorem, impudentem: Exhibilat ubique *indoctas chartas & vix ipso contemptu dignas*. Incusat me Patriæ, quasi Gallum esse mihi vitio esset: dicit me fucum facere e-mentito nomine & titulo, cum tamen quod mihi prædicat, vitium id illi sit. Voluit ad imitationem Jesuitæ vapulantis Andreae Riveti, Philadelphum, sed titulo tenus, vapulare; cum sanè dulcedo nominis aliud mereri quàm vapulare videatur. Texit apologiam pro Ecclesiâ Anglicanâ, quasi quicquam effutissem, quod tantillum non cederet in honorem alterius Matris, de qua sane si honorificè non sentirem & loquerer, averfus essem omni gratiâ: An is de Ecclesiâ Anglicanâ malè loquitur, qui Guliel. Laudum, Montacutum, Regulum, Manarinum, Pocklingtonum, Helynum, Cosinum, Kelletum, & alios Altaricolas Papismo addictos pro meritis excipit, & ad Ecclesiam Anglicanam non pertinere dicit? Nempe non debueram, inquit Iscanus, maledicere tantis viris, eosque calumniosè traducere. Profectò si calumnia est veritatem defendere adversus erroris strophas, & sine fucio homines depingere, quales ipsi se expriment, fateor me esse è numero calumniatorum: Aut an calumnia est dissentire à Rever. Hallo, aut Episcopum

Episcopum Andream nominare, nullâ præfixâ honoris voculâ quâ cohonestetur? cum tamen ipse Iſcanus, Calvinus & Salmaſii ſine ullâ honoris additione mentionem faciat, & in unâ pericope Molinæus audiat clariffimus, Andreas verò celeberrimus. Caterum quòd de R. Andream parcius quàm par eſt ſcripſerim, nec ei quas meretur laudes aſcripſerim, ſibi imputet Archiepiſcopus Laudo, qui in Epistolâ quâdam ad Sereniſſimum Regem, per R. Parentis mei nominis ruinam, gradum ſtruit ad Andream gloriam; quem ideo facit literatorum Deum; Molinæo interim ad ſciolorum ſubſellia detrufô: Tantum abeſt ut me noſtrorum ^{ſententia} ceperit; ut facilè conceſſerim, imò ultro agnoverim, Galliam noſtram vix habere Seldeno in ſuo genere eruditionis ſuperiorem; At Uſſerio Archiepiſcopo Armachano ne parem quidem. Dabo quas voluerit Iſcanus pœnas, quando tantam Doctôrum Anglorum in quoquam noſtrum reprehenderit ^{ſententia}; quantum culpamus contemptum noſtrorum in Theologis nuperis, Laudo, Montacuto, & ſimilis farinæ hominibus; Sanè Montacutus tantam ſibi licentiam uſurpat omnes nullo discrimine infectandi, ut quidem ſæpe deditâ operâ digrediatur à propoſito, ut maledicentiæ telum in obvios quoſque jaciât. Vocat Calvinum, Scaligerum, Calviſium, Paræum, ſchiſmaticos & ſingularitate raptos: Genevenſes appellat ſubinde Novatores. Inſtitutio Laico-Seniorum Laudo eſt novitiolum commentum Calvini. Ego

sanè quanquam longo intervallo subsideam infra tantorum Heroum meritum, venio tamen in partem eorum gloriæ, dum proscindor ab homine, qui cum deberet Montacuto & Laudo conspuere in faciem ob pessimam navatam operam Ecclesiæ Anglicanæ, gratulatur tamen & laudes ascribit : Parum fuisset Iscano de me malè loqui & fingere, nescio an aliorum artificii suggesta, quæ nunquam fuerunt, si quod subinde inculcat, solidè monstraret, quâ in re quenquam calumniatus, aut de Ecclesiâ Anglicanâ secus quàm oportuit locutus fuerim. Quicquid in me congerit Iscanus, hisce duobus verbis concluditur, *Mentiris Medice* ; nisi quando me subinde Gallum vocans & advenam, putat me acuto gladio jugulasse. Non absimiles sunt Iscani contumeliæ dicteris quibus olim Israelitæ impetebant Prophetam Elisæam ; Hic eos accusabat Idololatriæ & deserti fœderis Dei ; Illi verò in hostimentum vocabant eum caput calvum ; quod quidem rem non attingebat, nec ullatenus attinebat ad doctrinam Prophetæ. Mens recti conscia, scelerisque pura, dissipat hæc nebulas maledictorum, quæ sanè tanquam futilia sinerem præterfluere, nisi per meum latus causa quam sustineo, vulnerata aliqua defensione indigeret : Nam quod descendendo in hanc arenam præter mentem meam fuit, & genus studii quod sequor : Etsi non est quòd erubescam Epistolæ istius ad Renatum Veridæum, quasi rei malè gestæ, in qua genus scrip-
tionis

tionis potius historicum quam polemicum tracta-
veram ; maluissem tamen responsionem tuam, Is-
cane, refutandam linquere peritioribus, & in hac
palæstra exercitationibus, tibi que solùm contem-
ptum pro clypeo opponere : Lacesitus tamen à
te, qui me toties tyronem, in Theologicis impe-
ritum, sciolum, & quid non ? vocasti ; à me impe-
trare non potui, quin experirer quid possint vires
meæ : Ubi eas expertus fueris, forsan compere-
ris, Iscane, Medicos non penitus Theologicarum
rerum esse ignaros, & rem tibi esse non cum
Medico, sed cum Petri Molinæ filio, qui sanè de-
gener esset filius Patris, si in ejus schola educatus,
nonnihil Theologiæ non delibasset. Modestiam
quoque quam me docuit, erga te observabo, ubi
maximè à te irritor, veritatem quærens, non vi-
ctoriam ; ne si litem ex lite sero, primo quidem
charitatem, mox etiam veritatem amittam.
Porro quòd Medicus Theologica tractet, &
Theologiæ studio capiatur, non est tam insolens,
quàm incongruum est, quenquam de Clero, cui
hoc opus hic labor est totum se dare Divinis re-
bus, Medicinam facere, ut factitatur in Anglia,
nusquam alibi locorum, quod sciam : Nunquid
satius est ab asinis ad equos, quàm ab equis ad
asinos transire ? Sed planè hospes sit oportet in
ratione studiorum instituendâ, qui antequam
aliquod vitæ genus liberale amplectitur, animo
prius non conceperit, omnes scientias & artes, ac
proinde Medicinam ancillas esse Theologiæ, &
ad ejus studium referendas. Aut quis nescit ne-
minem

minem gratis gratiis esse natum, quem præter disciplinam aut artem in quâ aliquam tenet stationem in republica, non juvet aliquod studii ^{μελέτην}, ad quod relaxandi animi gratiâ uni rei nimis intenti non deflectat, & in quo cum voluptate non ambulet; Id viridarii mihi est studium Theologiæ, in quo expatiando, ad exemplum magnorum Medicorum, qui nostro ævo & superioribus clari vixerunt, in medio Medicarum curarum decido aliquot horas. Sed grande flagitium censes Gallum, curiosum esse in alienâ republicâ. Sanè nobis exteris, non debet licere ut in alienæ reipublicæ statum politicum curiositate temeraria inquiramus: at licet extero Christiano & Protestanti, bene precari Ecclesiæ illius regni in quo degit, & (si cuiquam datur) perinde operam in commune emolumentum Ecclesiæ conferre ac quisquam alius. Ubicunque regnat Christus, nemo est, utcunque advena, sub Christo militans, cui non sit æquale jus civitatis cum dominitis. Tu in advenis nascendi fortem punis, illiberalium animarum vitio, patriam, non animum æstimas, nec rem ipsam sine præiudicio pensitans, sed unde regionum prodierit rogans. Quisquis sim & ubicunque natus, nihil fecisse arbitrator præter officium alieni, in foelici regno, & regnante maximo Rege, sub quo hætenus conquievisset ingenua libertas rectè sentiendi & loquendi, nisi nuperè obstitissent aliquot Episcopi. Nunc cum Dei beneficio tempora mutata sint, ausus sum uti foelicitate temporum, quibus
recta

recta sentias quæ velis, & quæ sentias fidenter
effari liceat. Sed rem ipsam aggrediamur.

Renatus Veridæus Epistolæ meæ præfixerat
prædictionem Pauli Sarpîi Venetorum Theologi
excerptam ex quâdam Epistola quam scripserat
Anno 1609. ad Ioh. Leschasserium jurisconsultum
Parisiensem, in quâ Sarpîus dicit se timere
Anglis propter magnam illam quam obtinent
potestatem, præsertim ubi Archiepiscopum
magni Spiritus nacti fuerunt, & præsentit Episcopos
ad absolutam dominationem aspiraturos,
divinatque antiquum equitem ascensurum equum
Ephippiatum. Hanc prædictionem eventu
fuisse comprobata, omnes horunt, viderunt
multi, senserunt plures suo damno. Quis nescit
Episcopos Angliæ obtinere majorem jurisdictionem
& locum augustiorem quàm alibi regnorum,
qui Papæ legibus subsunt? Nunquid in Angliâ
Episcopi soli judices sunt in suâ Diœcesi;
soli sacris arcent, soli pastores officio & beneficio
deturbant, nullis ad consilium adhibitis pastoribus,
quibus jus sit dicendæ sententiæ: Nulli
Synodo obnoxii sunt extra coitionem comitorum;
quæ cum hætenus rarò convocata fuerint,
quantam inde licentiam arripuerunt instar equi
excussio sessore, cuilibet facile est conjicere.
Quod prædicit Sarpîus, Episcopos ad absolutam
dominationem aspiraturos, non eget probationibus,
sed querimoniis; bene est quod aspirarunt
tantum, nec voti compotes fuerunt; Ejusmodi

autem dominationem intelligit Sarpius, quæ sit affinis ei quam usurpaverant olim sub densa Papatus caligine. Subjicit. *Ego in Anglia equum Ephippiatum videre videor, & ascensurum propediem equitem antiquum divino: nempe præfagit fore ut in Angliâ Episcopi à potentia assurgant, quæ sit imitamentum authoritatis Episcopalis sub Regibus Henrico II Johanne & Henrico III. & omnem moveant lapidem ut denuo Papismus regnet in Angliâ. Sedulus frustra essem in re compertâ si id probando laborarem. Huic tamen prædictioni neque obscuræ neque intricatæ Iscanus dicit eventum non respondisse. Primum dicit Episcoporum potestatem tam angustis finibus esse circumscriptam, ut plane defierit in meram impotentiam, nec causam esse cur suspecta esse debeat. Nempe, si fides Iscano, parva eorum est potestas, quoniam eorum personæ, Synodi & canones subjiciuntur publicis comitiis, ideoque eorum authoritas est exigua, quia non est major quam Parlamenti. Addit Iscanus Episcopos Synodorum coercionis obnoxios esse, uti in aliis reformatissimis Ecclesiis. Hoc quàm absit a vero nôrunt gravissimi Senatores, qui antiquam Synodorum faciem lugent deturpari in Synodis Ecclesiæ Anglicanæ, in quibus deputantes sunt deputati, & qui sedent in clavo Ecclesiæ Episcopi Decani & Archidiaconi quotquot sunt in Angliâ præcipuas partes occupant. Forsan Iscanus nobis obtrudet loco Synodorum*

nodoru , quales inter reformatos Galliaë & Belgii celebrantur, larvas Synodorum, ^{καὶ οὐκ ἀποβόρματα} seu visitationes in quibus Vicarii Episcoporum iudices sedent, circumstantibus Presbyteris nudo capite & ne verbum quidem mussitantibus nisi interrogatis: nec quidquā in eis de fide agitur, sed mercatura exercetur licentiarum, procuratorum, & ejusmodi, quæ numerata pecunia emuntur, insigni corruptione visitationum, quales olim cogeantur, in quibus Presbyteri habebant jus dicendæ sententiæ. Etenim juxta Canonem 40. Concilii Agathensis Anno 440. citantur in nomine Synodi comparere. De his visitationibus vide Duarenum de Ministris cap. 11. ubi dicit hos conventus olim indictos, ut Episcopi simul cum Presbyteris de disciplinâ, aliisque rebus deliberarent, & conqueritur honestissimi instituti vix umbram hodie superesse. Denique Iscanus conatur probare Episcopos ad absolutam dominationem nunquam potuisse pervenire: quod quidem concedimus libenter. In magnis voluisse, sat est: Aspiraverunt, sed conatû depulsi sunt.

Nunquam facies finem, non dicam calumniandi, sed fingendi. Ais sect. 111. Epistolam meam a me ideo Scriptam non Anglicè, sed Latine, ne plagium meum dispalesceret, & proderem confarcinatam fuisse ex nupere editis Anglicè famosis libellis. Sunt alii tibi dissimiles, qui dicunt hanc Epistolâ, Reverendi parentis mei esse partum, &

Sedano ad me missam : Qui quidem cavilli si credere fas est conciliabuntur, si quis dixerit me Parenti fecisse copiam illorum libellulorum antequam ad istius Epistolæ descriptionem se accingeret. Sane edita erat regnantibus adhuc Episcopis, & missa Eleutheropolim, antequam comitia regni convocata essent; quo tempore ne mutire quidem fas erat adversus Episcopos; nec dum prodierant Anglici illi quos mihi obtrudis libelli : Tum quid opus fuit aliunde sollicitè conquirere aut libros consulere, ut comperta haberes quæ ipsis oculis identidem fiunt obvia : sane vesana superstitionis in nudando capite ad nomen Jesus, at non ad nomen Salvatoris, aut procumbendo versus altare, ipsi oculati sumus testes. Eiusdem farinae est quod inibi oggeris de Guil. Laudo, cum ais, culicem, leonem obdormiscentem pungere ; cum primum enim hæc Epistola prælo commissæ est, iste Leo erat vigilans. Jam, si quidem dormit Leo, de quo speras fore, ut expergefiat, absit à me ut pungatur ; esset enim planè illiberale, prostratum humi pedibus concutere ; præsertim cum nimium multi canes sint circa unum Actæonem. Leve est, quòd cum Epistolæ vix quadrans de Episcopatu ipso agat, unicuique tamen paginae præfixum fuerit, *De Episcopatu Anglicano*. Id factum est culpa Typographi Eleutheropolitani, non meâ ; nec minùs continet in se Epistola, quàm fert primæ paginae titulus. Nec hanc fuisse mentem mihi, ut id tituli ad caput

caput cuiusque paginæ apponeretur; fidem facit altera ejus editio Genevæ facta, in quâ non potes reprehendere quod culpas in altera. Parum est quod carpas Iſcane, ſi ejuſmodi minutula vellicas.

Eodem Paragrapho dicis iniquè à me paucorū delicta imputari toti Eccleſiæ Anglicanæ. Erras, Iſcane, non tam culpandam quàm deplorandam dixi Eccleſiam Anglicanā, in qua tamen me ſcribente hanc Epistolam non poteſt negari Papiſmum obtinuiſſe regnum, utcunque maxima pars Eccleſiæ adverſa eſſet, ut qui maximè, omni Papali ſuperſtitioni. Sane quândiu Maria Angliæ Regina regnavit, tandiu Anglia poteſt dici Papæ nomen dedille; quantumvis Regni major pars Papalia abhorreret. Ut ut ſit, ſic nupere virus Pontificium longe latèque ſerpiſit ut fruſtra fuerit quod tentatum eſt, nec longè eruditiffima diſſertatio Reverendi Guilielmi de Menſæ ſacræ nomine & re, flagrantibus ſacrificiis & altaribus edita, obſtiterit quò minùs altaria ubique erecta fuerint, & ad ea προκλήματα peracta fuerint; Torrens rapidus prævæ doctrinæ unumquemque ſeu nolentem ſeu volentem ſecundum ſe rapuit. Dixerit Rever. Parens loco quem citas, everſionem Papiſini poſt Deum & Regem deberi præcipuè Episcoporum doctrinæ & indiſtriæ, non officit quin in prima illa reformatione in qua Rex & Episcopi primas partes habuerunt multa ſuperflua non fuerint abolita, ut videre eſt in

Epistolâ Anonymi, puto fuisse Martyris ad Calvinum paulo ante Edwardi mortem scriptâ.

Paraphrasis 4. ais me infamare primam illam reformationem sub Henrico VIII. quod dixerim alias causas impulisse Henricum VIII. ad manum admovendam reformationi, quàm veritatis amorem & studium : Sed pertinaciam Pontificum nolentium consentire in dissolutionem matrimonii ejus cum Catharinâ contracti, accedente Henrici animo pruriente ad novas nuptias subinde convolandi, dedisse occasionem isti non tam reformationi, quàm mutationi moliendæ. Quid tu ad ea ? Testaris factam tibi copiam Epistolæ ad Regem Henricum scriptæ, in quâ à Papâ Henrico oblata erat gratia habendi duas simul uxores, modò in causa Catharinæ Papæ obtemperaret, Regem vero conditionem fœdam respuisse indignabundum. At mirum quòd qui religione detinebatur, non ducendi duas simul uxores, postmodum tantum indulserit suis affectibus, ut nullo religionis vinculo ligatus, tot uxores vel securi percusserit, vel levi de causa repudiârit.

Quibusdam de Henrico VIII. præmissis, paucis ob oculos posueram & exposueram quibus modis & gradibus, cum in Angliâ, tum in Scotiâ reformatio instituta fuerit ; in Angliâ notabam reformationem cœpisse a Rege Edwardo, Episcopis & procerum non nullis ; nec tamen ita absolutam fuisse, quin superessent plurimæ facies
Papales

Papales, è quorum numero dixi esse illam ^{ἐπισκοπήν} Episcopalem tanto intervallo a Presbyterorum statione dissitam; Hoc tamen Episcopatu vestitos rexisse Ecclesiam viros sanctos, Cranmerum, Latimerum &c qui in splendidâ dignitate Papalem pompam redolente retinuerunt humiles spiritus & partes fidelis Dei Ministri obiverunt: Sub quibus & similibus qui rexerunt Ecclesiam Anglicanam, Deus jam sæculum integrum sibi Ecclesiam servavit visibilem & Orthodoxam. Nec si ulli Episcopi præter Papaturientes præfuissem Ecclesiæ; non defuisse tamen non nulli fidos verbi Dei Ministros, qui extra eorum conspectum sedulo predicationi incumberent, & ritè sacramenta administrarent. Hic excurrit Iscanus in laudes Ecclesiæ Anglicanæ & pertendit quod ultro admitto; nempe Episcopos sedulo orationi vacantes fuisse membra Ecclesiæ visibilis. Hoc solum dubium movet solutione dignum. Rogat utrum munus Episcopale quale est in Angliâ, an verò ejus exercitium sit Papalis Hierarchia Propago? Item an Cranmerus, Latimerus, Hooperus, optimi viri exercuerunt id muneris ut in Angliâ stabilitum est? si idem munus fuit, Cranmero, Latimero, &c. quod est Laudo, Montacuto, Regulo, Manarino & ejusmodi; cur munus ipsum a me vapulat propter errorem eorum qui id malè exercent? Respondeo, non tantum muneris exercitium, sed & munus ipsum ut obtinet in Angliâ, Papalis Hierarchiæ

Hierarchiæ esse furculum: Sanctos viros, Cranmerum, Latimerum, &c. secundum leges latas id muneris non exercuisse, ut solenne fuit Montacuto, Regulo, & Manarino. Verum utcunque boni Episcopi Angliæ non exercuerint munus receptum per iniquas leges stabilitum: quatenus tamen sustinent titulo tenus provinciam, quam alii secundum leges positas administrant; non mirum si in turba lateant. Sic non obstat quod Apocal. 16. Imperatoribus nomen bestię indatur, utcunque inter eos aliquot fuerint boni & pii.

Consultò, omitto excutere quæ sect. 6. ventilas circa regimen Episcopale, ne hic reponam quæ posterius *τῶν θείων* agitabuntur. Neque a me expectes ut novis elogiis prosequar quorum patrocinium suscepisti hacce sectione & sequenti, viros (si tibi fides) magnos, à me sic maledico ore laceflitos ut triginta sex paginas puris putisque calumniis commaculare non erubuerim. At scias, Iscane, amorem quo prosequor & colo paucum numerum Episcoporum & aliorum Theologorum, virorum sanæ & defacatæ perinde vitæ ac doctrinæ, impedimento fuisse, quò minùs cornicum oculis configere ausus fuerim, & omnia iniquorum hominum mysteria velo laxato patefacere. Sed quoniam voluisses me percussisse personas, & de vitiis potiùs dixisse, & non infectari personas, sed vitia, accipe tanquam in brevi tabellâ quibus artibus Cantuarienses hisce ultimis

ultimis annis pro virili moliti sunt promovere mysterium iniquitatis; quod quidem cum jam magnos progressus in Angliâ fecisset, Deus misertus Ecclesiæ Anglicanæ aperuit, & telam quam Satan orsus erat detexit, quanquam nondum plane conscidit, & etiamnum lolii reliquiæ per agrum Ecclesiæ sparsæ sint.

Primum & grande artificium fuit dogma quod ante decennium irrepsit; Romanam Ecclesiam esse veram Ecclesiam, qua quidem ambiguitate nutantibus in Religione facile persuaserunt tutius esse se aggregare ad eam religionem quæ ab utraque parte pro vera recipitur, quam additiorum esse ei Religioni quæ ab altera veram esse constanter pernegatur: Sed boni viri sciant hoc sensu Ecclesiam Romanam etiam dici bonâ, quatenus verû & bonû cum ente reciprocantur: Suntque hæreticæ Ecclesiæ, veræ Ecclesiæ, non secus ac respublica male constituta est vera respublica, & homo ulceribus obsitus & peste contactus est verus homo & verè homo: nempe cautè caverunt intelligi per veram Ecclesiam orthodoxam Ecclesiam in qua homines possunt salvari: Hoc sensu nemo est Protestantium parti addictus qui non inficiatur Ecclesiam Romanam esse veram Ecclesiam & moraliter veram.

Secundum artificium est dogma quo asseritur Ecclesiam Anglicanam à Romana communione non esse separatam, & in essentialibus & fundamentalibus fidei capitibus, sed cum Ecclesiâ

D

Romanâ

Romana conspirare, & ab ea se avellere perinde esse, ac se à corpore Christi abscindere; sic loquitur Guilielmus Laudus passim in relatione sua: estque hæc doctrina ejus sectariorum: quibus ideo solemne est asserere per *Ecclesiam Catholicam* de qua in Symbolo non intelligi cœtum fidelium seu Ecclesiam invisibilem, quam quidem solent naso suspendere, sed cœtum omnium qui, toto orbe, Christianos se indigitant, commodam rationem nacti qua ex Ecclesia Romana & aliis Ecclesiis quanquam reformatis conflatur una sancta & Catholica Ecclesia: verba sunt Laydi, pag. 62. sect. 16. num. 5. *Credimus Catholicam Ecclesiam de qua in Symbolo esse societatem Christianorum.* Hancque vult suo modo dici errare non posse, pag. 140. sect. 19. num. 5. *Catholica Ecclesia non potest errare in dogmatibus absolute fundamentalibus, & necessariis ad omnium hominum salutem.* Idque vult niti Christi promissione Matth. 16. v. 28. pollicentis fore ut portæ interni non prævaleant adversus eam, hoc est, inquit pag. eadem & 190. sect. 25. num. 16. ut *Ecclesia visibilis aut societas Christianorum, seu quod idem est, Ecclesia Catholica & militans non erret in fundamentalibus.* Et ubique inculcat Protestantes separatos quidem ab erroribus gravioribus Ecclesiæ Romanæ; minimè verò ab ejus cōmunionem, à quâ quisquis se retraheret dignus esset qui schismaticus pariter ac hæreticus audiret; cujus rei ratio redditur à Ri. Montacuto Appar. 7. num. 91. pag. 283.

pag. 283. *Seſſam enim & hæreſim non faciunt ii qui conſtanter retinent doctrinam traditam: neque enim ille Hereticus dicitur qui per omnia Romanam fidem integerrimam proſitetur.* Quoniam autem auribus erat incongruum, corpus Chriſti ſeu Eccleſiam Romanam eſſe beſtiam Apocalypti- cam & fœminam amictam purpurâ & ſedentem in ἐπιταλόφῃ πόλει, cujus caput ſit Antichriſtus, & filius perditionis prædictus a Paulo; caverunt Laudus, Montacutus, Heilynus, Selfordus & ejusmodi Pâpalis ædificii tibicines in vulgus emitti, Pâpam nihil horum eſſe, ſed hæc elogia quadrare vel in Turcam, vel in venturum Anti- chriſtum: nempe per hæc commodum putant, animos Romanenſium cicurari poſſe, & adduci ut ultro venientibus ad ſe Cantuarienſibus oc- currant. Sed quàm difficile ſit, ut qui ἀναμαρτυροῦν venditant, à viâ ſuâ deſſectant: imò expectan- dum ſit potiùs ut totâ viâ alii errent, ſi Roma- nenſibus adjungi volunt, quàm quicquam Ro- manenſes dogmatum ſuorum deponant, docuit graviffimus ſenator *Franciſcus Rous*, apta & acuta ſimilitudine lintris protenſo fune alligati ad rupem, quam dum ad ſe trahere tentat nauta, ipſe ad rupem impellitur.

Tertium artificium fuit introductio placito- rum Arminianorum quæ hætenus placuerunt ſolis Cantuarienſibus: commodum enim exiſti- mârunt eam ſententiam mordicûs arripere quæ non ita pridem in Belgio Proteſtantes inter ſe

collisit, quæque cum Calvinistarum (ut loquuntur) doctrina ex adverso pugnat, ut haberent quod purioris Religionis cultoribus, quos Puritanos vocant opponerent, eorumque nonnullos permoverent obtruso dogmate quod solet in vulgus sparsum, esse acceptissimum, quia Divina consilia ex humanis metitur, Deumque humanis affectibus induit; quodque, dum hæc dogmata à plerisque Pontificiorum recipiuntur, viam sternit ad reliqua pariter Papalia amplectenda.

Quartum artificium est detractio de Scripturæ authoritate, ut per id Patrum Scripta, Traditiones & Ecclesiæ Catholicæ interpretationes mirè prædicent, in quæ dumeta se proripiunt Cantuarienses, veriti ne si excurrerent in aperto sacrarum literarum campo, facilius comprehenderentur à Protestantibus, quorum pro virili effugiunt manus.

Quintum artificium fuit, Episcoporum potestas & jurisdictio ad cælum usque elata, usque adeo ut velint Regum coronam tandiu stare fartam & tectam, quandiu incolumis est Episcopatus, & quoniam adhuc sub iudice lis est, an Episcopatus seu *episcopatus* Episcoporum in Presbyteros, sit Divinæ institutionis, & à gravibus & de Ecclesia bene meritis pro affirmativâ pugnatum, protinus Cantuarienses avidè pro se id arripuerunt nacti ansam tuendi Episcopatum, ut in Angliâ hætenus fuit lege stabilitum, esse Divinæ & Apostolicæ institutionis, qui alteratio-

nem

nem, nedum abrogationem non patitur, utcuq;
reverâ tantum distet ab Episcopatu veteris Ec-
clesiæ, quantum distant æra lupinis.

Sextum artificium est recitatio Liturgiæ,
habita colophon & præcipua τῆς διακονίας functio
& prælata concionibus; sperantibus Cantua-
riensibus hâc arte fore ut populus assuefiat
non plus in fidei doctrina compertum habere
quàm Liturgiâ continetur, & maxima pars Pasto-
rum supinâ vecordiâ sibi inde licentiam sumat
feriandi, & onus pastorale transferendi in hu-
meros τῶν ὑποχρεωμένων, qui vili pretio conductus litur-
giam recitet: nec minùs id artificium alit igno-
rantiam & superstitionem fovet in Cathedrali-
bus Ecclesiis, ubi liturgia celebratur linguâ non
quidem ignotâ, sed non intelligibili, & pressô
murmure pronunciata, aut voce in canticum
flexa, per quam dum destituitur animus solido
nutrimento, aures distinentur dulcedine soni.

Septimum artificium est mutatio loci & no-
minis mensæ communioni dicatæ, ut deinceps
altare appellaretur, & eo loci collocaretur in
quo Altaria Papistica posita erant. Hoc Idolo
erecto, proximè secuta προσκυνηματα rati Cantua-
rienses his semel admissis prope affuturum sa-
crificium reale, idque Missaticum: in eundem
finem Laudus oratione habita in camerâ stellatâ
conatur probare plus honori deberi mensâ, quàm
pulpito, usus probatione quæ sanè risû moveret
ni Deo illuderet, & in qua refellenda pœnitet
operam

operam perdidisse, siquidem talia indicâsse refutare est, nam quid ageres? senem annis gravem fugit ratio, quanquam Relatione, sect. 3. num. 13. pag. 18. de se sponderit fore ut priusquam moriatur non deliret. Huc pertinet quod sedulo caverit ne alia scripta quæ de altaribus agunt, lucem aspicerent, quàm quæ altaribus patrocinerentur.

Octavum artificium fuit uniformitatis observandæ in ritibus & caeremoniis Anglicanis mandatisque Ecclesiæ rigida injunctio; officio & beneficio pulsus qui vel latum unguem ab eâ discesserant, & nulli gratiâ facti beneficiorum collationis, nisi illis qui facti erant ad nutum Cantuariensium: Horrendum dictu est, quot abhinc aliquot annis à Guilielmo Laudo, Matthæo Regulo, & ejusmodi farinæ Episcopis, fidi Dei verbi Ministri ad insitas redacti fuerunt, quot expulsi eo nomine & coacti gregem & lares deferere, quod salvâ conscientiâ sibi imperare non possent ut decretis eorum parerent.

Toto paragrapho qui est octavus, neque me, neque rem tangis, & magno conatû magnas nugas agis, eademq; fere reponens quæ canones, ut patrocineris genuflexionibus versus altare: Dicis canonem interpretatum fuisse, *apostolice* exhiberi nec altari nec mensæ, nec elementis ipsis, nec Orienti, sed tantum uni veroque Deo, tantumque canones voluisse instillare animis subeuntium tecta sacra reverentiam, ne homines sese

fese ingererent in templum, tanquam ad popinam euntes, sine debitâ reverentiâ : Sed non reprehendi in canone, quòd velint reverentiam deberi ab ingredientibus templum, sed quod insuper postulent, ut ingressi templum genuflexiones faciant versus eam partem Templi in qua est altare, seu mensa Communioni dicata : Atque potissimum perstrinxi vesanam superstitionem eorum qui volunt quicquid cultus Deo impenditur ab ingredientibus templum peragi potius versus altare quàm vel pulpitem vel fontem : Maluisses, inquis, ut hominum lapsus gentisque delicta hæcenus inclusa Angliæ finibus non patefecissem toti mundo. At absit Bomolatriam quæ unius Archiepiscopi, ejusque sectatorum, qui hunc canonem conflaverunt vitium fuit, imputari toti genti. Cæterum qui non puduit malè sentire & asserere Papalia dogmata etiam aliâ linguâ quam maternâ, quod fecit Montacutus, Chounæus, &c. voluitque facta respondere scriptis, non erubescet Papæ additum audiri extra Angliæ pomeria. Nec est quod pertimescam offensam cujusquam probi quasi invidiosa prodizione detexerim quædam arcana digna sacro silentio : Quin hæc detectione est quod boni mihi gratulentur, videntes se jam eximi à choro hominum qui sua dogmata circumferebant pro placitis Ecclesiæ Anglicanæ, & præcisam ansam sperandi Romanensibus, qui cœperant occultè latari in sinu, & sibi

sibi spondere, Angliam Ecclesiæ Romanæ mancipatam.

Sed his omiſſis, ne forte dixeris vestibulum domo majus esse, id cujus maximè defensionem suscepisti attingam; & primum quod attinet ad renuntiationem Episcopatus factam a Grahamo R. Hallus instar sacrilegii exaggeraverat; ut Episcopus abrenuntiet muneri sancto & Apostolico: Dixeram ego constitutionem humanam, qualis est Episcoporum *ἐπισκοπή*, tandiu retinendam esse, quandiu stare potest cum Ecclesiæ ædificatione, pace & concordia, & in generali deturbatione Episcoporum, cum unus torrenti non posset se opponere, prudenter abieciſſe titulum Episcopi, quem salva pace Ecclesiæ retinere non poterat, idque potiùs facere debuisse, quàm Pastorem esse sine grege. Quid tu ad ea Iscane? Dicis sect. 9. in Ecclesiâ bene constitutâ non licere quacunq; de causa Episcopatum abjicere, veluti illicitum & Antichristianum, quod fecit Grahamus, retentique hætenus velut sceleris cujusdam veniam suppliciter precari. Contra hæc non habeo quod regeram, ut qui in ea sententia sum, nefas esse in Ecclesiâ bene constitutâ, qualis fuit Ecclesia statim post Apostolos, admissam *ἐπισκοπὴν ἀποδοκιμασίαν* à quoquam repudiari nedum damnari tanquam rem nefandam, & rectè pronuntiassè centum & quinquaginta Patres Concilii Chalcedonenſis *ἐπισκοπὴν εἰς ἀριστοτέρην βαλόντων φέρειν ἱεροσύνην δεῖ*, ut qui occasionem præbet schismatis, & fratribus

fratribus est offendiculo, dum repudiat rem bonam, quanquam non necessariam: ejusmodi Episcopatum si Grahamus renuntiaverit, non me habebit laudum suarum præconem; sed ausim asserere Grahamum non alium Episcopatum ejurasse quàm qui in Scotia constitutus erat, qui cum non esset absimilis Anglicano, & dissimillimus esset Episcopatui veteris Ecclesiæ, fecit ut virum cordatum decet, dum satius ducit stabilium Episcopatum apud suos ad ruinam suam quàm meruerat festinantem repudiare, siquidem melioris spes non affulgebat, quam regno exulare cum aliis Episcopis, & ridendum se exponere tam Pontificiis quàm Protestantibus. Tum quidni, imo æquiori jure licuit Grahamo corruptum Episcopatum deserenti & degenti, ubi nullus amplius Episcopatus usus, Presbyter esse, ac integrum fuit Episcopis Novatianis ad Catholicos redeuntibus Presbyteratu defungi; utcunque nemini ex Episcopis Novatianis diu expectandum fuisset in tanta Episcoporum copia, antequam in demortui locum succederet; etenim canone viii. Concilii. Niceni, l. decernitur, ut si locus quo Episcopi honorem retineat non offertur, saltem dignitatem sacerdotii servet, ut vel Choriepiscopi locum teneat in Parochia, vel Presbyteri in clero: unde duo colligi datur, l. Episcopum adeo levi differentia à Presbytero distingui, ut non Sacerdotum munere & dignitate, sed solo Episcopalis nominis honore diver-

sus sit. II. Presbyteratum non potuisse nisi gravissima de causa exui; ob leviolem verò Episcopatum deponi potuisse sine sacrilegii crimine, adeoque non abnorme fuisse Episcopum detrudi ad gradum Presbyteris : ut & patet ex Canone 20. Concilii Constantinopolitani IIII. *Non licet Episcopo in aliena civitate publicè docere : si hoc facere deprehensus fuerit, cesset ab Episcopatu : Presbyteri autem munere fungatur.* Sanè Grahamus ob minus crimen cessit Episcopatu.

Eodem paragrapho pag. 14. dicis me quindecim postulata R. Halli sicco pede præterire, quætanquam fundamenta, quindecim capitibus, iisque prolixis, substraverat tractationi quam deinceps instituit, quæque thesim ipsam attinet : Ad ea in genere responderam, illis præsupponi id ipsum quod controversitur, nempe Episcoporum *apostolicarum* in Presbyteros, & discrepantiam à se invicem functionibus esse Divinæ & Apostolicæ institutionis : Quod si hoc antecedens semel dilucidè probetur, non pugnabo adversus consequens, quod est; Isti institutioni Divinæ potius inhærendum esse quàm ulli disciplinæ quæ huic adversetur : veluti si quis probaturus est diem esse, quia sol lucet, non opus habet diu sudare in probanda majoris connexionem, cui ex suppositione solem lucere, nemo est quod sciam nisi hebes qui non consentiat, ergo affirmanti diem non esse, satis est si probet solem non lucere. Hic mea res agitur. Major R. Halli, eaque Hypothetica,

Hypothetica, in cujus connexione probanda dixi ab eo insumi quindecim capita, hæc fuit.

Si ejusmodi Episcoporum ^{opera} cum adjuncta potestate jurisdictionis & ordinationis institutionis est Divina & Apostolica, ei omnino potius inherendum est.

Atqui verum prius,

Ergo & posterius.

Majoris connexionem cum concederem, putavi præter rem & rationem esse diutius ei inherere; Potius operæ pretium esse ducens majoris antecedens ventilare, & nunquid vero consentanea esset? conquirere. Hic Iscanus commotior voluisset me sigillatim ad ea quindecim capita respondere. Age, fiat (Iscane) siquidem vis me operam perdere; percurramus ea tecum. Habebis me in plerisque consentientem.

I. Fateor illam regiminis formam à Christo & Apostolis fundatam esse, Divinæ & Apostolicæ institutionis.

II. Fateor praxim & præceptum Apostolorum abunde sufficere stabiliendæ Apostolicæ institutioni.

III. Fateor disciplinam Ecclesiasticam præscriptam ab Apostolis, exemplar perpetuū fuisse Ecclesiis succedentiū seculorū, quod sequerentur

IV. Fateor, Quicquid contra Parkerus statuat, universam praxim Ecclesiæ proximæ ab Apostolis, optimum esse ^{ἰδὲν}, & indicare viam quæ nobis insistenda ad constituendam disciplinam: Sed addendum erat in Historia seculi,

quod proximè Apostolos excepit, tot esse hiatus & lacunas, tot inveniri scripta supposititia, tot denique quæ genuina habemus Pontificiorum fraude adulterata Patrum scripta, ut via ante sit prætentanda quàm quicquam de statu Ecclesiæ illius temporis sese offerat.

V. Fateor patres primitivæ Ecclesiæ nec ausos nec voluisse aliam constituere disciplinam ab ea quàm acceperant ab Apostolis. Addendum tamen, per Patres primitivæ Ecclesiæ intelligendos Apostolorum discipulos. Quis enim nescit Patres qui postliminio vixerunt plus ausos fuisse quàm rectum & orthodoxum fuit, tam in doctrina fidei tradenda, quàm in regimine Ecclesiæ à Christi præscripto innovando.

VI. Fateor etiam eorum successores quamquam in animum induxissent formam traditam ab Apostolis immutata, id tamen non potuisse parvo temporis spatio efficere; nec spargere aliam per totum Christianum orbem religionis formam, nisi intra longum temporis intervallum.

VII. Fateor antiquissima Ecclesiæ monumenta & primorum Patrum scripta plus fidei habere in descriptione primævæ Ecclesiæ quàm valent conjecturæ recentiorum authorum. Addi tamen debuit, nisi quando recentiores conjecturæ digito monstrant Patrum scripta injuria temporis vel corrupta aut interpolata fuisse:

VIII. Fateor quos vetus Ecclesia hæreticis accenset,

accenſet, non idoneos eſſe judices in hac materia: Hic procul dubio R. Hallus Aerium intelligit, qui cenſuit Epiſcopatum à Prebyteratu nulla differentia diſcerni, ſed an propterea inter hæreticos ponitur ab Auguſtino de hæreſibus cap 53. & Epiphanio. hæreſi 75. meritò dubitari poteſt, quia ſententia ejus non fuit damnata à quaquam Synodo, nec Theodoretus, nec Socrates, nec Sozomenus, iſtius hæreſeos meminerunt. Sed non capitalia ſunt alia dogmata, ob quæ Hæreticus audit; qualia ſunt 1. non orandum eſſe pro mortuis 2. certos dies jejuniorum non eſſe conſtituendos. 3. Sanctos vita functos non eſſe invocandos. 4. Judæorum Paſcha non eſſe obſervandum. Tantum abeſt ut propterea Aerius damnandus fuerit tanquam hæreticus, ut potiùs credendum, hæreſeos debuiſſe arceſſi, qui eo nomine Aerium Hæreticis accēſuerunt, niſi planè æſtimandum eſſet, ideo hæreticum vocatum à Sanctis Patribus, quod homo cerebroſus & contumax Eccleſiæ unionem abrumperet, dum conſuetudinibus minimè malis & ubique receptis reſiſtebat; qualis erat mos jejunandi ante Paſcha, & receptus in Eccleſia Epiſcopatus, ob quem quia à communione Eccleſiæ ſe ſeparabat, potuit poni inter Hæreticos de quibus Canone 6. Concilii primi Conſtantinopolitani agitur, qui retinentes fidei fundamentum, *ἡμεῖς ὁμοῦν καὶ ἀντι-συνάγοιται πρὸς ἁποριεῖς ὁμοκρότους.* *Qui ſe abſcindunt & avellunt à Canonicis Epiſcopis.* Quid quod ſi ob ſententiam

sententiam super Episcopi & Presbyteri *ιστορία*
 Aerius traducendus fuit pro Hæretico? mirum
 ni Hieronymus in crimen ejusdem hæreseos in-
 currere debeat, ut qui in eadem sententiâ fuit
 circa Episcopatum qua Aerius, planè eadem
 Scripturæ præsidia & argumenta adhibens; non
 dubium etiam quin eadem hæresi involvi debe-
 ant Theodoretus, Ambrosius, Augustinus, Chry-
 sostomus, Oecumenius & Theophylactus, qui un-
 animi consensu fenserunt ordinem Episcoporum
 & Presbyterorum eundem esse jure divino,
 quemadmodum testatur ex Medina Rever. Mor-
 tonus, Apolog. part. 2. cap. 8 pag. 297. & paulo
 post cap. 12.

IX. Nonum fundamentum omnino patitur
 exceptiones & falsitate laborat, si ad Episcopa-
 tum Anglicanum referatur. viz. Honoris ad-
 ditamenta Regum liberalitate concessa Episco-
 pis nihil de essentia Episcopatus detrahere. Sanè
 nihil detrahunt de essentia Episcopatus; sed ut
 plurimum faciunt Episcopum nomine tantum
 tenus Episcopum, Primo quia his additamentis
 vestitus Episcopus hoc ipso Episcopatu suo ex-
 cidit, secundum Canonem VI. Concilii Nicæni
 ἢ ἐπίσκοπος, ἢ πρεσβύτερος, ἢ διάκονος κοινὰς ὑποτάσσας μὴ
 ἀναλαμβάνειν εἰδὲ μὴ καθαρίζειν. *Episcopus, Presbyter,*
& Diaconus non suscipiat negotia civilia, alioquin
deponatur. Et Canonem ultimum Synodi Antio-
 chensæ habitæ Anno 341. ubi sancitur Episco-
 porum munus proprium esse docere, ac popu-
 lum

lum prædicatione erudire, orationique tantum vacare, ac nullis se aliis ecclesiasticis nedum civilibus immiscere. Hic disertus est Cyprianus. Cum quidam Geminus Victor moriens tutorem testamento nominasset Faustinum Presbyterum, commotus eo nomine Cyprianus & scribens ad clerum & plebem Furnitanorum, epist. 66. pronuntiat *constitutos in Clerico ministerio non nisi Altari & sacrificiis deservire & precibus atque orationibus vacare debere, nec molestiis ac laqueis secularibus obligari; & ad terrenos ac seculares actus vocari non posse qui Divinis rebus & spiritualibus sunt occupati.* Paulo post exemplo tribus Leviticæ dicit, qui operationibus Divinis insistant; in nulla re advocandos; nec cogitare nec agere secularia cogendos. Intuper per hæc honoris auctaria abrumpitur sancta harmonia quæ est inter collegas Presbyteros & Episcopos. Et cum Canone 34. Concil. Carthagin. IV. decernatur ut Episcopus non patiat Presbyterum coram se stare, & Hieronymus dicat epist. 2. ad Nepotian. *peffima consuetudinis esse in quibusdam Ecclesiis tacere Presbyteros, & Præsentibus Episcopis non loqui.* Hodie vix licet Presbyteris coram Episcopi officiali vel vicario sedere & hiscere. Quid quod, & quod gravius est, per ea honorum corollaria divelluntur officia & munia Episcopi cum Presbyteris communia? Etenim Episcopus auctus pariter autoritate ac titulis trahit ad se cognitionem omnium causarum; presbyteris procul abesse

abesse iussis. Nam qui Presbyter homuncio & de face plebis auderet sociare operas cum Domino Episcopo, tanto & tam longo dignitatis intervallo à se posito; Tum mira metamorphosi, Episcopi præcipuas partes, quæ olim erat corona & gloria Ministerii; nimirum populum prædicatione erudire, in Presbyterum rejicit, & vicissim Presbyterorum officium quod antiquitus, quando Episcopi ac Presbyteri cœperunt muneribus distingui, versabatur potissimum circa regimen Ecclesiæ & reliquos actus Ecclesiasticos, in se assumit; Sed quid opus est dignitatum auctariis, siquidem qualiacunque sint, longe infra dignitatem episcopalem subsident; quæ sane, si aqua lance dignitates æstimarentur, & viveretur hodie inter æquos hominum æstimatores, proxime meritis excipit ipsam Regiam dignitatem. Gregorius Papa epist. lib. 8. Indict. III. cap. xi. dicit Episcopum circa causas sæculares occupari, infra esse dignitatem sacerdotalem; Porro absit invidiam redditibus & honori qui exhibetur defungentibus, sacro-sancto munere, quod ipse Dei filius sustinuit, in suâ personâ cohonestavit, & suo exemplo consecravit. Non tam limis oculis observo cultum quo colantur Episcopi, quàm misereor sortis Presbyterorum, qui, cum R. Hallo teste, statim post Apostolos rebus humanis exemptos, propinquitatem & honoris gradu tangerent functionem Episcopi, sint tanto intervallo hodie diffiti ab Episcopo, ut cælum

cœlum à terra non sit remotius, aut Princeps à
 satellite : Episcoporum opes velim centuplum
 auctas, dummodo Presbyteros consortes divi-
 tiarum & consilii haberent, nec divitiis abute-
 rentur ad desidiam, Gallinis non absimiles, quæ
 præ pinguedine ponere ova desierunt. Exem-
 plum comitis Cantiani, qui verbi Divini est Mi-
 nister, quod mihi opponit Iscanus, ut probet
 illibatum munus bene morari cum honoris &
 dignitatis civilis additamentis, parum ad rem
 facit; nam primo *27. 27. 27* est quod dicit *cum fide-*
liter exercere sanctum Ministerii munus, neque necesse
esse ut alterum abdicet vel negligat. Neque enim
 titulus & dignitas Comitis potest poni inter ea
 additamenta quæ Episcopis præter consuetum
 munus accedunt, neque postulant ut ullo mu-
 nere defungatur civili, nisi quando sedet inter
 iudices in amplissimo consessu Parlamenti; quas
 tamen partes audio comitem Cantianum obire
 per sequestrem, veritus (quæ pia est ejus sollici-
 tudo) ne per eas avocetur à sancto muneris exer-
 citiò cui sedulò invigilat. Quid quod hæc ho-
 noris insignia ut non mutarunt animum viri
 illustrissimi : sic nec ex quo hæreditario jure
 Comitis titulus illi obtigit, labefactarunt sanctum
 Ministerium, quod idem numero & qualitatibus
 quod antea exercet, nec per id tituli factus est
 segnior ad laborem, nec propterea sibi dispicit
 qui vicariam pro se sibi accomodet operam ;
 Sed nec minùs obnoxius est jurisdictioni Epis-
 coporum:

coporum : quod sanè de Episcopis Angliæ non dixeris, quorum quantum adventitia munera essentiam ipsius muneris quod præcipuum habent, corrumpunt, modò dixi, & deinceps dicturus sum.

X. Fateor ad constituendam novam disciplinam quæ jam stabilitæ repugnet, requiri evidentiores probationes ex Scriptura, quàm quæ afferri solent pro stabilito regimine.

XI. Fateor, si Christus alium ordinem ab eo qui est stabilitus Ecclesiæ suæ reliquisset jam pridem de eo quid compertum fuisset.

XII. Fateor, siue stabilitum regimen, siue aliud conforme sit Christi & Apostolorum institutioni, nullam dari in toto orbe disciplinam ecclesiasticam ita numeris suis absolutam, ut in eâ non sit aliquid quod desideres.

XIII. Fateor Christianam politiam nihil requirere quod sit absurdum dictu, & impossibile factu.

XIV. Fateor quæ nova & inaudita obtruduntur in re præsertim magni momenti, meritò suspecta esse.

XV. Fateor periculo & scandalo non vacare posthabitis institutione Christi & praxi veteris Ecclesiæ, novam disciplinam amplecti.

En tibi Iscane recitata quindecim firmamenta quæ ideo intacta reliqueram, ratus abunde esse si excutere præsuppositionem quâ nituntur : nempe Episcoporum ~~op~~ *operas* in collegas esse Divinæ

&

& Apostolicæ institutionis, in eaque sententia fuisse veterem Ecclesiam quæ proximè excepit Apostolorum tempora; Insuper addidi quamquam ista præsuppositio tam vera esset, quàm est veritatis dubiæ, niti tamen alia præsuppositione instabiliore; videlicet, Episcopos Angliæ esse Divinæ & Apostolicæ institutionis, & corrüere quicquid primo *admirati* superstruitur, nisi quæ Episcopis indefinitè ascribuntur, utique probentur quadrare in Episcopos Angliæ. Ad ea Iscanus dicit me invertere quæstionis schema, quod erat de Episcopis in genere, nulla mentione factâ à Rev. Hallo Episcopatus Anglicani. Sanè non video quorsum R. Hallus suscepisset Apologiam pro Episcopis, nisi acturus causam Angliæ Episcoporum? Aut quid prodesset astruxisse Episcopos in genere esse juris Divini, si Anglicanæ Ecclesiæ regimen per Episcopos abhorreret ab Episcopatu Apostolorum & veteris Ecclesiæ? Nempe me revocas ad Idæam Platoniam & Episcopatum qui nulli adhæret subjecto; sed hæc non fuit mens R. Hallo apud quem parte 1. sect. 16. hæc lego. *Planum faciam Episcopatum istius insule substantia eundem esse cum Episcopatu ab Apostolis instituto, utcumque externa dignitate & Principum liberalitate locupletatus sit.* Addit Iscanus, *vitium non esse in Episcopatu Anglicano, sed in personis aliquot Episcoporum qui id vitiosè exercent & fines præscriptos excedunt.* Ego contra, non tam Episcopos in culpa esse censeo quàm

ipsum Episcopatum; quem stabilitum esse legibus abhorrentibus à Christi & Apostolorum institutione necnon consuetudinibus & praxi veteris Ecclesiæ, aliquot conclusionibus palam faciam.

Ante omnia est quod dubitetur de legitima Anglorum Episcoporum vocatione, quandoquidem *nulla ratio sinit ut inter Episcopos habeantur qui non à clero sunt electi, nec à plebibus expetiti.* Gratian. distinct. 62. can. *nulla*. Insignis locus est, 1. Corinth. 16 3. *Cum præsens fuero, quosunque probaveritis per Epistolas, hos mittam.* Sanè, si in eligendis illis qui mandata extraordinaria ad ecclesias perferrent, suffragium ecclesiæ accessit; quantò magis in eligendis illis qui ordinario munere quales sunt episcopi, fungi debent? Tum si in re levioris momenti qualis fuit mandatum adjungendi Lucam comitem Paulo, 2. Corinth. 8. 19. non tantùm consensus, sed & mandatum plebis Corinthiæ adhibiti fuerunt; quantò magis plebis Christianæ calculus requiritur in Episcoporum electione? Porro quando Paulus, 1 Corinth. 3. 21. dicit, *Omnia vestra sunt, sive Paulus, sive Cephas, omnia vestra sunt;* innuit cujuscunque Ecclesiæ Pastores sunt ministri, illi quoque jus competere vocandi hos Pastores: Inter alias è Scriptura petitas probationes, cooptatio Mathiæ, Acts 2. in numerum Apostolorum facta ab undecim Apostolis, necnon discipulis & plebe quæ tum aderat Christiana, vim habet regulæ quam

quam succedentia sæcula imitarentur; quorum
 praxis omnem dubitandi ansam adimit. Nemo
 nisi planè hospes in Historia Ecclesiastica nescit
 per multa sæcula post Apostolos fato functos
 Romanum Episcopum electum suffragiis plebis
 Christianæ urbis Romæ: Exemplum habemus
 in Fabiano de quo Eusebius lib. 6. Histor. cap. 28.
 De Cornelio Episcopo Romano Cyprianus epist.
 52. *Factus est Cornelius Episcopus de Dei & Christi*
ejus judicio, & Clericorum pene omnium testimonio,
de plebis quæ tunc affuit suffragio. In nostra Gallia
 Anno 552. congregata est Synodus Aureliis, in
 qua decretum est ut electio Episcoporum fieret
 consensu Regis, & Cleri, atque suffragio populi,
 non aliorum Provinciae Episcoporum. Et
 Anno 855. convocata est Synodus Valentiniana
 in Delphinatu, autoritate Imperatoris Lotharii,
 in qua Episcopi conquesti apud Imperatorem,
 quod ecclesiis præficerentur Episcopi & Pasto-
 res ignari; rogavere ideo supplices, ut juxta
 antiquum morem Pastorum electio esset penes
 clerum & populum. Paulo post Anno 880. cum
 pravi consilarii conarentur juniores Reges di-
 movere à laudabili instituto Caroli Magni,
 Hincmarus Archiepiscopus Rhemensis gravi &
 commonefactoria Epistola ad Reges, vel potius
 Regentes Ludovicum & Carolomannum uicitur;
 inter alia hæc habet, referente Flodoardo. *Quod*
de ordinando Episcopo, non Regis vel Palatini: um
debet esse commendatio, sed cleri & plebis electio, &

*Metropolitani in electionis disjudicatio. Deinde ter-
reni Principis consensio, Quid ultra memorem?*
Ambrosius electus fuit à civibus Mediolanensibus.
Flavianus ab Antiochenis. Chrysostomus à
Constantinopolitanis : & conciliorum decreta
& sancti Patres id ad ravim occinunt. Authori-
tati ratio astipulatur, nam quod omnes tangit
omnium consensu & suffragiis peragi debet.
Quòd si Episcopus antequam ad curam Pastora-
lem admittitur, necesse habet testimonium ab
extraneis, idque bonum obtineat, quanto magis
requiritur ut Ecclesiæ cui præficiendus est ap-
probetur.

Ab electione episcoporum pergo ad jurisdi-
ctionem quam episcopi non tantum soli, sed &
per deputatos, eosque laicos exercent : Quic-
quid nonnulli eorum scribant quo suum faci-
ant; praxis quotidiana docet, optimos quosque
eorum sic uti Presbyterorum consilio, ut Rex
consultit fidos & prudentes consiliarios, non qui
instar assessorum, jus habeant suffragii, & senten-
tiam ut vocant decisivam, sed merè *συμβουλευτική*
& deliberativam ferant. Hoc quàm repugnet
Scripturæ, consuetudinibus veteris Ecclesiæ &
Patrum Scriptis, notius est quàm ut egeat longa
probatione. Ignatius Patrum antiquissimus epist.
ad Trallianos, cujus loci Iscanus alicubi meminit,
προστυπὸν vocat *σύστημα* ἱερῶν *συμβόλων* & *συνειρημάτων*, τὸ ἐπι-
σκόπων. Cyprianus subinde inculcat se nihil absque
consensu Presbyterorum egisse; & epist. 14:

31.52. & passim alibi, dicit lapsorum causam consuevisse tractari collatione facta cum Episcopis & Presbyteris: Sanè ut in conciliis antiquitus perinde jus erat suffragii Presbyteris ac Episcopis, sic extra concilia eodem jure utebantur Presbyteri in privatis coitionibus. Concil. Carthaginens. IV. Can. 23. *Episcopus nullius causam audiat absque presentia clericorum suorum, alioquin erit irrita sententia Episcopi, nisi presentia clericorum confirmetur.* Interfuisse olim Conciliis Presbyteros constat ex Eusebio lib. 6. cap. 35. ubi dicit Synodo Romanæ adversus Novatum affuisse 60. Episcopos, totidemque Presbyteros, unà cum Diaconis, & Cypriano, epist. 66. *Graviter commoti sumus, ego & collega mei, qui presentes aderant, & compresbyteri nostri qui nobis assidebant.* Ad quem locum Pamelius annotat, colligitur ex hoc loco Presbyteros olim assidere solitos in Synodis. In Synodo Antiochena tempore Aureliani Cæsaris ad judicandum Pauli Samosatani causam non Episcopi tantum, sed & quàm plurimi Presbyteri convenerunt Antiochiam, nec quisquam hic profligando hæretico nobiliorem operam navavit quàm Melchio. *Euseb. lib. 7. cap. 29.* consulantur varia Concilia, qualia Romanum sub Sylvestro, Arelatense, Chalcedonense sub Hilario, Constantinopolitanum quintum generale, Aurelianense II. & III. Aquisgranense sub Imperatore Ludovico, & alia, ex quorum actis & subscriptionibus planum est Presbyteros cum

cum Episcopis jus habuisse judicandi & definiendi. Fateor crescente Episcoporum dignitate, suffragia tandem ad Episcopos redacta, & solos conciliis subscripsisse, qua in re neglectum est exemplum Apostolici Concilii, Acts 15. Com-mate 4, ubi Lucas ait Apostolos & Presbyteros convenisse, ut super quaestione proposita viderent quid facto esset opus : Quos Presbyteros ad-fuisse non tantum ad consultandum, sed etiam ad judicandum & definiendum, docet idem Lucas capite seq. vers. 4. dicens Paulum ex concilio redeuntem civitatibus per quas transibat tradidisse dogmata ~~recepta~~ ^{recepta} judicata & definita ab Apostolis & Presbyteris. Rever. Mortonus Apolog. part. 2. lib. 2. cap. 8. vult verba *visum est nobis* &c. referri ad illud quod praecessit, & significare non consultationem, sed decisionem perinde à Presbyteris ac ab Apostolis profectam.

At, dicunt, Episcopi utuntur subinde opera Presbyterorum : credo. Sed rarius consilio : Nempe eos adhibent, non ut Collegas & coope-rarios, veluti Timotheus & Titus Paulo nava-bant operam, sed tanquam mere vicarios & de-legatos. Quid quod non tantum ut modo dixi, contra praeceptum Pauli, qui vetat Episcopum se implicare negotiis hujus saeculi, nec quicquam aliud mandat Timotheo & Tito, quam quod attinet Ministerium Evangelii, civilia tractant, sed & in se assumunt peculiarem provinciam, quae totum hominem requirit, & ad quam plerique
non

non magis idonei sunt quàm asini ad lyram, & ideo coguntur id muneris obire per Cancellarios homines laicos, qui pro se in tribunali sedeant, & de causis testamentariis & matrimonialibus, ac de iis quæ ad jus Canonicum seu Pontificium pertinent, judicent.

Longum esset ad examen revocare consuetudines, ceremonias & ritus Ecclesiæ Anglicanæ, qui sunt appendices regiminis quod sub umbra Episcoporum potius vitam trahit quàm ducit. Quos quidem ritus eo graviores censuerim, quod tanto rigore singulis pastoribus imponantur, ut qui minimo conscientie dictamine retentus fuerit quemquam eorum non admittendi, illico pro religione gravissimas pœnas luat, beneficio exuatur, & ad infitas (neque enim cuiquam parcitur) redigatur. Sæpe mihi perlustranti faciem Ecclesiarum tam quæ Pontifici subsunt, quàm quæ extra Angliam reformatæ se indigitant, occurrit hæc cogitatio, nunquid tale factitari soleat inter eos circa Ministrorum expulsionem & exauctorationem, & excommunicationem ob ritus seu non admissos seu nondum plane concoctos, qui quidem ritus fatentibus Cantuariensibus *adiazopos* sunt; Haud sanè nondum comperi. Nunquam vidi, sed nec inaudivi quemquam Pastorum in Gallia aut Belgio, aut non admisisse ritus, aut in pœnam non admissorum exauctoratum fuisse: Nec quisquam est quod sciam, de clero Romano, qui non sit placide

obnoxius ritibus latis à Papa & Prælatiſ, niſi quando ad reformatam religionem tranſit ; An accuſanda mala fides legiſſatorum in Anglia & defectus *cuſorias* in ferendis legibus, quibus obſequi religione prohibeantur tot homines, & eis obtemperare ad mortem uſque conſtanter pernegent ? An verò incuſanda ſcrupuloſa tergiverſatio, ne dicam obſtinatio, eorum qui ritè latis conſtitutionibus moroſa religione parere impediuntur, ſed hos culpæ arcere religio eſt, qui ſciam Anglos nulli gentium cedere, neque fide erga Regem, neque obſequio erga ſuos Legiſſatores. Sanè plerique de Angliæ clero formidine pœnæ adiguuntur ad amplectendos hos ritus, quibus alioquin ſi ſoluta eſſet optio, ne ex decem unus ſe ſubmitteret. Culpa ergo rejicienda in Legiſſatores & primos conditores horum rituum, non tam ob iniquitatem conſtitutionum promulgatarum ; (nam & Eccleſia Romana pejores habet, quibus tamen clerus Romanus non repugnat) quàm quia perſpicacia deſuit ferendi leges, quibus parendis maxima pars hominum ad quos illæ leges pertinent, Religione non cohiberetur : Nulla eſt reſpublica in qua Legiſſragi non luxurient ; At rarum eſt exemplum Rerum publicarum in quibus ipſi legum violatores ad earum obſequelam religione teneri non ſe reputent, niſi forſan fuerint Chriſtiani ſub Ethnicis viventes. Leges quæcunque ſint, validæ ſunt, non quia bonæ, ſed quia latæ à legitimo legiſſa-

legislatore; nec tantum requiritur ut sint justæ, sed & accommodatæ, quibus parere nec injustum, nec grave sit. Validas esse constitutiones Ecclesiæ Anglicanæ nemo ambigit; at an perinde sint justæ & adæquatæ merito dubitatur: Testis mihi sint constitutiones circa excommunicationem ob rem nullius momenti, quæ tamen simul ac intentata est, nulla poenitentia præmissa, numerata pecunia præsentis solvitur. Nempe æquum fuit ut qui faciliè in tartarum præcipites ruunt, pari facilitate ex orcis emergant: Durum tamen videtur imponi poenam quæ multis parafangis crudelitate infligendi superat offensæ momentum; & quis ob depositam lineam vestem quando indui jubetur, excidat non tantum Ministerii officio, sed & moveatur beneficio, quo sibi & liberis miseram hanc vitam trahit, utcunque in cæteris sit clarus eruditione & sanctitate vitæ, gregi præluceat, atque oves sibi commissas sedulo erudiat ad salutem. Guilielmus Parisiensis abutentem excommunicatione comparat ei qui culicem fronti hominis insidentem necaturus, magno pugni ictu in frontem adactò, pariter hominem cum culice interimeret; sed an melior commutatio poenarum corporearum in pecuniarias, & constitutio qua ad nomen Jesus inclinantur vel nudantur capita; Cum Paulus Philip. 2. doceat deberi reverentiam nomini Jesus, idest, ejus virtuti & dignitati, aut potius personæ; hodie salutantur

syllabæ nominis, & ad prolationem vocis Jesu nudantur capita, at non ad prolationem nominis Christi, imò nec Dei. Ejusdem farinæ est signatio crucis in Baptismo, quæ utcumque à magistris nostris statuatur non necessaria, attamen aut usurpanda est à quocumque de clero, aut pro negligentia graves poenæ luendæ. Hactenus ergo fuit lugenda conditio cleri in Angliâ, cujus humeris ejusmodi ritus & constitutiones impositi fuerunt, de quibus illud Gersonis possum usurpare, lib. de vita spirit. part. 3. coroll. 14. *Tanta est ejusmodi constitutionum multitudo, ut si tenerentur in suo rigore, maxima pars Ecclesiæ damnaretur.* Quid quod hæc deturbatio Ministrorum facta ab Episcopo solo, pugnat cum Synodorum canonibus. Expressus est canon Concil. Hispal. II. can. 6. *Comperimus quendam Presbyterum à Pontifice suo injustè olim dejectum & innocentem exilio condemnatum: ideo decrevimus (juxta Præscorum Patrum decretum) Synodali sententia, ut nullus nostrum sine concilii examine ejicere quemlibet Presbyterum vel Diaconum audeat.* Episcopus enim sacerdotibus & Ministris solus honorem dare potest, auferre solus non potest. Tales enim neque ab uno damnari, nec uno judicante poterunt honoris sui privilegii exui. Sed presentari Synodali judicio, & quod canon de illis præceperit, definiri.

Pono sepulturarum Venditiones inter Constitutiones (an consuetudines?) Ecclesiasticas nigro lapillo notandas; quæ quidem venditio-
nes,

nes, conniventibus Episcopis, &, quod peius est, nemine quod sciam de clero hæcenus reluctante, securè conquiescunt; Sanè, crudele, fœdum, inhumanum & indignum, genusque est monstri quod ipsa natura respuit, ut quis fato functus non possit communi mortalium matri seu terræ mandari, nisi pacto pretio: & cum vivus quisque hanc habeat indulgentiam sine mercede ingrediendi templum, mortuus tamen non possit adire sepulchrum gratis; mirum ni quoque pro ære qui spiratur pro solvitur; & cur aqua quæ de rivo potatur præsentī pecunia perinde non venditur? Quid quod planè iniquum videtur accipi pretium pro licentia aperiendi terram in fundo qui dono Ecclesiæ cessit. Pauper sis, nihil interest, solvendum est tibi; vendit tibi Parochus licentiam fodiendi sepulchrum in cœmiterio satis largo pretio; largiori si in templi auditorio; largissimo si in templi Sacratio; nam nemini bonus vir rigidior observator legis quàm Evangelii indulget; utcunque non sit moris ulli hominum gratiam mercedis suæ nunquam facere, præterquam Presbyteris: Nam & antiqui Prophetæ non semel recusabant munuscula ad mercedem vaticinii oblata, & solenne est Doctoribus facere gratiam *διδάσκου*, & Medicis *ἰατρικῆ* eoque abusus res devenit ut si defuncti parentes non habeant in ære, necesse habeant solvere in supellectili; & jam pauperes minori pretio vivant quàm vitam finiant, cesseritque

hodierno die in proverbium, *Rigidior Parocho in exigendo pretio pro sepultura*. Hanc consuetudinem Turcæ ipsi damnant, & reclamant Canones antiqui, ut fusiùs probat Henricus Spilmannus eques auratus in dissertatione sua *de Sepultura*.

Antequam ultra progrediar, purgandus sum crimine calumniæ quam mihi impingit Iscanus, quod dixerim parem esse corruptelæ rationem cum Anglicanis Episcopis ac cum Romanensibus, & pronuntiaverim extra Angliam ubi Papa regnat, longè minorem esse Episcoporum jurisdictionem & authoritatem prætoriam in collegas Presbyteros & laicos, quàm intra Angliam. *Quid?* inquit Iscanus, *an par doctrinæ corruptelæ? An in Anglia pueri Episcopi creantur novennes? an dispensant in votis & juramentis? quid atrocius dicere potuisset separatistarum insensissimus?* Bona verba: corruptelâ non in doctrina, sed in ipsa jurisdictione & jurisdictionis exercitio intellexi. Per sequiores leges Episcopatus extra Angliam administratur. Sed cæteris paribus secundum stabilitas leges longè major est Angliæ Episcoporum potestas; hæc triplex *νομοθετική, δικαστική, & πολεμική* quâ vel Gallo-
rum vel Italorum Episcoporum, si Papam exceperis. Anglorum gradus eminentior & potestas magis absoluta: Nam ut taceam quod extra conventus publicos in sacro Regis consistorio & alibi locorum, nobiliora scamna premunt; In comitiis publicis regni quot quot sunt Episcopi, habent jus suffragii; in Gallia non item: Eorum autho-
ritas

ritas namque magis circumscripta est, & non nisi ex centum vel circiter quos Gallia habet Episcopos, sex sedent in publicis confessibus regni: Quid quod solenne est à supremis eorum curiis, ad infima sæcularium judicium tribunalia provocare. Nec leve est quòd in Gallia maxima cleri pars non est obnoxia Episcoporum jurisdictioni. Nam Papa quo accideret Episcopis potestatem, studuit Religiosorum & Monachorum ordines proximo vinculo sibi mancipatos, magno esse numero. Nec parum detrahit de eorum autoritate, quòd ingens corpus Ecclesiarum reformatarum Episcopis parere non teneatur. Hac invidiosa collatione abstinuissèm libenter, si per Iscanum licuisset.

Ex loco Matthæi 19. 28. *Sedebitis super duodecim thronos, judicantes duodecim tribus Israelis,* Post R. Hallum duo exculpit Iscanus. I. Apostolos ad quandam dignitatis superioritatem erectos fuisse supra septuaginta. II. Episcopalem jurisdictionem successisse Apostolicæ. Ad primum quòd attinet, fateor Apostolos ut qui peculiari prærogativa donati erant, superiores fuisse septuaginta discipulis; ea superioritate crediderim, non tam quæ infert potestatem in ceteros, quàm majorem donorum virtutem: Quid quod in prima ablegatione Apostolorum & septuaginta discipulorum utrisque dantur paria jura: utrique etiam potestate docendi & miracula edendi instruuntur, tantaque fuit eorum prærogativa

rogativa ut Dorotheus non dubitet dicere eos inter Apostolos fuisse numeratos; Neque etiam post Christi ascensionem Apostoli magnam jurisdictionem & potestatem prætoriam in illos sibi arrogarunt, quanquam ea uti potuissent, sed illos fratres conservos, cooperarios & coadjutores suos vocarunt. Hoc tamen tenendum est Apostolos habuisse multa extraordinaria privilegia & prærogativas sibi peculiare cum nullis communicandas, nec ad quemquam transmittendas, quales sunt immediatè a Deo vocari & eligi: Donis Spiritus sancti & miraculis clarescere; Habere efficaciam prædicationis quæ sit *ἀναδεδεικται*; Habere potestatem jurisdictionis quæ Christianos ac proinde Pastores omnes obstrictos teneat parendi legibus à se latis: Mirum quod Episcopi non venditent se successores Apostolorum, perinde in primis prærogativis ac in ultima quæ est *ἐκτελέω*, quam Apostoli in reliquos Pastores habebant. Tuentur se R. Hallus & Iscanus interpretatione Augustini ad locum Apoc. 20. com. 4. *Vidi Thronos & super eis homines sedentes quibus judicium datum est*, ut probent Episcopos utpote Apostolorum successores, habere jurisdictionem in Presbyteros. Verba sunt Augustini lib. 2. civitatis cap. 9. *Non hoc putandum de ultimo judicio dici, sed sedes præpositorum & ipsi præpositi intelligendi sunt, per quos Ecclesia nunc gubernatur, judicium autem nullum melius accipiendum videtur quam id quod dictum est: Quæ ligaveritis*

veritis in terra, erunt ligata in cælo. Ex hoc loco putant confici voce *Præpositorum* intelligendos Episcopos, & ad solos Episcopos pertinere regimen Ecclesiæ. Ego contra ex hoc loco conficio regimen Ecclesiæ perinde pertinere ad Presbyteros atq; ad Episcopos; quandoquidem appellatio præpositi, promiscuè cadat in Episcopos & Presbyteros: Idque fert, sensus locorum Mathæi & Johannis, qui est, fore ut post ascensionē Christi in cælum Ecclesia habeat Apostolos judices omni exceptione majores, & ad eorum documenta & scripta referant de fidei cōtroverſiis qui præſunt regimini Ecclesiæ tum Episcopi tum Presbyteri, ad quos perinde pertinet illud Christi, *Quæ ligaveritis in terra erunt ligata in cælo*. Sanè hæ appellationes ἡ ἐπισκοπὸντων, τοῖς αἰσχυρῶν, τοῖς ἁγίων, ἡ γυμνῶν, re- & nomine Episcopis & Presbyteris ex æquo convenire dicuntur, non solum in Scriptura, sed & passim in Patrum Scriptis. 1 Pet. 5. 2. Munus incumbit pastoribus tam ἐπισκοπεῖν quàm pascendi gregem, & Actorum 20. v. 17. Presbyteri jubentur ποιμαίνειν Ecclesiam Dei, qui mox, v. 28. ἐπίσκοποι vocantur. Chrysostomus in 1. ad Timoth. Homil. 11. dicit Presbyteros munus docendi & præsidendi Ecclesiæ simul accepisse. Justinus Martyr Apolog. 2. pag 97, 98. referens ordinem qui à Christianis observatur in sacris coetibus, dicit panem & vinum offerri τῷ ἀρχιερεὶ τῶν ἀδελφῶν. Paulò post εὐχαριστοῦσιν τῷ θεῷ, postquam Præficens gratias egit. Lectione sacra Scripturæ

peracta, & ~~seorsim~~ ^{seorsim} populum hortatur ut lectis sint audientes ; qua appellatione plane conficitur moderatorem (*celuy qui conduit l'action*) sive Episcopum, sive Presbyterum intelligi ; nisi statuatur solius fuisse Episcopi concionari & Sacramenta administrare : consimiliter appellatio Præpositi & Præsidentis passim in Tertulliano & Cypriano promiscuè Episcopo & Presbytero tribuitur. lib. 3. de corona militis, *Eucharistia Sacramentum nec de aliorum manu quam præsidentium sumimus.* Cyprianus epist. 62. *Cum omnes omnino disciplinam tenere oporteat, multo magis Præpositos & Diaconos curare hoc fas est.* Hic habes Præpositos & Præsidentes qui tam Presbyteros quàm Episcopos comprehendunt. Sed ne extra Augustinum expatier. Homil. ultima ex quinquaginta cap. 11. habes in parva pericope appellationes Antistitum & Præpositorum, sub quibus promiscue Episcopi & Presbyteri intelliguntur. Verba sunt. *Veniat peccator ad Antistites per quos illi in Ecclesia claves ministrantur, & à Præpositis sacrorum accipiat satisfactionis suæ modum.* Ridet Iscanus quod dixi, æqualitatem duodecim Apostolorum evincere Pastores omnes, dignitate, ordine, & gradu pares esse, at nihil contra regerit. Sanè hæc æqualitas duodecim Apostolorum tacitè insinuat, si quæ sit inæqualitas præminentia inter Pastores, eam esse humanæ institutionis, nec a Deo profectam. Luca cap. 12. Apostoli pridie mortis Christi alter-

altercantur de primatu : credibile est aliquem de turba Apostolorum honestiori familia ortum voluisse extollere se supra piscatores quales erant plerique Apostoli, ac Petrum obtendisse claves sibi promissas, Johannem & Jacobum se jactasse Christi consanguinitate. Judam verò sibi prærogativā vendicasse quod *πρωτοκλήμων* gestaret, & pecuniam asservaret quæ in vita civili utramq; paginam facit. Profecto si Christus cuiquam ex Apostolis dedisset *αποστολία* in cæteros, graviter increpuisset eos qui *αποστολι* honorem à se collatum adimere conarentur, & voluntati ejus adversarentur : Id verò Christus non fecit, sed jussit maximum esse instar minimum. Statuendum ergo eo loci Lucæ, ut & Matthæi 20. v. 25. innui, non tantum Apostolos fuisse potestate per omnia pares; sed & omnes verbi Divini Ministros sic inter se æquales esse in omnibus, ut nemo in quæquam quicquam habeat potestatis. Nec vox *κατακορίων* qua Mathæus utitur, intelligenda, quod volunt, de usurpato imperio; quando legitima autoritate abutuntur ad Tyrannidem, ut honori suo velificentur, sed nec præpositio *κα* addit Emphasim; quandoquidem Lucas eadem verba domini nostri reponens quæ Mathæus, utatur verbo simplici *κυριών*, quod non tantum usurpatur de quacunque potestate, sed & ut plurimum denotat legitimum imperium aut privilegium, quo quidpiam alio præstantius est & nobilius. Eo sensu Hippocrati *κύριος ἡμετερος* est

princeps dies ad judicandum idonea: & libro
 πρὸς γιναι. κλειώταται ἡμέραι, sunt dies præcipui &
 maximè opportuni ad conceptionem. Sic Gale-
 nus passim libro de usu partium, & de Arte
 parva cap. 9. vocat κλειώταται μέρη Principes humani
 corporis partes. Et primores Atheniensium ap-
 pellantur à Demosthene τὰ κύρια. Et ἡμέρα à Jo-
 hanne Apostolo dicitur κλειανή. Nempe ea non
 fuit mens Christo, ut qui præest Pastor ~~κατορχῆς~~
 Episcopali reliquis pastoribus, admoneretur ne
 tyrannicè erga suos collegas se gereret; sed in-
 terminatur Dominus ne quisquam de Apostolis,
 ac proinde de cœtu Pastorum qui non sunt Apo-
 stoli, se efferret supra collegas, & majorem se
 reputaret, quanquam revera doctibus præstantior
 esset. Venio ad secundum quod infert R. Hallus
 ex loco citato Matthæi, nempe Episcopalem ju-
 risdictionem successisse Apostolicæ. Sanè si ex
 Scriptura & Patribus patet nihil functionum
 competere Episcopo quod non etiam cadat in
 Presbyterum; Non video cur Presbyteri perinde
 ac Episcopi non merebuntur accenseri successo-
 ribus Apostolorum: Non negarim Patres sæpe
 vocare Episcopos Apostolorum successores: Sed
 & quandoque idem de Presbyteris prædicant, ut
 qui ut plurimum Presbyteros Episcopis inclu-
 dunt. Irenæus lib. 3. cap. 3. circa initium dicit
 Episcopos esse successores Apostolorum; sed
 idem dicit de Presbyteris; verba ejus sunt lib. 4.
 cap. 43. *Presbyteris oportet obedire, qui successionem*
habent

habent ab Apostolis, & lib. 3. cap. 2. Cum autem ad eam iterum traditionem quæ est ab Apostolis, quæ per successionem Presbyterorum in Ecclesiis custoditur, provocamus eos, adverſantur traditioni, dicentes se non solum Presbyteris, sed etiam Apostolis existentes sapientiores, sinceram invenisse veritatem. Pius Irenæo antiquior Epistola ad Iustum Viennensem, Presbyteri qui ab Apostolis educati, usque ad nos pervenerunt; nullam agnoscens successionem Pastorum, nisi Presbyterorum. Et Augustinus Serm. 36. ad fratres in Eremo eosque Presbyteros Vos (inquit) estis sal terræ, Apostolorum successores; Cyprianus epist. 69. ait omnes Præpositos vicaria ordinatione Apostolis succedere. Sed, quod apprimè observandum, veteres successionem Episcoporum non ponunt in *persona* & præeminentia in reliquos collegas, sed in functione Ministeriali & doctrinæ forma devoluta ab Apostolis ad Episcopos, sub quibus planum est Presbyteros comprehendere; quandoquidem perinde ad Presbyteros pertineat doctrinæ annuntiatio & Sacramentorum administratio. Sic Cyrillus in Iohannem lib. 3. cap. 20. loquens de quinque panibus & piscibus quibus Christus magnam hominum multitudinem cibavit, & comparans cum Scripturæ mandatis novis & veteribus, quæ fidelibus per Apostolos tradita fuerant, addit, *Apostolorum successores in Ecclesiis plenam gratiam Ministerii possidere.* Eodem pertinet quod & apud Eusebium Hist. lib. 5. cap. 20. Irenæus

Florino objicit ταῦτα τὰ δόγματα, &c. *Hæc dogmata, qui ante nos fuerunt Presbyteri, quique cum Apostolis versati sunt, non tradiderunt tibi.* Idem passim, ut & Tertullianus de præscriptionibus, & Epiphanius Hæresi 66. & Irenæus lib. 3. loco citato, derivationem orthodoxæ Doctrinæ ab Apostolis probant à continua successione Episcoporum in Ecclesiis eandem veritatem docentium.

Non video quicquam esse momenti quod assert Iscanus contra distinctionem muneris & autoritatis in ordinariam & extraordinariam: Dixeram ab Apostolis sic communicatam ordinariam cum Presbyteris, ut in conventibus æquale jus suffragii cum Apostolis habuerint: Per munus extraordinarium leges primas tulisse quibus semel conditis, Presbyteri per jus ordinarium fuerunt sic cœquales Apostolis ut communi consilio tam Apostolorum quàm Presbyterorum plebs Christiana regeretur. R. Hallus hanc approbat distinctionem, sed ait id muneris ordinarii non ob stare quo minùs munere ordinario defungentibus unum præfecerint Apostoli Presbyterum, quem nos Episcopum vocamus. Sed præterquam quod in Apostolorum conventibus altum sit silentium unius Presbyteri majoris altero; Ipsæ voces ordinarii muneris uni cœtui pastorum attributæ insinuant functionum & graduum identitatem. Addebam munus extraordinarium Pauli illuxisse in eo quod author esset ut Corinthii incestum sacris arcerent; at ultimum

ultimum actum excommunicationis secundum Ministerii ordinarii auctoritatem commissum fuisse Presbyterorum cœtui. Hic Iscanus ait perperam a me addi Presbyteros, quorum Paulus nullam mentionem facit: Nempe ideo perperam Episcopos nominavi, quia si Iscano creditur, Paulus per Ecclesiam intellexit Episcopum, &, qui meus est stupor, credideram sub nomine Ecclesiæ capi Presbyterorum cœtum. Partes Pauli in illa excommunicatione officio judicis comparat: Ultimum verò actum ab Ecclesia Corinthiaca peractum dicit tanquam à lictore. Apage, non te pudet collationis? Id non censuit R. Mortonius qui ad hunc locum dicit auctoritatem Ecclesiæ Corinthiacæ potuisse sufficere, sed ad majus pondus voluisse Paulum suam sententiam interponere. Sed & Iscanus aliorum refert mea verba quàm intellexi, mihi imponens quod nec dixi, nec credo; nempe traditionem incesti Satanae idem fuisse cum excommunicatione. Hæc enim facta fuit ab Ecclesia Corinthiaca. Illa verò decreta auctoritate Apostolica nullo lictore (ut Iscani verbis utar) adhibito; quæ quidem traditio Satanae fuit illa virga Apostolica, de qua Reverendissim. Parens fustus in suo vate lib. I. cap. II.

An Timotheus & Titus Episcopi fuerunt Diocesani & hic Cretensi, ille Ephesinæ Ecclesiæ affixus fuerit, curam non tantum Ecclesiæ (ut volunt) demandatæ gerentes, sed & ~~negotias~~ & autho.

authoritatem in subiectos Presbyteros habentes, quomodo solidis demonstrationibus ex Scriptura & Historia veteris Ecclesiæ probetur, nondum comperi. In limine tamen non negari Timotheum & Titum, quatenus muniti mandatis Pauli, & pro tempore vicariam sub eo potestatem extraordinariam & Apostolicæ jurisdictionis participem exercebant, superiores fuisse cæteris Pastoribus aliqua dignitatis & authoritatis. Subscriptiones quas nobis obtrudit Iscanus, sunt suspectæ fidei, & falsitas primæ subscriptionis, 1. epist. ad Timotheum, facit ut revocem in dubium veritatem secundæ, in qua Timotheus disertè dicitur primus Ecclesiæ Ephesinæ Episcopus. In prima enim *ἡ πρώτη* legitur Epistolam scriptam fuisse Laodiceā; cum sanè Paulus ad Colossenses cap. 2. commate primo, dicat Laodicenos nunquam à se visos. Epistolam autem ad Colossenses triennio scriptam fuisse ante primam ad Timotheum testatur Jacobus Capellus. Sed cum Epistola ad Ephesios scripta sit quadriennio post primam ad Timotheum, in qua Timotheus (ut volunt) jam fuerat constitutus Episcopus Ephesinus; mirum quodd Paulus postmodum ad Ephesios scribens ne semel quidem Timothei mentionem faciat, quod sæpe facit in aliis Epistolis? Quid quod quisquis animo percurrerit varia loca, urbes & Regiones quas cum Sancto Paulo peragravit, ut taceam varias legationes susceptas ex Pauli mandato,

mandato, apud se reputabit vix quidquam
 Timotheo superfuisse otii diuturnioris Ephesi
 moræ, qualis ab Episcopo Diocesano requireba-
 tur, sed sociasse operas in Ministerio cum Sancto
 Paulo, qui dicitur non unius, sed omnium Eccle-
 siarum curam habere. 2. Corinth. 11. v. 15. Et
 ab eo tempore quo Lystris adjunctus est comes
 Paulo, de eorum numero fuisse de quibus lo-
 quitur Ambrosius comment. in Ephes. 4. quorum
 erat Evangelizare sine Cathedra, & ideo Acto-
 rum 19. referri in numerum *διακόνων* Paulo: sed
 siquidem volunt ordinationes Presbyterorum à
 solis Episcopis peragi; quis absente Timotheo
 ad longiusculum tempus, ordinationes faciebat,
 præsertim cum ingens numerus fidelium in
 magna urbe esset, & subinde mortuis novi sub-
 stituendi essent Presbyteri? Verisimile est Ti-
 motheum Ephesi relictum non ut ordinariam
ἐπισκοπὴν curamque Pastoralem susciperet, sed
 tantum ut denuntiaret quibusdam, ne diversam
 doctrinam docerent, neve attenderent fabulis;
 Nec si Paulus utitur voce *παραμειναι*, continuo se-
 quitur Timotheum ordinario officio confedis-
 se Ephesi, & hac voce moram ultra paucos dies
 intelligi, Etenim Matthæus cap. 13. v. 32. eodem
 verbo utitur, ut exprimat moram tridui. Sed
 velim scire quando tandem Timotheus fuerit
 creatus Episcopus Ephesinus? Iscanus dicit,
 quando Paulus Epheso convocavit Miletum
 Presbyteros, Timotheum non fuisse constitutum

Episcopum Ephesinum à Paulo, & testem advocat Jacobum Capellum; At siquidem secundum Iscanum, statuendum est tunc Timotheum fuisse creatum Episcopum, quando relictus fuit Ephesi; toto cœlo errat, dum asserit ante Presbyteros vocatos Epheso Miletum. quàm relictus esset Timotheus Ephesi, habetque Capellum quem ad suas partes trahit planè contrarium asserentem; ut qui in centuriis quas legisse Iscanum vix crediderim, dicit Pauli profectiorem in Macedoniam Act. 20. ubi primam scripsit ad Timotheum in qua volunt jam fuisse relictum Timotheum, Ephesinum Episcopum, incidisse in annum Christi 56, & non nisi Anno post Ephesinos Presbyteros Miletum vocatos in itinere ex Troade Hierosolymam, Si capio mentè Iscani; videtur paulò post asserere Timotheum tum demum fuisse creatum Episcopum Ephesinum post primam Pauli incarcerationem sub Nerone, adeoque primam ad Timotheum fuisse scriptam post illam captivitatem, quandoquidem ibi primùm dicatur Timotheum Ephesi relictum. Sed errat, quoniam Paulus post primam incarcerationem Ephesum non reperit ipso sic compellente Ephesios: *Et nunc ecce ego scio neminem vestrum visurum faciem meam* Baronius quem præter morem allegat, censet Paulum primo carcere liberatum potius in occidentem quàm orientem abiisse; concinens Chrysostomo & Hieronymo qui volunt demum in Hispaniam excurisse, ibique

que Evangelium annunciasse. Inter alia quæ Episcopatu Timothei Ephesino fidem detrahunt, dixeram constare ex Irenæo, Eusebio & Hieronymo, Johannem Apostolum peracto concilio, de quo Actorum 15. Ephesi sedem fixisse, ibique rexisse Ecclesiam usque ad tempora Trajani. Hic non habet Iscanus quod contra loquatur; sed me culpat contradictionis, quia dixi, *Mirum, an Paulus creavit Presbyteros Ephesi ubi præsto erat Dioecsanus Timotheus*. Et monet me iugulatum gladio, nec hæc duo bene congruere, nempe Johannem fuisse Episcopum Ephesinum, & Paulum ibi creavisse Presbyteros. *Quomodo, inquit, Paulus creavisset Presbyteros, cum præsto esset Iohannes Dioecsanus Episcopus?* Sanè laborant tuæ argutiæ ignoratione Elenchi: nec nobis qui jus ordinationis non affigimus uni Episcopo contradictio est, dicere Paulum & Johannem creasse Episcopos Ephesi Sed demus me meipsum implicasse contradictione: an per id satisfactum est eis quæ ex Irenæo, Eusebio & Hieronymo attuli circa Episcopatum Iohannis in urbe Epheso? Sed siquidem tantopere gloriaris in autoritate Iacobi Capelli viri in Chronologicis exercitatissimi, habes in centuriis ad annum Domini 63. Johannem Apostolum sexto ante Neronis obitum proficiscentem Ephesum, ubi manet annos 27. Augustinus epist. 86. dicit *Iohannem Ephesi docuisse, quemadmodum Iacobus Hierosolymis, & Petrus Romæ docuerunt.* Gregori-

Nazianzenus orat. 25. dicit Iohannem docuisse Ephesi, quem admodum Petrus in Iudæa, & Paulus inter Gentes. Mirum quid factum ut in Epheso urbe, Episcopi munia qualia prædicant, obierit Timotheus, Apostolo ibidem degente? Ergo huc deveniendum, Episcopos in primitiva Ecclesia dicto, non qui præditi erant in Symmystas autoritate, aut quibus solis demandata erat cura integræ unius Ecclesiæ; sed qui sive Apostoli, sive Presbyteri, inter collegas ejusdem ordinis clari erant ætate, doctrina, & sanctitate vitæ. Nec censuerim Iohannem, quanquam Ministerii gradu emereret supra Timotheum, assumpsisse in eum quicquam jurisdictionis ordinariæ. Non minoribus difficultatibus urgetur Episcopatus Titi. Quis credat unum hominem præpositum fuisse insulæ tam magnæ, tot urbibus nobili Pastorem ordinarium; Timotheum verò uni tantum urbi præfuisse? Id non credidit Chrysostomus, qui Homil. 2. in Titum asserit Paulum noluisse totam insulam uni Episcopo committere, quandoquidem jubeat ut singulis oppidis præficerentur Episcopi. Concinit Aquinas in Titum cap. 1. lect. 2. *Apostoli loco inter Creteneses Pastorale officium gessit Titus, neque enim voluit Apostolus Theophylactus & Origenio testibus, universam insulam uni Episcopo demandari, sed unamquamque urbem proprium Pastorem habere jussit.* Tito autem non fuisse demandatam perpetuam *ἐκείνην* in Creta, liquet, quod ex Creta eum evocaverit Paulus

Paulus ut ad se veniret Nicopolim, ubi hyemare apud se statuerat, & postmodum Troade expectaverit, 2. Corinth. 2. 12. quo non invento in Macedoniam profectus fuerit: Titus autem inter hæc sua sponte Corinthum navigaverit. 2. Corinth. 8. 16, 17. ubi expertus animum Ecclesiæ Corinthiacæ erga Paulum, in Macedoniam redierit, ubi Paulum offendit, & sua præsentia recreavit, 2. Corinth. 7. 6. Quid quòd postea Romæ Paulo in vinculis affuit, indeque in Dalmatiam profectus est. Porro verba Pauli sonant, Titum ideo in Creta relictum, ut reliqua perageret corrigere, innuens ei tantum incumbere provinciam inchoatum opus ad finem perducendi; quo confecto, operam Paulo accommodaret in aliis Ministerii operibus. Id tacitè innuit Theodoretus, qui in argumento Epistolæ ad Titum scriptæ, dicit Paulum Tito commississe munus ordinandi Episcopos. Hic statuendum, vel Titum fuisse Archiepiscopum insulæ Cretæ cui suberant alii Episcopi, vel dicendum Episcopatum Titi non fuisse ordinarium, sed munus tantum fuisse delegati sub Paulo ad tempus exercendum, quandiu res Ecclesiæ in Creta essent in compositæ. Subscriptionem esse falsam indicat versus duodecimus cap. 3. ex quo apparet Paulum tunc non fuisse Nicopoli cum scriberet epistolam ad Titum. Astipulatur Iacobus Capellus qui vult epistolam ad Titum scriptam fuisse, cum Paulus in Macedonia esset:

ergo non Nicopoli quæ Thraciæ civitas est.

Sed nec Romæ Petro fato functo existimari præpositum fuisse unicum Episcopum, sed plures Episcopos simul præfuisse; Clementem, Cletum & Linum: alioquin non video posse conciliari veteres in speciem discrepantes circa successionem Petri successorum in Episcopatum Romanæ Ecclesiæ. Quibusdam affirmantibus, è quorum numero est Tertullianus, Clementem immediate Petro successisse. Aliis præponentibus Linum Clementi, ut Optatus lib. 2. in Parmenonem. Aliis ut Epiphanius Hæresi Carpocratianorum Cletum Lino successisse scribentibus. Aliis denique constituentibus Clementem quartum Episcopum post Petrum, ut asserit Hieronymus libro de scriptoribus Ecclesiasticis. In hanc rem apprimè notandus est locus suggestus ab amico celeberrimo viro Claudio Salmasio ex scriptore Anglo-Saxone conversus & insertus ad calcem operis de fœnore Trapezitico, quo liquet Petrum tres Episcopos ordinasse simul Clementem quidem Cathedræ Episcopalis successorem qui regeret Ecclesiam Romanam: duos verò, Linum & Cletum, qui orationi & doctrinæ vacarent. Pariter ambigitur an Polycarpus solus fuerit Smyrnæ Episcopus. Etenim Clemens constit. Apostol. lib. 3. cap. 47. affirmat Aristonem: Suidas dicit Bucolum fuisse istius sedis primum Episcopum, eique Polycarpum successisse; utcumque Tertullianus, Irenæus & Eusebius asserant Polycarpum fuisse

fuisse primum Smyrnæ Episcopum ; de cujus ordinatione nihil certi compertum habemus ; Irenæus enim & Eusebius dicunt eum fuisse ordinatum à pluribus Apostolis. Tertullianus verò & Hieronymus, à solo Iohanne Apostolo : argumento, ut ordinatio fuit à pluribus pari potestate præditis collata, ut curque sæpe uni tantum tribuatur ; sic credibile, imo vero simile esse, pari potestate & jurisdictione olim præfuisse simul plures Episcopos uni Ecclesiæ ; quanquam unus solummodo sæpe nominetur, ut qui putabatur prærogativa doctrinæ & sapientiæ cæteris antecellere. Quid quod Polycarpus epistola ad Philippenses duos tantum ordines in Ecclesia agnovit, Presbyterorum & Diaconorum. *Subjecti estote Presbyteris & Diaconis, tanquam Deo :* unde conficitur, non altiorem gradum Presbyteratu cognovisse inter Philippenses, ac proinde nec Smyrnæ : nec credibile est si Polycarpus fuisset Episcopus Smyrnæ, omissam fuisse à Polycarpo in inscriptione epistolæ suæ appellationem Episcopi, ut facit Paulus Apostolus in omnibus suis Epistolis. Gildas Anglus de quo infra in re graviori mentionem facio, Polycarpum vocat *Smyrnensis Ecclesiæ egregium Pastorem*. De Episcopatu Antiocheno non minor dubitatio : nec video quomodo Eusebius conciliari poterit cum Theodoreto & Chrysostomo, aut cui plus fidei adhibendum, nisi Eusebius, utpote *et xpo* fide dignior censendus sit. Hic enim vult Euodium sedisse

sedisse Antiochiæ Episcopum ante Ignatium : Illi vero Ignatium anteponebat Euodio : sed censerem potius fidem adhibendam Clementi Const. lib. 7. cap. 46. qui Euodium à Petro, Ignatium à Paulo non successivè, sed simul Ecclesiæ Antiochenæ Episcopos creatos fuisse memorat : nec putarim ita futilem distinctionem Baronii ut existimat Vedelius, cum Anno 39. num. 16. duplicem illius Ecclesiæ foundationem facit, unam quæ in docendo, alteram quæ in Cathedrâ Episcopali erigendâ consistit; vultque unum Episcopum præfuisse Christianis Circumcisionis; alterum Ecclesiæ Gentium. Etenim quadantenus concordat cum loco Salmasii proximè allegato: Aut si quid in his tenebris prætentandum, omnino existimarim Timotheum, Tirum, Marcum, Euodium, Ignatium nulli Ecclesiæ affixos, sed delegatos Apostolorum fuisse ad constituendas Ecclesias, potuisseque dici Apostolos secundi generis: quo sensu Paulus dicit Epaphroditum fuisse Philippensium Apostolum, cujus & simile ministerio & opera Apostoli usi sunt ad propagandas variis in locis Ecclesias quales fuerunt plures ex 70. discipulis, quos Apostolos etiam fuisse habitos dicit Dorotheus in Synopsi; præcipuè ii quorum nomina iungebat cum suo in Epistolarum inscriptione. Vocem autem Episcopi apud patres latiori significatione sumendam pro quocunque qui provinciam suscipit, sive extraordinariam, sive ordinariam; sive delegans, sive delegatus

delegatus sit. Hoc sensu Hieronymus dicit Marcum fuisse Episcopum Alexandriae, hoc est, primum doctorem qui primum inter Alexandrinos Evangelii doctrinam sparsit: nec alio sensu potuit id dicere, nisi velimus Hieronymum committere cum Hieronymo, ut qui Epistolâ ad Euagrium dicit in Alexandria *Presbyteros semper unum ex se electum in excelsiori gradu collatum Episcopum nominasse*. Non dixeris Presbyteros è suo cœtu elegerunt Marcum qui extraordinariis munere & dotibus præditus & omni Episcopo major erat, quemque si fides historiae antiquæ, Dominus noster, & Petrus Apostolus miserant in Aegyptum & Alexandriam, ut ibi Presbyterium colligeret; unde postmodum discedens, Lybiam, Pentapolim, & totam fere Aegyptum peragravit. Quin Eusebius & Epiphanius dicunt Marcum tunc Evangelium in Alexandria annuntiasse, cum ibi fideles Iesæi vocarentur; quod nominis sortitos fuisse antequam in Antiochia discipuli primum Christiani appellarentur, testis est idem Epiphanius; quo quidem tempore qui dixerit *peracta* cœpisse, aut Alexandrinos Presbyteros, qui tunc pauci vel nulli erant, Marcum ad Episcopatum euexisse, nugæ ager. Sed qui Marcus fuisset Episcopus unicus Alexandriae, cum certum sit æqualitatem Presbyterorum diutius ibi durasse quàm uspiam alibi? cumque teste Ambrosio & Hieronymo usque ad Heracleam & Dionysium Alexandrini

soliti fuerint è suo cœtu eligere qui cæteris præesset & Episcopus vocaretur, & absente Episcopo moris fuerit in Ægypto, ut Presbyteri consignarent.

Loci quem tantopere ostentant pro Episcoporum ~~cap. 19~~ *ne recipe accusationem contra Presbyterum.* I Timoth. cap. 5. v. 19. dixeram explicationem exhibere primum comma ejusdem capituli quo Paulus monet Timotheum ne majorem natu asperè objurget. Iscanus ait *nullam rationem esse cur posteriori versu vox Presbyteri intelligenda sit de majori natu, idque esse contra fere omnium interpretum sententiam.* Attamen posterius comma Cyprianus lib. 3. Testimoniorum ad Quirinum sic vertit. *Adversus majorem natu accusationem ne receperis.* Concinit Ambrosius ad locum, & Epiphanius. Sed demus hic Pastorem intelligi; non qui recipit accusationem adversus Philippum, ideo habet potestatem in Philippum, ut non qui mittit missio continuò major est. Apostoli mittunt Petrum & Johannem Samariam ad prædicandum Evangelium; & sæpe usu venit ut æqualis ab æquali reprehendatur. Nempe delegans & accusans superior tantum est in ipso actu quo recipit accusationem & delegat, cæterum æqualis per omnia potest esse. Sed cur Paulus per *Presbyterum* non intellexerit unà Episcopum; siquidem fatentibus Hierarchiæ patronis, Paulus sæpe sub Presbyteri appellatione Episcopum includit? Aut nunquid

licuit

licit Timotheo Episcopo Episcopum increpare, imo licuit se majorem objurgare nomine totius Ecclesiæ. Whitakerus controversi. 4. quæst. 1. sect. 16. disertus est. *Quod Timotheus jubetur non temere adversus Presbyterum accusationem admittere, hoc non probat Timotheum in Presbyteros potestatem aut dominatum habuisse. Nam ex Apostoli mente κατ' ὅσον ἐξεδείχθη est crimen ad Ecclesiam deferre; reum in judicium adducere, palam reprehendere; quod non modo superiores possunt, sed æquales etiam, atque inferiores. Sed neque etiam ex hoc loco inferri potest excludi Presbyteros ab autoritate recipiendi accusationem. Celeberrimus Rivetus in Catholico orthodoxo ad controversiam De jure Divino Episcoporum rem acu tangit. Hic locus nihil attribuit Timotheo quo Presbyteri corpus excludatur. Non si quicquam uni mandatur sequitur ad nullum alium pertinere; ut si quis diceret, quod Dens Josuam præcepit ut legem suam observet, nec dextrorsum nec sinistorsum ab ea deflectens, protinus innuere hoc mandatum ad solum Josuam pertinere. Eadem vis est mandato quod Timotheo sit, nemini manus citò imposueris, ut probetur solius Episcopi esse imponere manus: Porro centum ejusmodi propositiones categoricæ, nunquam inferent exclusivam; & cum sint negativæ, nunquam concludent affirmativè. Adde quod per ea quæ Timotheo præcipiuntur circa redargutionem & ordinationem atque partes Episcopi, nunquam probabitur hæc mandata ad Timo-*

theum pertinere, potius quàm Episcopus Ephesi quàm quàm alibi locorum demandato Ministerio defuncturus. Sed demus quod maximè ex hoc loco volunt, Timotheo datam potestatem propria authoritate damnandi Presbyterum: Sanè non potuit Presbyterum damnare quàm Episcopus Ephesinùs, nisi *κατ' ὅριστον* ad aliquem cœtum Presbyterorum, vel Synodum, seu senatum Ecclesiasticum detulisset, atque ex consuetudine aliorum Episcoporum Presbyteri causam subjecisset iudicio plurium. Ergo id potuit quàm Apostolus secundi generis & Pauli delegatus, nec ulli Ecclesiæ addictus. Nec dubium est quin Timotheus, quàm Pauli delegatus erat, & adhibitus ad extraordinaria munia, potuerit solus in se assumere grandiora quàm fuit objurgatio senioris, utcunque quàm exercens actus Ecclesiasticos ordinarios non potuerit quin sociaret operam cum Presbyteris illius loci in quo erat. Attamen objurgatio illa privati hominis non potuit facere partem mandatorum quæ delegato dantur, quæque spectant non tam privati hominis commodum quàm generale omnium Ecclesiarum emolumentum quarum Paulus & Timotheus sub eo curam gerebant.

Quod attinet Angelos septem, fateor me nondum adduci potuisse ut per unum Ecclesiæ Angelum quem spiritus Dei singulari numero compellat, intelligerem personam singularem; quanquam Patres aliquot & nostro sæculo viri gravissimi

gravissimi contrarium sentiant. Nec si per unum Angelum Episcopus unus intelligeretur, puto evinci posse hunc Angelum *αγγελον* habuisse in collegas, aut supra Presbyteros ordinationis & jurisdictionis prærogativa *ἀρχιεπισκοπικῆς* enituisse, sed tantum aliquem ex cœtu compellatum, qui ætate, doctrinâ, vitæ sanctimoniâ atque exemplo, vel collegis, vel gregi præibat: Sed utrumque ut credam à me non impetro his argumentis ductus. I. si hic unus ad quem Spiritus Sanctus scribit, è Presbyterorum coetu habuisset hanc *ἐπισκοπικὴν* qualem ponunt; mirum in toto contextu septem commonefactariarum Epistolarum non fuisse admonitos Presbyteros obsequii & officii erga Episcopum. II. Perlegantur Pauli ambæ Epistolæ ad Timotheum, necnon ejusdem Epistolæ duæ; una ad Titum; altera ad Philemonem, quanquam aliorum magis quam Timothei aut Titi causâ scriptæ fuerunt, & sub eorum ad quos scribit nomine, alios eâdem operâ monere voluit, multaque insuper illis inseruit quæ ad alios tantum pertinent; verba tamen quæ fiunt ad Timothei personam nemo dixerit non pertinere primariò ad Timotheum, sed ad alios: Veluti quando admonetur Timotheus ut seniore non asperè objurget; rejiciat aniles fabulas, & modico vini utatur: Si quæ præcepta alios tangunt; Paulus sic orationem suam accommodat, ut quisque fidelis facillè Paulum se alloqui dignoscatur. Hic nihil tale reperitur secundo, & tertio capitibus

tibus Apocalypseos (siquidem ad singulares An-
 gelos scribuntur): nec de quibus singuli Angeli
 compellantur possunt in eos primario & proprie
 quadrare, nisi velimus Episcopum Ephesinum,
 sive fuerit Onesimus, sive Johannes ipse, pristinam
 charitatem deseruisse, & ob unius hominis
 peccatum ni resipuisset, lampadem Ecclesiæ
 Ephesinæ debuisse aliò transferri: Dicendum
 etiam erit Laodiceæ Episcopum tepidum fuisse;
 aut asserendum laudes immensas, quibus spiritus
 sanctus zelum, fidem, charitatem, & patientiam
 fidelium insignit, in unum solummodo hominem
 congestas fuisse. III. ex Commatis 7. 11. 17.
 & 29. Capituli secundi, *Qui habet aurem, audiat
 quæ spiritus dicit Ecclesiis*, liquet spiritum san-
 ctum per Johannis Ministerium non alloqui sin-
 gulares Angelos, sed Ecclesias, sive per Ecclesiam
 soli Pastores intelligantur, velut Matth. 18. v. 17.
 vel totus cœtus particularis; ibi enim expresse
 habetur *spiritum eâ documenta Ecclesiis dicere*.
 Augustinus hic meus est, Homil. 2. in Apocalyps.
*Angeli Ecclesiarum non debent intelligi, nisi Episcopi
 Præpositi Ecclesiarum*. Sed ne quis existimaret
 vocem præpositorum ad solos Episcopos restringi,
 subjicit; *Angelorum nomine Ecclesias Catholicas
 voluit intelligi*. Paulo post *Angelos, Ecclesiam dicit
 in quibus duas partes, id est, bonorum & malorum
 ostendit, & propterea non solum laudat, sed & incre-
 pat; ut laus ad bonos, increpatio ad malos dirigatur*.
 De Angelo Thyatiræ hæc dicit; *Quod dicit &
 Angelo*

*Angelo Thyatiræ Ecclesiæ, dicit Præpositis Ecclesiæ-
rum, qui luxuriosis & fornicantibus & aliud quod-
libet mali agentibus, severitatem disciplinæ Ecclesi-
asticæ non imponunt. Iscanus sic allegat comma
20. capitis secundi, ut probet spiritum sanctum
alloqui Angelum singulari numero. Permittis
uxorem tuam Jezebelem servos meos seducere, unde
exculpit hanc non potuisse datam in uxorem
nisi uni Angelo, & ne videatur recedere à Græca
veritate, dicit in Græco legi, γυναικά σου ἐξέλεσθαι. sed
utcunque exemplar Novi Testamenti manu
propria Teclæ scriptum, & à Cyrillo ad Serenissi-
mum Regem missum ita legat, non tamen debet
esse tanti, ut plus ei fidendum sit, quàm quot-
quot quæ antea fuerunt exemplaria; nec si, quan-
quam lectio tua genuina esset γυναικά σου, consu-
luisses oraculum, hoc est, Rever. Hallum, non
accepisses, hanc fœminam non ideo nominari,
quod sit cujusquam uxor, sed quod tanquam
altera conjux Achabi, vel altera Helena Simonis
uxor, edocta forsan in schola Nicolaitarum, scor-
tationibus suis & idolothytorum esu, peruerteret
Thyatirenses.*

Reverendus Hallus quæstionem moverat non
aspernandam: *si Hierarchia in Ecclesiâ non est à
Christo, edant nobis quando inceperit.* Responde-
ram, si in sensui obviis rebus rarè observatur il-
lud temporis momentum, quo prima ruina navi,
tabes corpori, corruptela Reipublicæ oboritur,
multo difficilius esse in iis quæ sensibus externis
minùs

minus obvia sunt; qualis est mutatio quæ accidit in religione. articulos alterationum præcise notari; nec, ut ait Tertullianus lib. de Præscriptionibus cap. 134. interesse *quicquam, quando quid sit quod ab Apostolis non fuit.* Hic pro more Iscanus, qui moram neccens, solet potius vellicare verba quàm ponderare rationum momenta, dicit, *utinam integram sententiam allegasses Tertulliani quem vix te salutasse putem:* hoc autem ait addi debuisset, *quod ab Apostolis non damnatur, imò defenditur, hoc erit iudicium proprietatis.* Sanè dixerim aut te Tertullianum non legisse, aut mirum te non animadvertisse tuam Pericopen non proximè excipere locum quem allegaveram, utpote quæ legitur cap. 35. En tibi integrum locum quem citaveram ex capite 34. *Nihil interest quæ quando, dum de veritate non sunt: utique quæ ab Apostolis nominata non fuerunt, sub Apostolis fuisse non possunt.* Dixeram insuper ambitionem Episcoporum sese efferentium, supra Presbyteros non tantum, sed & supra totam Domini hæreditatem potuisse constituere partem istius Mysterii iniquitatis, de quo Paulus 2. Thessalon. Hic Iscanus confugit ad suam redamatam Helenam, sive antiquitatem; habetque circumspiciam & lustrem totum terrarum orbem, edamque ullam Ecclesiam ante nostrum sæculum aliter quàm ab episcopis gubernatam: Eadem posset reponere Pontificius, qui tamen conversus ad nostram fidem ultro agnoscit errores sæpe antiquitate ipsam veritatem

tatem provocare eosque pedetentim in Ecclesiam irrepsisse, donec totum corpus penitus corrumpatur : primam radicem labis in Ecclesia fuisse affectatam dominationem ab Episcopis ; quibus omnia ex voto succedentibus, cum opes & potestas indies crescerent, facile fuisse ad grandiora aspirare, & eò corruptelæ munus Episcopale perducere, ut jam ultra mille annos quod obtinuit, nomen sine re retinuerit. Satan maturè orsus est telam mysterii : iamque inchoata erant ejus primordia tempore Pauli ; qualia fuerunt, distinctio ciborum, Traditiones humanæ, justificatio coram Deo per opera legis, & affectatio primatus inter Pastores : Johannes epistola 3. Diotrephem corripit, quòd esset *επισκοπεύων*, id est, affectator Primatus. Jam illo ævo quidam dicebant, *Ego sum Pauli*. Quidam, *Ego sum Cephæ*. Quæ quidem fuerunt æmulationis in Ecclesia semina, & istius *επισκοπῆς* anteludia ; nec multo post, Clemens epistola ad Corinthios pag. 20. mentionem facit Pastorum *ἐπισκοποῦντων ἐν τῷ ποίμνιον Χριστοῦ*, *Se se efferebant supra gregem Christi*.

Porro in epistola Clementis ad Corinthios non video quicquam præsidii reponi posse pro Episcoporum *επισκοπῇ* in Presbyteros. Quinimo multum in eâ est quod pugnet pro Episcoporum & Presbyterorum *ισοτιμίᾳ*, & videtur singulari Dei beneficio & providentiâ asservata in hunc novissimorum sæculorum articulum, ut meditantibus seriò puriorem reformationem lampadem

dem clarissimam præferret, & finem imponeret
 disceptationi quæ jam pæne sæculum integrum
 hujus insulæ populos inter se collisit. Quisquis
 enim attentè legerit totam hanc Clementis epi-
 stolam, facillè veritatem agnoscet quarti funda-
 menti à Rever. Hallo positi, quod est; praxim
 Ecclesiæ proximè ab Apostolis optimum esse
 exemplar quod sequentia sæcula sequerentur
 ad constituendam disciplinam. Habes enim in
 Clemente epistolam fidei non malæ & incertæ,
 qualis Ignatianarum epistolarum, sed sanctæ &
 indubitata; in qua post mortem Pauli, Cle-
 mente scribente & vivente in magna civitate
 frequenti Christianis, cujus maximam Paulus
 cum viveret gerebat curam, nolentibus ingeritur
 Ecclesiam Corinthiacam solitam Apostolico in-
 stituto gubernari per Presbyteros. Porro Cle-
 mens de Presbyteris verba faciens, eos uno aut
 altero in loco vocat Episcopos, nec alios Mini-
 stros ab Apostolis institutos agnoscit præter
 Episcopos & Diaconos, pag. 54. κατὰ χάριν ἡ πόλις
 κηρύσσοντας καθίστατον τοὶ ἀρχαῖοι αὐτοῖς δορυμάρχους καὶ πνεύ-
 ματι εἰς ἐπισκόπους ἡ διακόνους τοῖς μελλόντων πιστεύουσιν. *Per*
Provincias & civitates verbum Dei prædicantes
constituissè, primitias ipsorum probantes spiritu, in
Episcopos & Diaconos eorum qui erant credituri:
 quem ordinem in Ecclesia per Episcopos & Dia-
 conos dicit antiquæ esse institutionis, & in hanc
 rem citat locum Esaïæ 60. κατὰ σῆμα τοῦ ἐπισκόπου αὐτῶν
 καὶ διακόνων, ἡ τοῦ διακόνου αὐτῶν ἐν πνεύματι. *Constituam Epif-*
copos

copos eorum in iustitia, & Diaconos eorum in fide.
 Ne quis autem existimet de iis Episcopis intel-
 ligere, quales hodie vocantur, hosce Episcopos
 vocat paulo post, Presbyteros, p. 58. & agnoscit
 tempore Apostolorum plures fuisse Presbyteros
 constitutos, tam Corinthi, quàm in aliis Ecclesiis :
 Nec possum non mirari quid in mentem venerit
 Rever. Hallo Clementem vocare in subsidium
 ἐπισκοπῆς Episcopali, cum ne γὰρ quidem pro ea
 possit exculpi : Quin contra Clemens promiscuè
 Episcopos & Presbyteros sumpserit, & non uno
 ex loco possit confici Ecclesiam Corinthiacam
 gubernatam fuisse à Presbyteris pari honore &
 gradu præditis. Pag 30. τοὺς πρεσβυτέρους ἡμεῖς ἀδελφοὶ,
Veneremur qui nobis præsunt, siquidem hic de
 verbi Divini Ministris agit, ut docet textura loci;
 per Præsides non alii possunt intelligi quàm
 plures Presbyteri pari honore & autoritate in-
 structi, quique in Epistola ad Hebræos ἡγούμενοι
 vocantur. Pag. 69. author est eis à quibus seditio-
 nis initium coepit, ut se subijciant Presbyteris, &
 extrema quæque potius patiantur, μόνον τὸ πρόμνην τῶ
 χεῖρὸς ἀποδοῦναι κατὰ τὴν καθίσταμένην ἐπισκοπικὴν
dummodo
Christi ovile cum constitutis supra se Presbyteris in
pace degat. Habes hic ovile Christi supra quod
 Presbyteros constituit. Neque illa contentio
 quam R. Hallus profert, ἐπὶ τῷ ὀνόματι τοῦ ἐπισκοπῆς
 potest intelligi de ἐπισκοπῇ Episcopi in alios, sed
 de regimine Ecclesiæ in genere commissio Pres-
 byteris, quos paulo post dicit accepisse τὰ δῶρα
 ἐπισκοπῆς,

^{ἐπισκοπῆς}. In ea enim Ecclesia, cū satan schismata, æmulationes & partium studia foveret, & eo nomine pii quidem Pastores Corintho cecidissent, Clemens ne verbum unum quidem faciens de diversi gradibus Ministrorum in Ecclesia, monet eos, non amovendos esse eos qui cum fructu & honore Ecclesiæ servierant, cujusmodi dicit fuisse constitutos ab Apostolis qui postquam obdormivissent, in eorum locum succederent. Sanè si ubicunque reperiuntur voces ^{ἐπισκοπῆς & ἐπισκόπου}, continuò essent trahendæ ad ^{ἐπισκοπῶν} Episcopos in Ecclesia; pariter affirmarem Episcopis accensendos medicos, qui dicuntur ^{ἐπισκοπεῖν τὸν νοσούντα}. Et quos Arcadius *fendo, muneribus & honoribus* dicit præesse, panis, & rebus venalibus ad cibum pertinentibus, necnon stabularios, quibus ^{ἐπισκοπῇ τῶν ἵππων} demandata est: Quæ quidem ^{ἐπισκοπῇ} tantundem favet Episcopis singularibus & locallibus Ecclesiarum, quantum τὸ ὄνομα τῆς ἐπισκοπῆς apud Clementem.

Ignatius plus favet Episcopis; cujus tamen Epistolas post Magdeburgenses Parkerus de politeia Ecclesiast. lib. 2. c. 13. pertendit rationibus tredecim innixus, supposititias omnes esse; quibus parum abest quin fidem adhibeam, nisi me autoritas Rever. Usserii moveret, qui censet non planè rejiciendas; interpolatas tamen illas Epistolas quas pro veris habemus, cujus rei fidem faciet editio harum Epistolarum quam parat: sed age, ventilemus loca quæ affert Iscanus

ex Ignatii Epistolis. Primus est ex Epistola ad
 Magnesios, ubi Presbyteri dicuntur ἐπισκοπῶν ἀντι-
 μὴν Episcopo. Quidni? & æquali debetur ἐν ἑστῇ,
 præsertim si vel ætate major sit, vel ornamentis
 animi & pietatis sit exemplo non tantum colle-
 gis suis, sed & gregi suo. Pius in epist. ad Justum
 Viennensem, Presbyteri & Diaconi, non ut majorē,
 sed ut ministrum Christi te observent. Loco epist.
 ad Trallianos τὶ γὰρ ὅτι ἐπισκοποῦ, ἀλλ' ἢ πάσης ἀρχῆς καὶ
 ἐξουσίας ἐπικείμενα πάντων κερμάτων; loquitur de potestate
 in gregem, non autem de peculiari supra Pres-
 byterium autoritate & principatu. Irenæo lib.
 4. cap. 44. Presbyteri dicuntur Principes, & Chry-
 sostomus sacerdotes vocat vicarios Christi quā
 appellatione ab ipso Ignatio epistolā eādem ad
 Trallianos insigniuntur Diaconi: Tum nunquid
 potest quis esse doctrinā & dotum excellentiā
 princeps, quales erant quos è suo coetu Presby-
 teri olim eligebant, qui tamen in neminem im-
 perium habebant. Porro Vedelius existimat
 hanc clausulam esse supposititiam, nec redolen-
 tem seculum, atque desumptam fuisse ex lib. 2.
 constitutionum Clementis cap. 26. Locum δὲ
 ἀριστοτέλους ἀποτάσσοντες τῷ ἐπισκόπῳ, οἱ διάκονοι τοῖς ἀριστοτέλεσι,
 &c. nullibi lego in Epistola ad Trallianos; sed
 affinem in Epistola ad Smyrneneses, οἱ λαϊκοὶ τοῖς
 διάκονοις ἀποτάσσονται, οἱ διάκονοι τοῖς ἀριστοτέλεσι, οἱ ἀριστο-
 τέλοι τῷ ἐπισκόπῳ, ὁ ἐπίσκοπος τῷ χειρῷ. quæ quidem
 videntur Vedelio in textum irrepsisse fraude:
 affirmat enim Laici vocem non esse ætatis Igna-
 tianæ,

tianæ, sed sæculi sequentis, utcunque tamen ea utatur Clemens Epistola ad Corinthios pag. 53. consimilis hic est locus *ἐπεὶ καὶ ὑμεῖς ἀπὸ τοῦ ἐπισκόπου*, &c. Ita & vos sine Episcopo, siue Presbyter, siue Diaconus, siue Laicus, nihil facite: quorum auctoritate moverer, nisi pariter apud Ignatium legem oblationes & sacrificia non peragenda absque Episcopo, eumque esse *κεισυτάριον*, si quis Dominicam diem aut Sabbatum jejunarit. Parva fides quæ hisce adhibenda est, facit ut de omnibus Epistolis meritò dubitetur; neque spirant simplicitatem Apostolicam, ita turgent ampullis; ad ravim oggerunt Episcopo esse parendum, tanquam Christo; cum tamen Paulus semper plurium Pastorum mentionem faciat quibus sit obediendum: sit enim cæcus oportet qui non videt quæ adeo distinctè de Episcopis & Presbyteris habent Ignatianæ Epistolæ, longè abhorre non tantùm à genuina simplicitate Apostolorum sed & à ratione scribendi usurpatà à Clemente & Polycarpo Ignatio *συγχέυεις*. Scultetus quem R. Hallus in subsidium vocavit, pro jure Divino Episcoporum & *ἀποκριματὰ* Laico-Presbyterorum, in medulla Patrum non uno in loco dicit, quæ Ignatius adeo distinctè habet de gradibus & ordinationibus Episcoporum & Presbyterorum, ignota fuisse Apostolicis temporibus.

pag. 42. 43.

Discepcionem de diverso ordine & gradu inter Episcopum & Presbyterum tanquam supervacaneam

pervacaneam respuit Iscanus, ex qua, inquit, et si exculperem quod volo, non ob stare tamen quin distinctio Episcopalis ~~veritas~~ ab Apostolis profecta sit. At sanè secus est. Si enim Pastores ab Apostolis instituti fuerunt ordinis & gradus ejusdem, nec discrepantes muniis, nec potestate ad speciales actus exercendos, habeo quod volo. Si tempore Apostolorum singulis Pastoribus idem munus, æquale jus & par autoritas data sunt, non video quid & quorsum duo genera Apostolorum instituissent? Presbyteratus & Diaconatus, quia Apostolica institutione diversa sunt sortiti munia, ideo ut gradus ita ordinis esse diversi censendi: sed quia non placet tibi hac via veritatem indagare, conabor tibi aliam aperire, quamque hisce conclusionibus quæ subjungam palam & planam faciam.

Primi est, *Pastorum nomina & officia tempore Apostolorum fuisse varia & distincta, eaque omnibus ex æquo verbi Divini Ministris propria & communia fuisse, divisaque olim fuisse nomina, sed non munera.* Nomina & officia Pastorum diversa esse apud omnes in confesso est, sed quæ sint Ministerialis muneris nobiliores functiones dubitatur: Apostolus tamen omnem dubitandi ansam tollit Epistola 1. ad Timotheum, *Qui bene præsent Presbyteri, duplici honore sunt digni; illi maxime qui laborant in verbo & doctrina:* ubi planum est, ut omittam hunc locum pugnare pro duplici Seniorum genere, munus laborantium in

in λόγῳ καὶ διδασκαλίᾳ tanto præstantius esse provin-
ciᾷ *πρεσβύτων*, seu Præpositorum & Præsidentium
quibus tantum curæ est gregi invigilare, & po-
litix externæ regimen demandatum est; quanto
jurisdictionem in foro interno, attestat jurisdi-
ctionem in foro externo: Quid quoddam Apostolus
1. ad Corinth. v. 28. *κυβερνήσεις*, seu illi qui Ecclesiæ
res procurabant & dispensabant, quæ nihil ad
λόγον & διδασκαλίαν attinebant, Pastoribus & Docto-
ribus postponit. Adde appellationes tam gran-
des, quæ tribuuntur laborantibus in doctrina &
verbo Pastoribus, ut non pares, nedum majores
possint dici de iis qui cæteros actus Ecclesiasti-
cos procurant, & disciplinæ Ecclesiasticæ admi-
nistrandæ invigilant; quales sunt *σωτηριοὶ Θεοῦ*. 1.
Corinth. 3. v. 9. *Genitores filiorum Dei, Oeconomi
Mysteriorum Dei, & Lux mundi*. Ut taceam illud
vulgare, *πρεσβύτερον* nomen esse potestatis, honoris,
& ætatis; *ἐπισκοπῶν* vero curationis & administra-
tionis, qualis est Oeconomi, ut Episcopatus sit
non *ἐξουσία ἀντιδωδ*, sed potius *ὑπὸ δωδ* λειτουργία.
Denique tanti est laborare *ἐν λόγῳ καὶ διδασκαλίᾳ*, ut
Spiritus Sanctus de missione & vocatione Pasto-
rum agens, videatur innuere ad id tantum missos,
ut verbi Dei essent præcones, denominatione
factâ à nobiliori; reliquis actibus Ecclesiasticis
tanquam levioris momenti sub hoc uno com-
prehenfis. Sic Paulus dicit se missum fuisse à
Christo, ut annuntiaret Evangelium, & sibi con-
creditam fuisse prædicationem. De missione
ad

Isidor. Pelus.
lib. 4. Ep. 219.

ad ἐπισκοπῶν Episcopalem ἡγεσίαν. Nomina & appellationes Pastorum tam dignitatis & auctoritatis quàm officii promiscuè tribui omnibus verbi Divini Ministris à Scriptura & Patribus, qui primis ab Apostolorum temporibus vixerunt, notum est omnibus qui legere sciunt. Theodoretus comment. in 1. ad Timoth. cap. 3. scribit *Veros Episcopos tunc temporis non Episcopos, sed Presbyteros dici solitos.* Et commentarius qui nomine Ambrosii prodit in Ephes. cap. 4. dicit *Primos Presbyteros appellatos fuisse Episcopos:* & Hieronymus epist. ad Euagrium, & alibi in commentariis plus æquo sedulus super ea re à multis creditur, quasi cum Presbyter esset, Episcoporum ἐπισκοπῶν limis oculis aspiceret. Idem posset probari ex Chrysostomo, Augustino, Theophylacto & Occumenio: Iidem Patres in appellandis Pastoribus non sunt nominum aucupes, & appellationes Episcopi, Presbyteri, Præpositi, Antistitis, & Sacerdotis nullo delectu habito, omnibus promiscuè Pastoribus attribuunt. Tertullianus de Coronâ, Præsentium & Antistitum mentionem facit, pag. 121. sub quibus & Presbyteri intelliguntur: & lib. de fuga in persecutione, dicit Præpositos Ecclesiæ persecutione flagrante fugere non debere. Eusebius Ecclesiast. Historiæ lib. 3. cap. 23. refert locum Clementis Alexandrini de juvene quem Sanctus Johannes Apostolus commendabat cuidam Episcopo,

ὁ δὲ ἐπισκοπῶν ἀρχιεπίσκοπος τοῦ ἐκκλησιαστικοῦ

M

ἐπισκοπῶν

&c. vocans Presbyterum quem modo Episcopum dixerat Cyprianus epist. 62. uni plebi
 plures Præpositos præficit. Augustinus Ser-
 mone 234. de Tempore, in una Ecclesiâ plures
 Præpositos agnoscit, & Homil. ultima ex quin-
 quaginta cap. 11. *Veniat peccator ad Antistites per
 quos illi in Ecclesiâ claves ministrantur, & a Præ-
 positis sacrorum accipiat satisfactionis suæ modum.*
 nomine Antistitem & Præpositorum tam Pres-
 byt. ros quàm Episcopos intelligens. Et Ignatius
 ad Trallenses dicit se refocillatum ab ^{ἐπισκοποις} *Episcopis*
 Ecclesiarum. Obiter non possum non mirari
 magnam ^{ἀσέβειαν} *asebiam*, cujusdam anonymi, qui nuperè
 edidit brevem discursum, quo probat ex Irenæi
 loco Episcopatum esse Apostolicæ & Divinæ
 institutionis. Is circa finem dicit se jam attigisse
 annum sexagesimum secundum & mediam æ-
 tatis partem impendisse in lectione conciliorum,
 Patrum, & Historiæ Ecclesiasticæ, apud quos
 legerit quidem Episcopum nomine Presbyteri
 vocatum; at nusquam legisse appellationem
 Episcopi datam fuisse Presbytero. Prudenter
 fecit hic vir, quod exemerit è choro librorum
 quos exantlatit ~~et~~ *et* Scripturam sacram, in qua
 plusculis in locis Presbyter nomine Episcopi
 compellatur. Sed si Tertullianum suum rursus
 evolverit, hunc locum legerit libro de Præscrip-
 tionibus cap. 3. pag. 231. *Quid ergo, si Episcopus, si
 Diaconus, si viduus, si virgo, si Doctor, si etiam mar-
 tyr lapsus à regula fuerit? Ubi cum nomen Diaconi*
 proximè

proximè excipiat Episcopi vocem, planum est per Episcopum intelligi Presbyterum: & Epistola sub nomine Ignatii ad Heronem ^{μνησθε} ^{ἡς ἐπιστολῆς περὶ τῆς} ubi per Episcopos intelligit Presbyteros.

Sed omne feret punctum qui ex Scriptura & in Ecclesiâ avi quod proximè Apostolos excepit, didicerit officia varia Ministerialis ^{δουλίας} promiscuè in omnes verbi Divini Ministros competere, ut quivis Pastor non solum sit Presbyter, sed & Episcopus, atque ad Presbyterum pertinere munus docendi, regendi, ordinandi, ligandi & solvendi, perinde ac ad Episcopum, nec à Christo nec ab Apostolis institutum nisi unum genus Pastorum, quorum officia pariter ac nomina sunt varia; munera verò indivisa. Epistola 1. Petri cap. 5. Presbyteris munus incumbit tam ^{ἐπισκοπεῖν} quàm ^{ποιμαίνειν} gregem commissum: ubi patet Petrum, vel solos Presbyteros alloqui, posthabito eorum Episcopo, vel nondum ullum Episcopum istis Presbyteris fuisse præpositum. Actorum 20. Presbyteri monentur officii argumento ducto, quòd spiritus Sanctus eos præfecit Episcopos toti gregi. Si tunc nomina fuissent communia; officia verò demandata fuissent diversis hominibus; non capio quæ fuisset textus coherencia, & quæ demum illa fuisset hortatio sumpta à sola nominis communicati one, Paulo sic admonente Ephesinos Presbyteros. *Attendite Presbyteri vobis ipsis & gregi, eoque magis ad id impuls,*

impulsi, quod etsi sitis Episcopi nomine tantum tenus, notatio tamen nominis v. stri Episcoporum, quod commune habetis cum iis qui revera sunt munere & nomine Episcopi, admonet vos officii. Vox ποιμαίνω quæ est pascere & docere, apta similitudine transferitur ad quodvis regimen, sic Apocalyp. 2. v. 27. ποιμαίνῃ αὐτοὺς ἐν ῥάβδῳ ὀστέινῃ, pascet eos cum virga ferrea. Sed si uspiam Paulus de diversis gradibus Ministrorum laborantium in verbo & doctrinâ egisset, id sanè fecisset capite tertio. 1. Epistolæ ad Timotheum, ubi data opera de Episcoporum & Diaconorum officio tractationem instituit; quo capite meridiana luce clarius est Paulum unam Presbyteri & Episcopi instituere ordinationem, easdemque qualitates in utroque requirere; quandoquidem nec nominibus distinguit eos, nec officiis discriminat. Quocirca postquam Timotheo de ordinatione Episcoporum Canones præscripsit, ad Diaconos transit, nulla Presbyterorum facta mentione, tacitè innuens se non duplicem, sed unicum ordinem constituere Episcopis & Presbyteris communem. Sanè quorum nomina ordinationes & qualitates sunt eædem, illi etiam iidem esse censendi. Chrysostomu. Homil. 1. in 1. ad Tim. & Græci scholiastæ, reddentes rationem quare Presbyterorum ordine omisso de Episcopis tantum mentionem facit Paulus: Quia, iniquiunt, ὅτι οὗτοι ἐπισκόποι καὶ πρεσβυτέραι, τὰ αὐτὰ καὶ οὗτοι ὀφείλουσι ἀπαιτεῖν. Quæ de Episcopis dixit, eadem & Presbyteris conveniunt.

Sed non illiberale erit paulò accuratius, breviter tamen, disquirere quæ fuerit sententia Patrum & authorum celebrioris nominis qui primis post Apostolorum tempora octingentis annis floruerunt, circa Episcoporum & Presbyterorum *ιστιμίας*, iis locis solummodo à me in melius adductis, quæ à paucis aut nullis video proferri ad patrocinium causæ quam defendimus.

De Clemente & Polycarpo in superioribus dictum est. Hujus verba sunt, Epistolâ ad Philippenfes, *ὅτι ἀπὸ τοῦ κυρίου τῶν ἐπισκόπων τῶν διακόνων, ὡς καὶ ἡμεῖς, Ἀσθίνετε ὡς ἀπὸ τοῦ κυρίου τοῦ Θεοῦ καὶ τοῦ Χριστοῦ.* *Abstineret vos ab omnibus his oportet subiectos Presbyteris & Diaconis tanquam Deo & Christo.* Quid quod Polycarpus non inscribit se Episcopum, nec adjungit sibi quemquam Episcopum singularem collegam, sed Presbyteros secum sociat: *Πολύκαρπος ὁ ἐν σμύρῃ ἐπίσκοπος.* Unde plura exculpo, 1. Polycarpum non se gessisse erga Smyrnenfes Presbyteros instar *ἡγεμῶν* & *προσώτων*, sed collegæ & Cōpresbyteri, atque ejusmodi *κοινωνῶν* seu confortis Ministerii, qualis dicitur fuisse Irenæus Photino apud Eusebium lib. 5. cap. 2. Historiæ Ecclesiasticæ. 2. Nulum agnovisse Episcopum Presbyteris suprapositum inter Philippenfes. 3. Polycarpum agnovisse Episcopos & Presbyteros eosdem fuisse tempore Apostolorum, & credidisse nullum extare Ministerii gradum eminentiorem supra Presbyteratum. 4. Ecclesias tempore Polycarpi gubernatas fuisse communi Presbyterorum consilio.

Hermas, an Hermes, Pauli Discipulus, cujus scriptio (utcumq; dubiæ fidei sit, attamen antiqua est) Sedulio ca. 16. ad Romanos videtur Divinitus inspirata, quemque Hieronymus inter primos Ecclesiasticos Scriptores enumerat, ejusque librum dicit in quo quidam Ecclesiæ Græciæ prælegit: ejusdem planè est sententiæ. circa ^{scripturam} Pastorum, cujus est Polycarpus, lib. 3. similitudine 8. perstringit ambitionem quorundam Pastorum qui, quod se existimarent cæteris vel doctiores, vel præstantiores, ^{ἐπαρτήν} sibi usurpabāt, & per id dabant occasionem schismatici. In opere quem pro genuino recepit Ecclesia, nullius formæ administrationis in Ecclesia meminit, nisi ejus quam constituerunt Apostoli per Presbyteros pari authoritate & dignitate præditos. Per Seniores autem quos lib. 1. visione primâ, dicit Ecclesiæ præesse, ejusmodi Pastores intelligit, quos Jacobus vocat ^{ἐπιστολῆς τῆς ἐκκλησίας}. Visione 3. stru-cturæ sanctæ, lapides dicit esse *Apostolos, Episcopos, Doctores & Ministros qui ingressi sunt in clementia Dei, & Episcopatum gesserunt & docuerunt, & ministraverunt sanctè & modestè electis Dei qui dormierunt, quique adhuc sunt & semper convenerunt: oleum extrahet ex pumice, qui hîc reperiet Episcopos à Presbyteris distinctos.*

Irenæus passim inculcat Episcoporum & Presbyterorum Synonymiam: sic lib. 3. cap. 2. dicit *provocandum esse ad traditionem, quæ per successionem Presbyterorum ab Apostolis in Ecclesia custoditur.*

jur. lib. 4. cap. 43. & 44. dicit *obediendum esse presbyteris qui successionem habent ab Apostolis*; unum planè ibi, ac passim alibi ordinem faciens Episcoporum & Presbyterorum. Idem apud Eusebium lib. 5. cap. 23. Victorem Episcopum Romanum admonens officii in dissidio circa observationem Paschatis, vocat Soterum qui Victoris erat decessor, Presbyterū: Eleutherium verò, Anicetum & alios antecessores dicit fuisse Presbyteros; ut taceam Irenæum non obtinuisse eam Episcopatus ~~curiam~~ Lugduni, quam fingunt nobis Episcoporum patroni.

Origines, tametsi passim mentionem facit Episcoporum & Presbyterorum tanquam Ministerii gradus suo tempore distincti; non videtur tamen multum efferre Episcopatum supra Presbyteratum, ut qui Homil. 6. in Esaiam in Episcopis reprehendit *επισκοπαις* urgetque illud Marci cap. 9. vers. 35. quo Dominus ambientem primatum ad infima destrudit. Qui (inquit) *Episcopus vocatur ad Episcopatum, non vocatur ad principatum, sed ad servitutem totius Ecclesie*. Tractatu in Matthæum cap. 28. membra Ecclesiæ dividit in caput, quod est Christus; oculos, qui sunt Sacerdotes; & manus, seu Diaconos & cæteros Ministros: Vult autem Sacerdotes ideo oculos dici, quia speculatores sunt & gregi invigilant: In eaque allegoria postmodum diutius hæret, Sacerdotes nullo discrimine à se invicem separans.

Eusebii

Eusebii quæ fuerit sententia circa Episcoporum & Presbyterorum identitatem non est facile exculpere ex ejus historia, in qua ut plurimum narrationes texit, quales habet ab Irenæo, Tertulliano, Origene & Clemente Alexandrino; præteritum verò ubi res nobis est cum Hierarchicis qui videntes Eusebium recensentem catalogum clarorum virorum qui successivè in quaque provincia & urbe floruerunt ab Apostolorum temporibus, protinus avidè pro *ἐπισκοπῇ* Episcopali id arripiunt, quasi nacti tot singulares Episcopos uno filo deductos ab Apostolis prærogativâ non tantum *ἐπισκοπῆς*, sed & jurisdictionis & ordinationis Presbyteris superiores; passim tamen non obscurè fert unum genus pastorum successionem sibi vindicare ab Apostolis in munus docendi & regendi gregem; nec alios Pastores ab Apostolis præpositos diversis cœtibus Christianæ plebis, nisi qui erant Apostolorum Discipuli pari honore & potestate præditi. Lib. 3. Ecclesiast. Historiæ cap. 34. *Impossibile est nobis nominatim recensere omnes qui aliquando in primâ Apostolorum successione in Ecclesiis per orbem sparsis Pastores aut Evangelistæ extiterunt.* Hic tanè vel statuuntur Pastores omnes, sive Episcopi, sive Presbyteri Apostolorum successores; vel per pastores soli Episcopi *ἐπισκοπῆς* presbyteris superiores sunt intelligendi. Sed quod subjicit Eusebius, omnem dubitationis scrupulum evellit; addit enim Clementis Epistolam ad Corinthios
 istius

istius successionis in Ecclesiis per orbem mentionem facere ; in qua quidem Clemens non aliorum meminit pastorum ab Apostolis constitutorum, à quibus Ecclesia gubernabatur quàm Presbyterorum qui etiam Episcopi nuncupabantur. Quid quod cap. 20. ejusdem libri ex Clemente Alexandrino refert, cum post mortem Domitiani Johannes ex Insula Patmo reversus esset Ephesum, inde divertisse ad vicina loca, ut in quibusdam locis constitueret Episcopos ; in aliis ut integras institueret Ecclesias : nempe dicit à Johanne oppidatim Presbyteria constituta fuisse ; neque enim mentionem facit unius Episcopi pluribus oppidis præfecti, multo minus unius Episcopi in singulis urbibus aut pagis, Presbyteris præpositi ; nam qui oppidulum commississet regimini singularis Episcopi & Presbyterorum collegii ; cum abunde fuerit si ei oppidulo affixus fuit Presbyter unus ; qui tamen inibi dicitur Episcopus constitutus ab Apostolo Johanne. Non leve est quòd Eusebius, qui passim mentionem facit Episcoporum, Presbyterorum & Diaconorum, tanquam muneribus discrepantium ; nunquam tamen Episcopis, vel Presbyteris includat Diaconos ; qui quia re differunt, ab Episcopis & Presbyteris, ideo semper voce signata distinguit : Episcopos verò sæpe pro Presbyteris, & vicissim Presbyteros pro Episcopis usurpet ; tacitè insinuans, non tantum intercedere discriminis inter Episcopum & Presbyterum,

N

quantum

quantum inest inter Diaconos & Episcopos vel Presbyteros. Lib. 7. cap. 27. postquam dedit nomina illustriorum Episcoporum, qui synodo Antiocheno adversus Paulum Samosatenum interfuerunt, subjicit, *Poterit autem aliquis innumeros etiam alios Presbyteros connumerare, qui ob eandem causam Antiochiam venerunt; verum inter illos illustriores erant isti quos recensui.* Quos prius vocaverat Episcopos, demum appellans Presbyteros, vel pari honoris consortio dignans Episcopos & Presbyteros.

Basilii Cæsariensis haud dubium credidit Episcopos & Presbyteros eosdem fuisse tempore Apostolorum, ejusdemque muneris & ordinationis; passim enim affirmat eandem potestatem clavium in ligando & solvendo penes esse tam Presbyteros quàm Episcopos; solaque *causa* facit Episcopos Presbyteris superiores & potiores. Commentario in cap. 3. Esaiæ ad comma 3. quo Deus gravi comminatione prædicit fore ut è medio Judæorum tollat Judicem, Prophetam, & Seniore, vult Seniore dici de Ecclesiasticis Senioribus quibus in novo Testamento ait Presbyteros respondere. Mox officium Presbyterorum subjungit, quod prout describitur à Sancto Paulo 1. Timoth. cap. tertio, fusiùs prosequitur; Episcoporum, eorumque officii diversi ab officio Presbyterorum nullam mentionem faciens: Quin potius alibi locorum indiscretè officium Episcoporum & Presbyterorum proponit;

ponit; veluti in Moralibus, regulâ 71. cap. 1. cuius titulus est, *ὅσα κατὰ σωζόμενα εἰρηται καὶ ἐπισκοπῶν καὶ πρεσβυτέρων.* Quæcunque conjunctim præcepta sunt de Episcopis & Presbyteris. Sed diserta sunt verba quæ Basilius eodem loco in Esaiam præponit narrationi de Presbyterorum officio. Dicit enim, *Quisquis præfidentia Cathedræ dignus censetur, iamque ascriptus est Presbyterio, seu Presbyteratus ordinis.* Græcè est, *ὁ ὁρισθεὶς τῆς πρεσβυτερίας ἀξιώσεως καὶ ἐγκαταλεγείς τῶν πρεσβυτέρων.* nempe ad ejusmodi Seniores seu Presbyterum dicit pertinere ea officia quæ ad Presbyterum diriguntur; per id demonstrans multa. 1. Neminem debite ordinari Presbyterum qui aptus non fuerit ad *πρεσβυτερίαν*. 2. Episcopum à Presbytero ordine non differre, sed *πρεσβυτερία* tantum. 3. Officia quæ Presbytero dicuntur, competere & Præfidentibus, saltem *πρωτοκαθεδρίᾳ* dignis.

Gregorius Nazianzenus noster est Apolog. orat. 1. sub finem, Ecclesiam comprehendit sub cœtu populi & Cathedrâ Presbyterorum, *ἀλλὰ οὐκ ὁ ἴσθ' αὐτὸν ἐν ἐκκλησίᾳ καὶ, καθεδρίᾳ πρεσβυτέρων διὲν ἐκείνου.* Paulo post, *Quid longiori oratione opus est? habetis ὁ Pastores & collegæ; habes nos ὁ Christe Principe Pastorum digne: Habes ὁ Pater ad omnia victum, magisque secundum Christi leges quàm externas tuæ potestati subiectum.* orat. 26. verba faciens de regimine & ordine qui in Ecclesia observari debet, *Constituit ut alii sint oves, alii præsent, Pastores quicunque sint, Præfecti nuncupantur; neque enim credi-*

bile est Presbyteros ovibus accenseri; addit, *Ac Spiritus Prophetarum Prophetis subijci, cum Paulus ipse affirmet, non est cur de ea re dubites, & quosdam, inquit, posuit Deus in Ecclesiis primum Apostolos, secundò Prophetas, tertio Pastores & Doctores*: De discrimine Episcoporum & Presbyterorum alium ubique silentium: Quin, non agnovit munera Episcopi diversa esse à Presbyterorum Ministerio; nam paulò post multus est ut probet Pastorum esse docere & regere: verba sunt notatu digna, *τι σπουδὴ ποιῆς ποιμένα, οὐκ ἔστι γὰρ κατὰ τοὺς ποιεῖν;* *Quid Pastoris munus tibi arrogas, cum ovis sis? Quid caput efficeris, cum pes sis?* omnino capitis voce tam Presbyterum quam Episcopum comprehendens.

Paulinus Augustino coetaneus quem Isidorus libro de viris illustribus, cap. 17. dicit, *Meritis Apostolorum non imparem fuisse*, fortiter pugnat pro Pastorum *ἐποποιῶν* neque enim Divinâ institutione agnovit quemquam Ministerii gradum supra Presbyteratum eminere. Epistola 6. ad Severum pag. 101. in una pagina dicit se sacerdotem factum, & initiatum Presbyteratum, de quo eadem Epistolâ loquitur, tanquam de supremo fastigio dignitatis sacerdotalis. Et epistola 23, ad Amandum ait, cum factus est Presbyter, collocatum fuisse cum Principibus & inter sacerdotes populi, eadem verba adhibens, quibus gratulatur Augustino ob Episcopatum adeptum in Hippone urbe, *Te in sede Apostolica cum Principibus*

bus populi sui meritiò collocavit; per ea duo innuens. 1. Non magna differentia discrepare Episcopum à Presbytero, quandoquidem ambo confidunt cum Principibus populi. 2. Augustinum non fuisse singularem Episcopum apud Hipponenses suos, ut testatur idem Paulinus: Nec leve est quod ipse Paulinus non fuerit Episcopus, ut commentator fidem facit, utcumque vulgò nuncupetur Episcopus Nolanus; sed titulum Episcopi adeptum credibile est, quia cum eo tempore non esset tanta discrepantia inter Episcopum & Presbyterum, quanta postmodum intercessit; quisquis vel doctrina vel sanctitate & prudentia inter æquales erat conspicuus, sic audiebat, quasi solus Ecclesiæ ~~immanis~~ gereret: Sed longè præcipuum, est & ad rem facit, quod Epistola 43. inter varias quæstiones quarum solutionem rogat Augustinum, ad quem scribit, petit sibi distingui Ministerii ~~hæretica~~ quæ habentur cap. 4. vers. 11. Epistolæ ad Ephesios. *In his enim (inquit) nominibus simile & prope unum doctrina officium video fuisse tractatum.* Paulò post. *Inter Pastores & Doctores quid intersit dignoscere. volo;* ubi duo observa. 1. Paulinum credidisse nihil interesse inter Pastores & Doctores. 2. Non hæsitasse circa Pastorum discrimen, sed rogasse tantum, nunquid Pastores alii essent à Doctoribus?

Augustinum ideo postpono Paulino, quia apud eum reperio responsionem ad suprapositu-

tum interrogatum, quæque extat in commentario Epistolæ ad Ephesios ad paragraphum qui integer destinatur ad quæstionis elucidationem. Verba ejus sunt, *utrumque nomen Pastorum & Doctorum Præpositis Ecclesiæ ascribi solet.* Paulo post subjicit Pastores & Doctores, quos maxime ut discernere voluisti, eosdem puto esse, sicut & tibi visum est, ut non alios Pastores, alios Doctores, sed ideo cum prædixisset Pastores, subjunxisse Doctores, ut intelligerent Pastores ad officium suum pertinere doctrinam, ideo non ait, *Quosdam autem Pastores quosdam verò Doctores.* Unde hæc duo deduco.

1. Augustinum agnovisse perinde Presbyteros ac Episcopos esse præpositos Ecclesiæ, siquidem utrique competit appellatio pastorum & Doctorum. 2. Nec agnovisse nisi unum genus præpositorum, quod continet in se tum Episcopos tum Presbyteros; nam si Augustinus credidit diversas *ἁγιοποιῶν* appellationes muneribus esse indivisas, quanto magis verisimile est existimasse nuncupationem singularis gratiæ seu præsentia in unum Pastoris genus quadrare; ut non sit tam absonum nomina Pastorum & Doctorum distincta esse muneribus, quàm incongruum est asserere singularem titulum Præsidentis in Ecclesia muneribus discriminari, & ad duo Pastorum genera pertinere. Sed antequam Augustino valedicam, non est prætereundus locus luculentus & illustris desumptus ex autore quæstionum veteris & novi Testamenti Augu-
stino

stino ascriptus, vel potius, ut placet Rev. Riveto, ascribendus auctori commentarii in Epistolas Pauli, qui prodit sub nomine Ambrosii. Verba sunt. *Nemo ignorat Episcopos Salvatore Ecclesiis instituisse; ipse enim priusquam in cælum ascenderet imponens manum Apostolis ordinavit eos Episcopos. Hoc Apostolus Spiritui Sancto deputat, cum dicit, Attendite vobis & omni gregi in quo vos Spiritus sanctus posuit Episcopos, regere Ecclesiam Domini Jesu.* quælt. 97. tom. 4. Hic omnia plana; nempe insinuat Apostolos eo modo ordinatos Episcopos, quo Actorum vicesimo Spiritus Sanctus dicitur ordinasse Ephesinos Episcopos qui utrique Presbyteri erant, ut quemadmodum Spiritus Sanctus duodecim Apostolos ordinavit Episcopos ejusdem potestatis & Ministerii, sic Apostoli ordinaverint unum genus Pastorum, qui neque autoritate, neque munere impares essent. Nec leve est quod dicit Augustinus epist. 19. ad Hieronymum, Episcopatum Presbyterio majorem esse secundum sola honorum vocabula, quæ jam Ecclesiæ usus obtinuit.

Tertullianum, Cyprianum, Ambrosium, Chrysostomum, Hieronymum & Theodoretum pene sicco pede prætereo, quia vulgaria sunt loca quæ ex hoc locuplete penu depromi solent; Quid quòd vereor, si tam longo itineri me committo, ne studio laborem fallente in nimiam molem assurgat hæc dissertatio. Tantùm ausim affirmare, utcunque plerique eorum plus æquo tribuant

ἡμετέρας Episcopali humanâ consuetudine gra-
 dum obtinenti dissitum à Presbyteratu, in eam
 tamen ferme omnes conspirasse sententiam, ut
 crederent discrepantiam Episcoporum à Pres-
 byteris non fluxisse ab Apostolis; nec longè ab
 Hieronymo dissentisse, qui censuit Apostolorum
 ætate nullum intercessisse discrimen inter Epis-
 copos & Presbyteros, neque gradus, neque ho-
 noris; Ambrosium secutus qui non credidit
 Episcopos tempore Apostolorum peculiari
 quadam prærogativa & autoritate præpositos
 fuisse Presbyteris; quique pertendit commenta-
 rio in Epistolam ad Timotheum, & passim alibi,
 Episcopi & Presbyteri unam ordinationem esse.
 His se adjungit Theodoretus, qui commentario
 in caput quartum epist. ad Timotheum, & in
 cap. 1. epist. ad Philipenses, affirmat Episcopos
 & Presbyteros re & nomine indiscretos fuisse
 Apostolorum ævo. Ipse Chrysostomus, qui ali-
 quot locis vult Apostolorum ætate sola nomina
 Pastorum fuisse communia, aliis affirmat inter
 Episcopum & Presbyterum paululum interesse,
 solâque ordinatione Episcopos Presbyteris su-
 periores esse. Nec Tertullianum & Cyprianum
 eximo à choro faventium Episcoporum *ἡμετέρας*.
 Nec quod in Tertulliano, lib. de præscriptione
 Hæreticorum, cap. 32. ostentant Hierarchici,
 officit nobis; imò causam nostram juvat; nec tam
 ibi loquitur de successione personarum, quam
 de successione doctrinæ, &, uti loquitur, de tra-
 ductione

ductione seminis Apostolici, seu doctrinæ quæ comparata cum hæreticorum doctrina pronuntiabit an successio sit Apostolica; quam quidem doctrinam Apostolicam cum Presbyteri successione acceperint ab Apostolis, eamque prædicatione sua ad succedentes Presbyteros transmittant; nulla causa est quin dicantur successores Apostolorum. Quid quod grande est *argumentum* quo præsupponunt à Tertulliano Episcopos dici de singularibus & localibus Episcopis potestate ordinationis & jurisdictionis supra Presbyteros eminentibus. Nec leve est, quòd ibidem Tertullianus ad legitimam successionem dicit sufficere, ut si non ab Apostolis, saltem ab Apostolicis viris, qui cum Apostolis perseverarunt deducta fuerit: Jam quis nescit potuisse tempore Tertulliani in multis pagis & vicis deduci perpetuo filo successionem Presbyterorum, qui tempore Apostolorum inibi constituti sunt Presbyteri, quique Apostolici viri fuerunt. Sed nec ex Cypriano, qui plurimum indulget Præsentia quam sustinebant suo tempore Episcopis; exculpunt Hierarchici, quod volunt in gratiam Episcoporum: Quisquis enim librum de unitate Ecclesiæ attentè legerit, compererit, Cyprianum in ea sententia fuisse, ab Apostolis institutos Pastores ejusdem potestatis & honoris, quorum consilio Ecclesia regebatur: Etenim inibi non obscure docet talem esse differentiam inter Presbyteros & Episcopos, qualem inter Apostolos

O

los

los & Petrum; Apostolorum tempore Ecclesiam constituisse uno grege, & pluribus Pastoribus; hos Pastores fuisse Apostolos pari consortio honoris & potestatis præditos, gregem unanimi consensione pascentes; *Et quod fuit Petrus, hoc utique cæteros Apostolos fuisse; exordium tamen potestatis ab unitate profectum, hoc est, ab uno Petro, ut Ecclesia una monstraretur. Quam unitatem (inquit) firmiter tenere & vindicare debemus, maximè Episcopi qui in Ecclesiâ præsidemus, ut Episcopatum quoque ipsum unum atque indivisum probemus. Et paulo post, Episcopatus unus est, cujus à singulis in solidum pars tenetur.* Nempe insinuat, ut tempore Apostolorum unitas Ecclesiæ servata fuit ab omnibus Apostolis, & à Petro fluxit, utcunque non esset major cæteris Apostolis; ita a motis Apostolis, unitatem servandam ab omnibus Pastoribus pari autoritate præditis, sed præsertim ab Episcopis, à quibus eo modo pendet exordium honoris & potestatis, quo superstitis omnibus Apostolis ab uno Petro manavit, qui id fuit cæteris Apostolis, quod Episcopi sunt reliquis Pastoribus; verisimile enim est Cyprianum credidisse ejusmodi partes prædis datas Petro supra Apostolos, quibus Episcopi superiores sunt Presbyteris.

Sedulius Scotus, commentario in epist. ad Timotheum, cap. 3. dicit Presbyteros in nomine Episcoporum comprehendendi. Idem in caput 1. epist. ad Titum disertis verbis asserit, tempore Pauli eosdem

eosdem fuisse Episcopos & Presbyteros: ad cuius rei confirmationem ipsa Hieronymi verba resumit, & concludit, *Hæc propterea ut ostenderemus apud veteres eosdem fuisse Presbyteros quos Episcopos; paulatim verò ut dissentionum plantaria evellerentur, ad unum omnem sollicitudinem esse delatam.* Ibidem docet Titum non fuisse relictum in Creta, ut insula toti præponeretur Episcopus, sed ut rudimenta nascentis Ecclesiæ confirmaret.

Primasius Episcopus Africanus, Augustini discipulus, in cap. 4. epist. ad Ephesios, v. 11. *Pastores sunt Sacerdotes: Doctores quicunque sunt idonei ad alios instruendos; omnes ergo Pastores, etiam Doctores, etiam Pastores:* nullum ponens discrimen inter Pastores & Doctores, nedum Pastores à se invicem ullâ discrepantiâ distinguens: & in epist. ad Timoth. cap. 3. *Queritur cur de Presbyteris nullam facit mentionem? sed in Episcopis etiam Presbyteros comprehendit, quia secundus & pene unus est gradus, sicut multis Scripturæ testimoniis comprobatur:* & cap. 5. in primam ad Thessalonicenses dicit, qui præsunt Ecclesiæ Thessalonicæ congregatæ fuisse *Doctores & Sacerdotes seu Presbyteros;* singulari Episcopo nullam scæmni partem quam premat indulgens. Idem commentario in caput 2. Apocalypsi pluribus probat, Johannem non intellexisse per Angelum unum, singularem Episcopum, sed Ecclesiæ particularis cœtum, *Non septem Angelis, sed septem Ecclesiis scribit.* Paulo post. *Omnes*

Ecclesias docet, quia dicit; Qui habet aures, audiat quod Spiritus dicit Ecclesiis.

Remigius Episcopus Rhemenfis, qui floruit circa annum D. 540. commentario (qui dubium an potius sit Haymonis Halberstatensis) in Epistolam ad Philippenfes, nullum agnoscit singularem Episcopum Philippis, Paulo scribente suam Epistolam. Ad caput 3. epist. ad Timotheum verba ejus sunt. *Tacuit de Presbyteris quia in ordine Episcopali comprehenduntur.* Porro Haymo in cap. 4. Cantic. dicit Pastores à Christo institutos, fuisse *Doctores & Prædicatores, quorum caput sit Christus*: mirum ni in hac voce *Doctorum* Episcopi lateant.

Gildas Monachus Anglus qui floruit circa annum 580. unum tantum genus Pastorum in Ecclesia agnovit, idque ab Apostolis institutum; & toto opere suo, Episcoporum & Presbyterorum officia unâ sede eâque sacerdotali includit, quam & non uno loco Apostolicam vocat; nec compellat Episcopos & Presbyteros, nisi conjunctim & sub appellatione Sacerdotum, vel Pastorum; Ipse titulus operis tantundem dicit, *De conquestu in Reges, Principes & Sacerdotes.* Fol. 34. verba ejus sunt. *Videamus igitur quid Evangelica tuba mundo personans inordinatis Sacerdotibus eloquatur; non de illis (ut jam diximus) qui Apostolicam sedem legitime obtinent, nobis sermo est.* Quis crediderit Apostolicam sedem cessisse duobus Pastorum generibus: circa operis

operis finem, sacerdotes dicit esse Apostolorum successores.

Isidorus Hispalensis qui septimo sæculo clarus fuit, propugnator est acerrimus Pastorum ^{interpres}. Libro 2. de officiis Ecclesiasticis, cap. 7. Presbyteris sicut Episcopis dispensatio mysteriorum Dei commissæ est; præsumt enim Ecclesis Christi: & paulo post, Apostolus Paulus eosdem Presbyteros ut verè Sacerdotes sub nomine Episcoporum asserit. Et paulo infra, Ad Timotheum de ordinatione Episcopi & Diaconi scribens, de Presbyteris omnino tacuit, quia eos in Episcopi nomine comprehendit. Et sequent. lib. 5. quinque insumit capita in describendis officiis Præpositorum, sub quibus Presbyteri intelliguntur; nam postmodum diserto capite agit de Prælatis seu Pastoribus sæculari potestate vestitis.

Venerabilis Beda in nostram sententiam concedit. Is, quod passim facit, describens officia Pastorum, illis concludit tam Episcopos quam Presbyteros, ut videre est tomo 3. in Evangelium Johannis cap. 21. Homilia æstivali de sanctis tom. 5. multus est ut probet Ecclesiam commissam fuisse Petro, hoc est, Ecclesiæ Pastoribus, nullo discrimine Pastorum facto. Ibidem in fine Homiliæ, Quod Petro dictum est, Pæce oves meas, omnibus utique dictum est. Hoc namque fuerant ceteri Apostoli quod fuit Petrus; Pastores sunt omnes, sed grex unus ostenditur qui ab Apostolis omnibus tunc unanimi consensione pascébatur, & deinceps

deinceps a successoribus eorum communi cura pascitur. Hic Beda duo vult. 1. Successores Apostolorum perinde inter se aequales esse ac Apostoli fuerunt. 2. Ecclesiam post Apostolorum tempora regi debere communi omnium Pastorum consilio, quemadmodum olim Apostoli in commune Ecclesiam regebant.

Alcuinus seu Albinus, qui floruit circa annum 780. Libro de Divinis officiis, capite de *tonsura clericorum*, non longè abfuit ab Hieronymi sententia. *Sciendum autem, quod primis Ecclesie temporibus, etiam Presbyteri, Episcopi vocabantur; sed postmodum, uti satis provisione constitutum est, ut hoc nomen solis Pontificibus tribuatur; Presbyterisque ascribit parem cum Episcopis auctoritatem ligandi & absolvendi, solis Episcopis reservatâ prærogativâ sacrum chrisma conficiendi, & baptisatos fronte signandi.* Et paulo post cap. *quid significant vestimenta, hæc habet, Episcopi & Sacerdotis pene unum officium est.*

Amalarius qui vixit circa annum 800. lib. 2. de Ecclesiasticis officiis, cap. 13. *De Presbyteris* prolixus est, probando per Scripturam & testimonia Ambrosii & Hieronymi, Episcopos & Presbyteros planè eisdem esse; & utrosque debere communi consilio Ecclesiam regere; & si quid habent Episcopi supra Presbyteros, id totum debere acceptum referre humanæ institutioni & consuetudini.

Rabanus Maurus qui vixit Anno Domini 840.
agmen

agmen claudet, in quo vel in causa pene profligata ubi res ad triarios rediit, plus latis est sublidii, quo ~~et~~, qualem cōminiscuntur in Episcopis, victam se fateatur, & pro tam diu usurpata potestate in Presbyteratum, veniam poscat Is. tom. 1. lib. 4. de universo cap. 5. *Apud veteres iidem & Episcopi & Presbyteri fuerunt, quia illud nomen dignitatis est, hoc atatis*, Ideo autem Presbyteri Sacerdotes vocantur. Idem tom. 5. comment. in epist. ad Tim. c. 3. *Si quis Episcopatū desiderat, bonum opus desiderat. Bene opus dixit, & non dignitatē; nec enim dignitates sunt Ecclesiasticæ functiones, sed opus; eò quod unumquodque horum pro communi esse utilitate constituitur, sive Episcopatus sive Diaconia*; Episcopatu Presbyteratum includens. Eodem capite movet quæstionem cur Paulus omiserit Presbyterorum officia; ad quam respondet, nequaquam à Paulo prætermissa. *Illam enim quæ de Episcopis in anterioribus dixit, etiam & de illis dicit qui nunc nominantur Presbyteri, eò quod antiquis temporibus utrisque his nominibus vocabantur Presbyteri* Paulo post, *Presbyteri perfectam dispensationem & auctoritatē Ecclesiasticā Ministerii ipsi tunc commissam habebant*. Per id docens, unum idemque munus cum pari potestate & honore tempore Apostolorum omnium fuisse Pastorum, quod postmodum duorum Pastoris generum fuit: Nec finis est: nam in sequentibus Rabanus eadem argumenta reponit quibus Hieronymus & Alerius usi sunt ad astruendam Episcopi & Presbyteri identitatem.

identitatem. Nec minus expressus est lib. 1. de institutione clericorum cap. 6. *De Presbyteris.*

Aspirantur celeberrimi quique Pontificiorū. C. nullus: distinct. 60. *Sacros ordines dicimus Diaconatum & Presbyteratum; hos enim solos habuisse legitur primitiva Ecclesia.* Idem dicit Lombardus lib. 4. sentent. distinct. 22. verba sunt Iohannis Parisiensis, libro de potestate Papæ à Sorbonna approbato; *Presbyteri non sunt inferiores Pontificibus quoad essentialem ministerii dignitatem.* In eadem sententia fuerunt Hugo Cardinalis in cap. 1. epist. ad Titum; Lyranus comment. in eandem Epistolam; Marsilius Patavinus, Defensore pacis, part. 2. cap. 15. & Iodocus Coccius, tom. 2. lib. 8. art. 2. & multi alii, à quibus descivit Belarminus Præfulum Hierarchiæ grandis patronus. His se adiungit Erasmus annotationibus in 1. ad Timoth. 4. & in 1. Petri cap. 5. Expressus est Cassander in consult. art. 14. *An Episcopatus inter ordines Ecclesiasticos ponendus sit, inter Theologos & Canonistas non convenit: convenit autem inter omnes in Apostolorum ætate, inter Episcopos & Presbyteros nullum discrimen fuisse, sed postmodum schismatis evitandi causa Episcopum fuisse Presbyteris præpositum, cui *χρηστωσία*, i. e. ordinandi potestas concessa est, sine qua ordinandi distinctione, pax vel politica vel Ecclesiastica retineri vix possit.*

Hæc cum ita sint (id dictum sit obiter) indulgeant Episcoporum patroni nobis, qui extra Angliam Episcopis caremus, si sequimur scripturam
ducem

scripturam ducem, in illa Episcopi & Presbyteri
 ἱστορίᾳ quam obtinuisset Apostolorum ævo tes-
 tantur Patres & assentiuntur adversarii; sique
 schismatis morbo expertes, non recurrimus ad
 remedium. Fuit ergo in Lanceloto Episcopo Win-
 toniensi magna ἀσέβεια, ne dicam temeritas, ist-
 hæc tanquam de tripode pronuntiantes, respon-
 sione 1. & 2. ad Epistolas Petri Molinæi, *Nullam
 uspiam Ecclesiæ πολιτείαν magis ad mentem Scripturæ
 magisque ex more institutoque veteris Ecclesiæ, quàm
 quæ viget hîc apud Anglos*: Nam præterquam
 quòd testimonio Scripturæ & authorum proximi-
 mè allegatorum demonstratur regimen Ecclesiæ
 per Episcopos qualescunque, jurisdictionis & or-
 dinationis *ἐρωτεῖσθαι* supra Presbyteros eminentes,
 repugnare ipsi Scripturæ; meridiana luce clarius
 est moderamen Ecclesiæ per Episcopatum qualis
 hætenus in Angliâ obtinuit, immensum distare
 ab Episcopatu primitivæ Ecclesiæ, quemadmo-
 dum in superioribus palam feci.

Secunda Conclusio est, *Timotheum, Titum,
 Marcum, &c.* fuisse Apostolos secundæ generis, &
*Apostolorum delegatos ad constituendas Ecclesias
 nulli Ecclesiæ addictos*; quòd quidem patet ex iis
 quæ de Episcopatu Timothei & Titi ante scrip-
 simus, & luculentiùs probatur in celeberrimi
 Salmasii Walone Messalino contra Petavium,
 cujus editionem audio maturari.

Tertia Conclusio est. *Tempore Apostolorum &
 dein post Apostolos, Presbyteria seu Collegia Presbyte-*
 P rorum

rorum oppidatim fuisse constituta nullo preposito
 Episcopo. Ad cujus conclusionis probationem
 operæ pretium est, recensere collegia Presbye-
 rorum, quorum sit mentio in novo Testamento.
 Primus, ilque nobilissimus est, Ierosolymitanus.
 Plurium in uno versu fit mentio Actorum 14.
 v. 23. quo Paulus & Barnabas per singulas Ec-
 clesias crearunt Presbyteros; & Epistola ad
 Titum, in qua Paulus dicit se Titum in Creta
 reliquisse ut oppidatim crearet Presbyteros, hoc
 est, coetus & Collegia Presbyterorum, quorum
 communi consilio unaquæque Ecclesia particu-
 laris regebatur. Theodoretus exponit *κατὰ πόλιν ἐπισκοπείας*
κατὰ πόλιν ἐπισκοπείας, ut mens sit, Titum Collegium
 Presbyterorum in unaquaque civitate consti-
 tuisse. Fuit & Ephesi collegium Presbyterorum
 Act. 20. 17. Necnon Philippis, epist. ad Philip,
 cap. 1. v. 1. & Thessalonicæ cap. 5. v. 12. ut &
 Corinthi: nec dubium est quin Petrus, 1. epist.
 cap. 5. compellet Presbyterorum collegia eis
 locis constituta, ad quæ catholica Epistola erat
 perventura. Sic Iacobus cap. 5. v. 14. dum jubet
 ab ægrotis accersi Presbyteros, innuit duodecim
 tribus diversa habuisse Presbyteria. Istis Pres-
 byteris nullum præfuisse Episcopum tempore
 Apostolorum facile est colligere, factâ *συνδριμῇ*
 Scripturæ locorum quæ Presbyteriorum mentio-
 nem faciunt. Collegio Presbyterorum Hiero-
 solymitano volunt Iacobum Apostolum præfe-
 ctum fuisse Episcopum, testimonio Eusebii &
 Hieronymi:

Hieronymi : sed non si quis Episcopus alicujus loci dicitur, sequitur aut solum aut simpliciter ita dictum. Sic Timotheus 1. Theſſal. 2. 2. vocatur Diaconus ; cum tamen velint fuisse Episcopum Ephesinum : Petrus ab Hieronymo dicitur Episcopatum Antiochenum tenuisse, unde tamen non sequitur eum ibi fuisse ordinarium Episcopum. Jacobo Episcopatum non cessisse electione Presbyterorum planum est ex Hieronymo, qui vult ^{copiam} ~~copiam~~ coepisse in Alexandria, & ibi primum Presbyteros unum è suo coetu electum & in excelsiori gradu collocatum Episcopum vocasse : tum qui potuit tribui Apostolo quod jam habebat ? cuique per gratiam Apostolatus data erat perpetua praesidentia, perinde ac cæteris Apostolis super omnibus Ecclesiis ? Sed nec certò compertum est an hic Iacobus Episcopus Hierosolymitanus fuerit unus ex duodecim Apostolis ; nec obscurè fert Paulus epist. ad Galatas cap. 1. v. 19. non fuisse Apostolum, dicit enim nullam sibi Apostolorum factam copiam ; se solum Iacobum Domini fratrem offendisse Hierosolymis. Quid quod Dorotheus in Synopsi Iacobum fratrem Domini septuaginta discipulis annumerat. Sed demus Iacobum Apostolum Hierosolymis sedem fixisse, ibique Ecclesiam gubernasse, iurisdicendi & ordinandi ^{potestatem} ~~potestatem~~ sibi reservato ; quid hoc ad probandū eadem prærogativa præditos fuisse ordinarios Episcopos, & præfectos fuisse aut debuisse aliis Ecclesiis præfici ; aut Iacobo

rebus humanis exempto successisse in Jacobi locum alium Episcopum pari potestate per omnia præditum quoad *ἐπισκοπῶν* Episcopalem: Aut an si Jacobus extraordinaria vocatione & privilegio præfuit tanquam alter Dictator regimini Ecclesiæ Hierosolymitanæ; continuò ordinari Pastores admoti gubernationi Ecclesiarum ejusmodi *ἐπισκοπῶν* in exemplum traxerunt? Quid quòd ut Apostoli in commune Ecclesias omnes regebant, Paulo de se dicente, 2. Corinth. 11. v. 28. se habere curam omnium Ecclesiarum; sic neque soli, sed communi Presbyterorum cujusque collegii consilio unamquamque Ecclesiam regebant, Act. 15. v. 6. *Apostoli & Presbyteri conveniunt ut disceptarent de hoc negotio.* & vers. 22. Placuit Apostolis & Presbyteris, ex suo cœtu selectos viros mittere cum Paulo & Barnaba. Nec constat cui in hoc concilio Hierosolymitano datum fuerit *οὐρανίου* munus. Etenim Petrus aperuit Concilium, quod postea Jacobus clausit: Estque quod mirer, si Jacobo fuit jus Episcopatus, quæ factum sit quod in electione Diaconorum Actorum sexto Hierosolymis facta, Lucas reticuerit, illi primas obtigisse partes; quin potius dixerit eam electionem factam fuisse communi duodecim Apostolorum sententia. Sed revera crediderim, Apostolis relicta Hierosolymâ & ad varias regiones profectis, Jacobum tum demum præcipuam curam Ecclesiæ Hierosolymitanæ suscepisse; sic dicente Hegesippo lib. 5. commentariorum;

tariorum; ita tamen ut ei non affixus esset ordinarius seu Pastor seu Episcopus, sine quo collegium Presbyterorum Hierosolymitanum fuisset corpus capite expers; aut ei non licuerit ἀλλοτε: επιτροπεῖν, ne si aliarum Ecclesiarum curam gereret, obnoxius fuisset censuræ Canonis 20. Concilii Constantinopol. 4. quo Episcopis decernitur munere Presbyteri fungi, si extra diocesim docentes deprehensi fuerint. Sed & hic notandum Iacobum non tam dici Episcopum Hierosolymitanum, quàm Episcopatum suscepisse cum Apostolis, ut videre est in Eusebio lib. 2. cap. 22. & Rufini verba sunt apud Eusebium cap. 20. *Suscepit Ecclesiam cum Apostolis frater Domini cognomento Justus.* Neque ullus præerat Episcopus Philippis, quando Paulus ad Philippeneses scripsit, ut qui in ipso limine Epistolæ non alios compellat quàm Episcopos seu Pastores in verbo laborantes, & Diaconos quibus pauperum cura erat demandata. Porro Epaphroditus quem Philippeneses cum munere ad Paulum miserunt, unus erat de illo coetu Presbyterorum: saltem non erat Episcopus Ecclesiæ Philippis congregatæ; quanquam potuit unus esse ex συναρχοῖς Pauli ejusque delegatis ad specialia munera: Ideo à Paulo & Theodoro vocatur Apostolus Philippensium. Quid quòd Polycarpus ad Philippeneses scribens meminit tantum Presbyterorum & Diaconorum, quibus præcipit ut subjecti sint, nulla Episcopi facta mentione. Ut nec ullus

Theſſalonicæ præpoſitus erat Epiſcopus, utcun-
 que quidam velint Sylvanum ibi Epiſcopum
 fuiſſe; Paulo Theſſalonicenſes in hæc verba
 graviter commonefaciente cap. 5. verſ. 12. *Ro-
 gamus vos fratres, ut agnoſcatis eos qui inter vos
 laborant, & præſunt vobis in Domino, voſque admo-
 nent.* Nempe hoc commate non unum Epiſco-
 pum, ſed plures ſeu Epiſcopos ſeu Presbyteros
 qui Theſſalonicæ erant, triplici elogio inſignit,
 tribuſque hiſce muneribus veſtit, I. Erant
 Κοπιῶντες ἐν λόγῳ καὶ διδασκαλῶν. II. Προϊστάμενοι. III. Νοθεύοντες.
 Neque ſolum illis tribuit munus docendi, ſed &
 provinciam regendi. Corinthi etiam, utcun-
 que cœtus in eâ urbe ingens eſſet Chriſtianorum, nul-
 lus contigerat Epiſcopus, cum Paulus utramque
 Epiſtolam ad Corinthios ſcripſit, teſte commen-
 tario, qui Ambroſio aſcribitur, in epiſt. ad
 Corinthios, & Clemente, qui in bene longa Epi-
 ſtola ad Corinthios nullam facit mentionem
 ſingularis Epiſcopi per ullas civitates ab Apo-
 ſtolis conſtituti: quin potius meminit Presby-
 terorum ſub nomine Epiſcoporum conſtituto-
 rum in ſingulis civitatibus; cum tamen ſi unquam
 & uſpiam inter primordia pullulantis hæreſeos,
 & novis occaſionibus ſchiſmatis ſubinde orien-
 tibus in populosa urbe in qua Deus dixerat ſe
 habere magnum fidelium numerum, & hoc
 homine dicente, ego ſum Pauli; Illo, ego ſum
 Apollos; alio, ego ſum Cephæ; opus fuit Epiſ-
 copo, qui Paulo alibi longiuſculam moram
 faciente,

faciente, prudentia sua controversias componeret, & autoritate sua contumaces compesceret. Denique tenendum illud arctè Hieronymi in unaquaque urbe Apostolorum ævo plures semper constitutos Presbyteros seu Episcopos, quorum communi Consilio Ecclesiæ gubernabantur; hancque regiminis Ecclesiastici formam ab Apostolis institutam. Victor qui vixit tempore Irenæi in Epistola ad Desiderium, Presbyteros vocat Episcopos, & demonstrat gubernatam fuisse Ecclesiam à Presbyteris usque ad sua tempora; & eadem epistolâ loquitur de mittendis literis ad Presbyteros Galliarum, quos dicit esse sequaces Apostolorum. De hoc Victore Eusebius lib. 5. cap. 25. dicit eum per *decennium Ecclesiastico ministerio præfuisse*. De Papiâ Episcopo Hierosolymitano circa annum Domini centesimum memoratu dignum est, quod idem Eusebius lib. 3. cap. 36. narrat; Ibi Papias de se dicit, se fidem Christianam non hausisse ab Apostolis, sed à Senioribus; unde liquet amotis Apostolis Ecclesiæ regimen commissum fuisse Senioribus seu Presbyteris, à quibus Papias edoctus fuerat. Idem Papias in præfatione sua frequenter mentionem facit Seniorum; Episcopi autem, ne semel quidem. Sed & anno Christi 178. Gallicanæ Ecclesiæ per Presbyteros regebantur, ut patet ex Eusebio Histor. lib. 5. cap. 1. referente verba ipsa Epistolæ Ecclesiæ Lugdunensis & Viennensis ad fratres in Asiâ & Phrygiâ scriptæ, in qua graphicè

phicè depingitur constantia plurimorum Martyrum : Inter alios qui Martyrio sunt coronati, dicunt *comprehensos fuisse præcipuos viros per quas ipsorum Ecclesia gubernatur.* Nullâ eo loci factâ mentione singularis Episcopi. Sed quod paulò post sequitur de Photino, omnem dubitationem tollit, nam & hic dicitur cum esset nonagenario major, sustinensque Ecclesiæ Lugdunensis ministerium, perpeffus martyrrium. Ne quis autem existimet Photinum fuisse singularem Episcopum, iidem qui historiam hanc martyrum texunt, dant in mandatis Irenæo qui literas ad fratres erat perlaturus, ut alias redderet literas Eleutherio Episcopo Romano; apud quem de meliori nota Irenæum commendant, vocantque Ecclesiæ Lugdunensis Presbyterum, & ministerii consortem; Ex quibus colligere est, 1. Photinum è numero præcipuorum virorum fuisse à quibus paulo ante dixerant Ecclesiam suam gubernari. 2. Irenæum ejusdem fuisse ministerii consortem, ac proinde Ecclesiam Viennensem & Lugdunensem nullum tunc temporis habuisse singularem Episcopum. Potuit forsân Photinus vocari Episcopus ad Hieronymo, quod esset antiquior Pastor, ac ætate & sanctitate venerandus; nihil tamen obstitisse certum est, quin Irenæi ἐπισκοπή incidere in idem temporis & loci; erat enim Irenæus provectæ ætatis, vivente Photino, teste Eusebio, qui lib. 5. Hist. cap. 19. vult Irenæum proximè Apostolicis tēporibus successisse; Quid quod,

Πότινος ὁ
 διακονῶν ἐν
 Λουγδύνοις πρε-
 σβυτέρῳ.

quod, si creditur Sixto Senensi lib. 4. Bibliothecæ, Martyrium Irenæi incidit circa idem tempus quo Photinus martyrio coronatus est. Et si aliquot annis falsum fuisse Sixtum, existimandum sit; attamen jam ante martyrium Photini, Irenæus clarus erat sub nomine Episcopi Lugdunensis. Sed cum Lugdunensis Ecclesia in Epistola ad fratres Asianos & Phrygianos, narret res præcedentibus annis gestas, & credibile sit longè ante è vivis excessisse Photinum, quàm Irenæus mitteretur legatus in Asiam; velim rogatos assertores singularis Episcopatus Irenæi, an Episcopus renuntiatus fuerit ante legationem susceptam, an verò postquàm domum reversus est? prius factum fuisse non dixerint; nec enim decuit ~~et~~ ^{et} Episcopalem, ut qui Princeps censeretur Presbyterorum, à subditis delegatus fuerit: aut, an credibile est potuisse Diocesanum Episcopum abesse, integris rebus suæ Ecclesiæ, toto tempore quod legationis obeundæ in remotas terras insumendum fuit? An tempore Irenæi, plus Presbyteris, minus verò Episcopo licuerit, quàm multis post sæculis, ut Presbyteris integrum fuerit quicquam agere extra Episcopum? Quod si volunt Irenæum demum Episcopum creatum fuisse legatione peractâ, dicendum erit (siquidem statuunt Irenæum proximè successisse Photino) Lugdunensem Ecclesiam saltem unum annum aut alterum, si non plures, vel gubernatam per solos Presbyteros, vel potuisse

ex Presbyterorum cœtu unum obire vices & partes Episcopi; utcunque, si fides est Episcopalis ~~ἐπισκοπῆς~~ patronis, *Presbyter non sit cujuslibet functionis Episcopalis exercendæ capax per modum delegationis, sed per modum cooptationis ad Episcopatum.* Quoquo versum se vertunt, hic angustia constringunt, dum pertendunt Irenæum fuisse singularem Episcopum Lugdunensis Ecclesiæ. Inde est quod Baronius & Pamelius veriti ne Episcopatus Irenæi cum Photini Episcopatu confunderetur, ponunt martyrium Irenæi ad annum circiter 204. ut plus satis superque sit spatij quod intercedat inter Photini & Irenæi martyrium: sed boni viri hisce difficultatibus se extricabunt, si admittant eodem loco & tempore Episcopos fuisse Photinum & Irenæum; qui cum essent pars cœtus Presbyterorum, potuerunt sic delegari à suo cœtu, ut ex neutrius absentia quicquam damni Ecclesia pateretur: nec etsi concederetur Episcopos illius ævi habuisse hanc ~~ἐπισκοπῆς~~, pro quâ hodie pugnatur, non tam pro aris quàm pro focis; quicquam tamen sequi incommodi, si duo Episcopi unam sedem occupare affirmantur; nam longo post tempore cum Episcopalis ~~ἐκκλησία~~ ad ~~ἀντιόχεια~~ assurgere gestiebat, Hipponensis Ecclesia habuit Episcopos Valerium & Augustinum, ut testatur Paulinus Augustino ~~ὁμολογῶν~~. Is enim epist. 46. ad Romanianum, gratulans Romaniano, nuntiat Valerio Hipponensi Episcopo Augustinum datum esse collegam

collegam & Coepiscopum. At ne quis putet forsan ægroto accomodasse operam, verba Paulini sunt, *Incolumni Valerio Hipponensis Ecclesiæ Episcopo, Coepiscopus Augustinus est.* Paulò post, *Quem successorem sacerdotii sui simpliciter optabat, hunc meretur tenere collegam;* argumento, quandounque vel Augustinus vel quispiam alius virtute & doctrinâ conspicuus vocatur urbis vel provinciae Episcopus, non negari ullum illi ad-junctum fuisse collegam.

Quarta conclusio hæc est; *Inrectos & intro-*
ductos fuisse circiter sæculum unum post Apostolorum
tempora, Præsides perpetuos qui Episcopi vocati sunt;
 qui quidem Præsides solâ *οὐσια* superiores fu-
 erunt, nec quicquam obsequii illis delatum à
 Presbyteris, nisi quod debebatur honori & me-
 ritis hominis nihil discrepantis à suis collegis
 ulla potestate seu jurisdictionis seu ordinationis.
 Si postliminio majus discrimen inter Episco-
 pum & Presbyterum in Ecclesiâ obtinuit, pependit
 omnino hæc differentia, non tantùm merè ab
 humano jure, sed & à prava Ecclesiæ consuetu-
 dine, quâ factum est ut tantum differat Presby-
 ter ab Episcopo, quantum Episcopus à Metropo-
 lita, & Metropolita à Patriarcha. Hic ergo nul-
 lam aliam *οὐρονομία* & *οὐρανονομία* in Presbyterorum
 collegium admittam & admittendam agnoscimus,
 quàm quæ ad *ὁρασιὰς* & decori conservati-
 onem pertinet; non autem quæ functionem
 Ecclesiasticam speciem potestateque differentem

adjicit ; Præsidentes (Præsules an Episcopos dixeris, parum interest) non tam præesse Presbyteris quàm gregi, ideo coæquales esse collegis Presbyteris, nec plus potestatis sibi assumere quàm quantum à collegis Presbyteris concessum fuerit ; plus tamen extra coitionem collegarum habere jurisdictionis in gregem, quàm collegarum quisquam ; ita tamen ut si plus auctoritatis perpetuus Præsides habet in quenquam de grege, quàm quisquam de cœtu Presbyterorum, ille Præsides nullam habeat auctoritatem in Presbyteros. Non si Rex aliquis plus robore & auctoritate valet quàm Princeps vicinus, qui juris sit minoris, sed tamen sui ; continuò sequitur illum Regem quicquam auctoritatis habere in Principem. Nec Præsulis partes quales sunt in Synodis, rogare sententias, pronuntiare communi consilio decreta, præse ferunt aliquam in Presbyteros auctoritatem. Denique ut dicit Ambrosius, Presbyteri nihil tribuunt Præsidi suo, quàm quod prius sibi jure vendicant. Ejusmodi fuerunt Episcopi non multùm post Apostolos in cœlum illatos ; quanquam non diu licuit esse beatis ; mysterio iniquitatis indies pullulante, & Præsilibus, ^{apostolica sedes} tantùm superioribus, primatum affectantibus ; ut qui primi erant Presbyterorum, quales Augustinus dicit omnes Episcopos esse, postmodùm Principes & Domini Presbyterorum facti fuerint ; & cum olim plura uno collegia essent Presbyterorum, nulli Episcopo,

copo, sed tantum Synodo obnoxia, quibus singulis suis præerat Præses; postea evenit ut unus Episcopus pluribus cœtibus, imò urbibus præficeretur, ut apparet ex Concilio Sardicensi can. 6. Cumque primum ætas daret *σευδεια*, mox meritum dedit, & à *σευδεια* deventum est ad primum; & cum Presbyteri numero magis quam meritis illustres, locum dedissent ei qui doctrina & sapientia cæteris anteibat, ultro è suo cœtu deligentes unum qui ad decori ordinisque conservationem perpetuò præfideret; factum est lapsu temporis, ut hic unus, seu negligentia, seu concessione collegarum, ad eam quam hodierno die obtinent Episcopi, potestatem & dignitatem supra Presbyteros assurrexerit; quanquam tamen non certò constet, an uni Presbyterorum collegio unus, aut potius duo simul, sed alternatim, munere Præsidis defungentes additi fuerint: Ut ut sit, certum est in primitivâ Ecclesiâ uni urbi aliquando plures uno Episcopos seu Presbyteros, *σευδεια* tantum potiores præfectos, fuisse; quandoque etiam multas urbes nullum habuisse ejusmodi Episcopum. Epiphanius Hæresi 75. *ὅπου ἂν ἐυθύνῃ τις ἀξιόπιστος κοινὸς, ἢ μὲν ἐν τῇ κοινῇ ἐπισκοπῇ· ὅπου δὲ γένηται χρεία, καὶ ἵσταται ἀξιόπιστος κοινὸς, καταστάτω διόσκωτοι.* Ubi nullus inventus fuit dignus Episcopatu, mansit locus sine Episcopo; ubi verò opus fuit, & erant digni Episcopatu, Episcopi constituti fuerunt. Vicissim 86. de Miletianis, dicit de Alexandria, *nondum ut aliæ urbes, habuisse duos Episcopos,*

copos, ὃ γὰρ ποτ' ἀλεξάνδρεια δὲ ἐπισκόπος εἶχεν αἱ; ἀλλὰ πόλις.
 Cæterum tamenſi cœperit *αλεξάνδρεια* ab Alexan-
 dria, eamque poſtmodum in exemplum traxe-
 rint reliqui Chriſtianorum cœtus; attamen re-
 tinuit longiſſimè omnium æqualitatem Presbyte-
 rorum; nec niſi poſt aliarum urbium Episcopos,
 Alexandrini Episcopos uſurpaverunt ſibi quic-
 quam authoritatis in collegas Presbyteros; at-
 que fere ultima omnium Eccleſiarum particula-
 rium habuit duos Episcopos ſeu duos de cœtu
 Presbyterorum præcipuos viros ſelectos, qui vel
 ſimul vel alternatim in conventibus Eccleſiaſti-
 cis munere Præſidis fungerentur. Sed & ab
 Apoſtoliſ aliquot ſæcula elapſa ſunt, antequam
 uni provinciæ vel Diœceſi Episcopos ſingularis
 præficeretur; Quin, per id temporis ſingulæ
 urbes, imo pagi, vel duos habuerunt Episcopos,
 vel ſaltem unum Paſtorem qui Episcopos voca-
 batur. Paſtores quibus nobiliora loca commiſſa
 erant, Episcopos *πρωτοκλήτος*, alii *χρηπίσκοποι* appella-
 bantur. Cyrillus Catecheſi 14. vocat Jacobum
πρωτοκλήτος Ieroſolymitanæ Episcopum, & Eusebius
 paſſim, non tribuit majorem ambitum ſingulari
 Episcopatu Apoſtolorum & Patrum, quàm
 parochiæ unius; argumento, veteres Episcopos
 non fuiſſe pluribus urbibus præpoſitos, nedum
 integræ provinciæ; ſed vel unius fanſ ſeu tem-
 pli confortibus, vel uni tantum urbi ejusque
 accolis addictos fuiſſe. Cæterum appellatio
 Chorepiscoporum demonſtrat ſingulos pagos
 ſuum

suum Episcopum habuisse; dicti enim quasi
 οἱ ἡγῶν ἐπίσκοποι, quod nominis diu retinuerunt;
 donec crescente Episcoporum dignitate, Episcopi
 magnarum urbium parvos absorpserint, &
 indignum visum fuerit, ut pagani Presbyteri
 nomen Episcopi retinerent. Concilium
 Carthaginense, II. Can. 5. meminit D'œcesen
 quæ nunquam acceperant Episcopum, nempe
 quia singulæ urbes, imò pagi, habebant Episcopum;
 quod & videtur innuere Cyprianus, epist.
 52. *Iampridem per omnes Provincias & per urbes
 singulas, ordinati sunt Episcopi in ætate antiqui, in
 fide integri, in pressurâ probati, in persecutione pro-
 scripti.* & Canon 20. Concilii Africani, quo decer-
 nitur ad examinandum causam Presbyteri accu-
 sati, ut adjungantur Episcopo ex vicinis locis,
 sex alii Episcopi. Patribus autem in Episcopo-
 rum texendis successionibus, non alia mens fuit
 quàm continuam docentium seriem memoriæ
 prodere; neque enim innuere voluerunt unum
 ordinis *ἐπισκοπῆς* ita enituisse, ut nullum confor-
 tem ministerii admiserit: sic Matthias dicitur
 λαβὼν ἐπισκοπὴν, quoddam consors esset Ministerii, non
 verò quòd in quenquam *ἐπισκοπῆς* haberet. Sed
 hoc obiter tenendum, plures decipi apud Patres
 voce *ἐπισκοπῆς* & *ἐπισκοπῶν*, quasi semper potestatem
 & primatum includeret, & significaret *ἐξουσίαν* &
ἀποδείξιν; cum tamen *ἐπισκοπῆς* apud Suidam sit *βοήθεια*,
 patrocinium & protectio, idemque sonet quod
ἐπιμελὴς, quæ vox non est nomen potestatis, sed
 curationis

curationis & administrationis annumerandæ charismatis quæ ab Apostolo inter ἀποστολικά & κληρικὰ recensentur. Celeberrimus Salmasius dicit in Hefychio, Chrysostomo & Theophylacto, nomen ἐπισκοπίας interpretandum per procuratorem & protectionem; nominatim ad locum, 1. Timoth. cap. 3. ubi Chrysostomus, εἰς τὴν ἐπισκοπὴν τῆς ἐκκλησίας, &c. *Siquis, inquit, cupit procuratorem.* In Gregorio Nazianzeno Apolog. 1. orat. 1. Μῆτε τῆς αἰδομένης ἐκκλησίας ἐπισκοπίας, μῆτε ἀποδείξαι τὴν αἰδομένην. *Neque oblatam administrationem appetere, neque oblatam repudiare.* Statuendum ergo, cum Patres dicunt hunc aut illum fuisse primum Episcopum cujuspiam urbis aut regionis, nihil aliud voluisse quàm primum inter ipsos Evangelium promulgasse, aut unum tantum nominari, quia ceteris collegis posthabitis solus dignus visus est qui posteris innotesceret: Sic cum credibile sit Smyrnæ Episcopos tres simul vixisse, Polycarpū, Bucolum, & Aristonem; unus Polycarpus ab Irenæo & Eusebio vocatur primus Episcopus, nec suo tempore alius nominatur ab eis, Episcopus Smyrnensis, ut qui præ aliis ob doctrinæ & vitæ sanctimoniam Scriptorum memoriæ insedit: Ideo Eusebius eum vocat ἐπισκοπικὸν ἀνδρα, & Irenæus πρῶτον ἐπισκοπικόν, nec credibile est quando Irenæus dixit Polycarpum fuisse constitutum Smyrnensem Episcopum, aliud designasse, quàm vel primum inter Presbyteros tenuisse ordinem & confessionem, vel ab Apostolis

stolis delegatum fuisse, ut non tam Smyrnæ quàm in totâ Asiâ, Ecclesias constitueret; expressè enim Irenæus dicit, fuisse Asiæ Episcopum; Ipse Polycarpus Epistolâ ad Philippenſes duos tantum agnoscit ordines ab Apostolis institutos, Presbyteratum & Diaconatum. Iſcanus pag. 47. dicit prodigiosum esse quod ſingo discrimen inter duo Episcoporum genera; Episcoporum unum, quorum erat solummodo munus docendi; alterum eorum qui curabant tam quæ Sacramentorum quàm quæ aliorum actuum Ecclesiasticorum administrationem spectabant; utcunque hæc non à me, sed à Salmassi habere professus sum; in quem tamen ausus est Iſcanus arripere virgam censoriam, cujus vix est dignus qui lambat vestigia: Quicquid sit de hoc discrimine, certum, est apud veteres neminem concionatum fuisse præter Episcopum nisi raro, & quando contingebat Episcopum parum esse vulgaris sermonis peritum, ut accidit Augustino sub Valeriano natione græco, & ob id ad latinum sermonem minùs expedito. Hic rogarem Iſcanum, quid tunc demandatû Presbyteris abundantibus otio & numero superantibus Episcopos; nisi executio aliorum actuum Ecclesiasticorum, quæ ad provinciam vacandi verbo & doctrinæ non pertinebant.

De ordinatione jam verba faciam; de qua quicquid quod paucis erat in Epistola mea dixi, ad hæc tria referebatur. I. Ordinationis jus, seu manus impositionem, perinde ad Presbyteros

R

atque

atque ad Episcopos pertinere. II. Ordinationem non pertinere ad Episcopos quatenus Episcopi sunt, sed quatenus Presbyteri. III. Praxim Ecclesiæ, fidem facere tam Episcopum quam Presbyteros manus imponere *visum* Presbytero. Iscanus hic nec me, nec rem attingit, & videtur orsa à R. Hallo r. texere, qui parte 2. præfixit hunc titulum sectioni decimæ quintæ. *Potestatem ordinationis ad solos Episcopos pertinere.* Sanè vox *solos* excludit Presbyteros: At Iscanus dicit *neminem Anglicanorum Præsulum sibi soli arrogare ordinationem, sed sibi comites in sacro sancto hoc negotio lubens adjungit*: poteras voce illa *lubens* atstinere, qua retrahis quod porrexeras, & tacitè insinuas ordinationem nihilominus fore legitimam, quæ sit ab Episcopo recusante sibi adjungi Presbyteros; qui quidem secundum te tantum ad decorum vocantur, quo ordinatio illustrior fiat, etsi non firmior: Sic enim solent sentire & loqui Episcopalis *πατρις* patroni; quam interdum aliter loquantur, ut Presbyteris palpum obtrudant. Downamus in Concione à Gersomo Bucero excussa, dicit *ordinandi potestatem Episcopo ascribi, ac Presbytero: um minus adjungi, non ex necessitate, sed ad majorem actionis gravitatem.* De tribus hisce capitibus acturus sigillatim; operæ pretium est quædam de natura ordinationis, in genere præmittere, quæ lucem inferant his tenebris. Antequam quis fiat Pastor & admittatur ad sancti ministerii functionem, sunt qui duo media adhiberi velint, electionem

& ordinationem, quorum genus sit vocatio: Alii ordinationem constituunt genus, cujus species sint, vocatio interna, electio, & oratio seu benedictio juncta cum manuum impositione. Prima inchoatur in eo qui futurus est verbi Dei Minister; secunda fit à populo; tertia perficitur & impletur à Pastoribus Ecclesiæ. Præcipuus actus ordinationis jure pertinet ad totam Ecclesiam, exemplo matrimonii cujus celebrationis vis nititur consensu firmato utriusque partis: In tertio actu seu actione ponendi manus decussatim super capite non consistit ordinatio, cum *impositio manuum nihil aliud sit quàm oratio super hominem*, teste Ambrosio in 1. ad Timoth. & Gratiano caus. 1. cap. *manus*: quem actum etsi omnino adhibendum censeam, propter antiquam Ecclesiæ Apostolicæ consuetudinem; non tamen necessarium existimarim, ratione peculiaris alicujus præcepti Divini, ut is non sit legitime admissus ad ministerium, cui hic ultimus ritus non fuerit usurpatus. Nempe per hunc ritum benè precantur Pastores, Pastori designato, eique prospera omnia rogant Deum omnium bonorum largitorem. Quid quod jam ordinatis sed delegatis ad munera specialia, olim imponebantur manus ut prosperè illis esset; cujus rei luculentum exemplum habemus, Actorum decimo tertio v. 3. Ibi enim cœtus Pastorum & Doctorum, spiritu Sancto sic jubente, imponunt manus Barnabæ & Paulo, eosque ad gentes mit-

tunt. Gildas Monachus Anglus, cujus supra mentionem injeci, operis folio 41. affirmat in *christiana* non consistere ultimum actum admissionis ad ministerium, sed in benedictione sacerdotis: verba ejus sunt, *benedictiones illæ merito excerptæ sunt ex scripturarum textu, ut non solum recitentur, sed etiam adstipulentur benedictioni quâ initiantur sacerdotum vel Ministrorum manus.* Chytraus in 19. Geneſeos id quod volo egregiè explicat. Sciendum est vocatos & electos voce Ecclesiæ fungentes Ministerio, etiam sine ritu impositionis manuum, veros Ministros Ecclesiæ esse. Non enim imprimitur hoc ritu singularis character ordinato: nec potestas Ecclesiastica seu jus docendi Evangelii & administrandi. Sacramenta pendet ex hoc ritu: Nec propter hunc ritum efficax est Ministerium ordinati: sed valet Ministerium, & est potentia ad salutem omni credenti propter ordinationem divinam. Additur autem ritus impositionis manuum publicæ declarationi personæ vocatæ ut remuntiatio fiat illustrior, ut hic ritus de certis officiis admoneat. Diserti sunt Patres. Cyprianus. Ep. 68. Coram omni Synagoga jubet Deus constitutus Sacerdotem, id est, instruit & ostendit ordinationes Sacerdotales non nisi sub populi assistentis conscientia fieri oportere, ut plebe præſente vel detegantur malorum crimina, vel bonorum merita prædicentur ut sit ordinatio justa & legitima quæ omnium suffragio & iudicio fuerit comprobata. Quin idem Cyprianus epist. 52. ad Antonianum, scribens apologiam pro

pro Cornelio Episcopo Romano quem legitimum pertendit Episcopum; Novatianum verò repudiat tanquam multis criminibus contaminatum; electionem & consensum Ecclesiæ facit unicum *ὑπόσταμα*. Cornelii legitimæ ad Episcopatum admissionis, nulla mentione *χειροθεσίας* facta. *Factus est Cornelius Episcopus de Dei & Christi ejus judicio, de Clericorum pene omnium testimonio; de plebis quæ tunc adfuit suffragio, & de Sacerdotum antiquorum & bonorum virorum collegio.* Locus sanè quo aurum non est pretiosius, inquo, habes qua in re consistat ordinatio; habes suffragia Episcoporum, Presbyterorum, Diaconorum & Seniorum; nec non plebis calculum: quæ quidem omnia ante requirit, quàm quis ordinetur Episcopus. Ipsa vox *χειροποιία*, quæ quandoque cum *χειροθεσία* omnes simul ordinationis actus comprehendit, quando, ut sæpius fit, ad sola suffragia hominum vel alicujus conventus, restringitur; accipitur pro completa ad munus admissione, tam in sacris codicibus quàm prophanis; denominatione factâ à majori & efficaciori: Sic Actorum 14. v. 23. ubi Presbyteri dicuntur creati per suffragia Ecclesiarum, Lucas utitur vocè *χειροτομήν*. Sic 2. Corinth. cap. 1. commate 19. Paulus eadem voce utitur, sub qua *χειροθεσία* nequaquam intelligi potest. Ignatius Epistolâ ad Philadelphenses, dicit decere eos, ut Ecclesiam Dei *χειροτομήνται ἐκκλησίαν*, vel ut alii legunt *διακόνον*, quasi eorum suffragiis ordinatio suis numeris

absoluta esset. Apud Aristophanem τῆς δεξι-
 ας χειροτονήσασθαι, *Magistratum*, populi scilicet, *suffra-*
giis adeptus sum, in qua χειροτονία non est credibile
 intelligi adhibitam fuisse χειροδεσίαν; & Plato de
 legibus, τις δὲ πλείοσι χειροτονία γίνεται *qui majori suffra-*
giorum numero delecti. In Suetonio, Nerone,
 num. 40. cooptatio ad magistraturam & Provin-
 ciarum administrationem, vocatur ordinatio.

Hactenus de vocatione externa Pastoris, cujus
 doctrinae puritas & vitae sanctimonia fuerint ex-
 ploratæ; deque ejus χειροτονία per suffragia tam
 cleri quam plebis: sequitur χειροδεσία seu oratio
 facta ab aliquo Pastorum, nomine totius Ec-
 clesiae. Quæritur ad quos pertineat hic ordina-
 tionis ultimus actus? Scriptura plana est, id mu-
 neris competere in verbi divini Ministros seu
 Pastores: Sed an perinde in Episcopos atque in
 Presbyteros, vix decideret Scriptura apud eos, qui
 etiamnum dubitant & disputant an in Scripturâ
 datur Ministrorum distinctio in Episcopos &
 Presbyteros? quanquam utrobique constet
 χειροδεσία in novo Testamento fieri à Pastoribus.
 Porro tametsi admitterem mentionem fieri in
 Scripturâ officii Episcoporum distincti à Pres-
 byterorum functione, non video quid obstat
 quo minus ultimus actus ordinationis non possit à
 Presbytero celebrari? An qui præditus est pote-
 state ligandi & solvendi, annuntiandi Euange-
 lium, fidem suo modo creandi & ad æternam
 felicitatem perducendi; non habebit facultatem
 nomine

nomine gregis & Pastorum, benedicendi, & bene precandi ei qui ad ministerium admittitur? Ipse Episcopus cui soli volunt competere *ἐπισκοπία* potestatem, nunquid suo, an verò Ecclesiæ & Pastorum circumstantium nomine hunc ritum peragit? Facessat ergo distinctio Pastoris in Episcopum, & Presbyterum, ubi Pastori designato imponendæ sunt manus; quandoquidem Spiritus Sanctus nullam adhibet in opere exequendo quod æquat aut superat illam *ἐπισκοπία*. Dedit, inquit Apostolus Ephes. 4. commat. 11. & 12. *Pastores & Doctores ad coagulationem sanctorum & opus ministerii, donec evadamus omnes in unitatem fidei & cognitionis Christi in virum sanctificatum.* Quod si *ἐπισκοπία* longè superat hoc Ministerii opus, alibi mihi quibus me tuear, erunt quærenda præsidia.

Si centies eluderetur locus, 1. Timoth. 4. v. 14. *Ne negligito donum quod in te est per Prophetiam cum impositione manuum Presbyterii*, centies quicquid dicat Iscanus à me reponeretur, probaturus cœtum Presbyterorum Timotheo imposuisse manus, donec in solidum mihi satisfactum esset: volunt τὸ ἐπισκοπίας exponi de officio, cum tamen nusquam quod sciam in novo Testamento ita usurpetur; sanè ἐπισκοπίας τὸ λαῶν, Luc. 22. v. 66 & πᾶν τὸ ἐπισκοπίας, Act. 22. v. 3. nihil aliud sonant quàm coitionem seu conventum hominum: & in epist. Cornelii Romani ad Cyprianum epist. 46. *Placuit contrahere Presbyterium*, haud dubium agitur

agitur de cœtu Episcoporum. Quid quòd cum officium, per *χρῆσμα διὰ πρεσβυτείας*, denotetur; si per Presbyterium, officium quocque intelligeretur, non posset non esse superflua tautologia in uno commate: Porro cum *χρῆσμα διὰ πρεσβυτείας* sit donum interpretandi Scripturas; non tantùm revelatione Divina datum, sed & studio acquisitum, alioquin non opus fuisset hortari Timotheum ne pateretur interciderere per socordiam donum quod acceperat; planè consentaneum fuit vocatione ordinariâ internosci Timothei diligentiam & egregiam navatam operam circa Scripturarum explicationem, atque coram facie Ecclesiæ à Presbyteris, Paulo ipso agmen ducente, in numerum Pastorum recipi. Testimonia quæ Iscanus ait posse proferri ex Hieronymo, Anselmo, Haymone & Lyrano, ad probandum, Presbyterium hoc Timothei loco de officio intelligi debere, non sunt tanti, ut opponi debeant Chrylostomo, Theodoro & Aquinati, nec non magno numero recentiorum. Chrylostomus quidem *ἐπισκοπικόν* non intellegit de cœtu Presbyterorum sed Episcoporum. *Neque enim*, inquit, *Presbyteri Episcopum ordinabant*; sed nec de officio seu donis per prophetiam collatis intelligit; Theodoretus dicit gratiam hic appellari doctrinam; Presbyterium autem dici de iis qui Apostolicam gratiam acceperunt. Inter recentiores Whitakerus unus instar omnium erit. Controv. 2. quæst. 5. cap. 5. disputans contra Bellarminum.

Hic

Hic locus contra adversarios facit maximè; ex hoc enim loco intelligimus fuisse Timotheo manus impositas à Presbyteris, qui tunc temporis communi consilio Ecclesiam regebant. Fateor Episcoporum dignitate & censu augeſcentibus, sibi usurpasse potiores partes in χειροτονία, vel eripientibus Episcopis quod suum non erat, vel Presbyteris ultro de suo jure cedentibus, ut Episcopi soli præessent in ordinatione, & irrita censeretur ordinationis: Hinc factum, ut consuetudinem in regulam traxerint; & pro concessio postmodum apud nonnullos veterū fuerit, Episcopos Presbyteris esse superiores jure ordinationis. Sed, quod maximè ad rem præsentem facit, non si sexcenta loca ex antiquis canonibus & Patrum scriptis petitis & testimoniis Ecclesiæ praxeos, producerentur pro facultate ordinationis solis Episcopis ascripta, continuò sequeretur, jure & Divino præcepto ad solos Episcopos pertinuisse: nam & totidem locis ex Ecclesiastica historia erutis possem demonstrare Episcopos sibi solis quoque arrogasse potestatem exercendi quemcunque actum ad functiones sacri ministerii atinentem; ita ut nulli Presbytero licuerit, concionari, nec baptizare, nec Eucharistiam celebrare, nisi precariò, & tanquam ad id operis ab Episcopo delegato, ac vicariam sub Episcopo provinciam sustinenti: Inde tamen non puto hodiernos Episcopos velle confici Presbyteros

à se creatos, simulac ad munus sanctum admissi sunt, id precariò tantum & ad nutum suum exercere. Age, excutiant veterum quotquot sunt qui Episcopatum non eliminandum cupiunt, ex Ecclesia Dei, sive Episcopi, sive Presbyteri, & deposito partium studio, sincerè agnoscant Episcopos antiquos, quibus non multò post Apostolorum tempora, ^{modestia} moderatoris perpetua ad ^{evangeliz} concessa fuerat; eà indulgentià ad ambitionem & avaritiam postmodum abusos fuisse, & involasse in jus Presbyterorum, atque in eorum fraudem potestatem non tantum ordinandi, sed & quoslibet actus Ecclesiasticos ad se traxisse; utrobique enim par fuit usurpationis licentia. Commentarius Sancto Ambrosio ascriptus in Ephes. 4. 2. dicit moris fuisse in principio, ut tam Episcopi, quàm Presbyteri & Diaconi concionarentur, nunc verò rem aliter se habere; unde *nunc*, inquit, *neque Diaconi in populo prædicant*. In vita S. Augustini refertur moris non fuisse in Ecclesiis Africanis, ut Presbyteri concionarentur. Sic Baptismi administratio fuit penes solum Episcopum. Tertullianus de Baptismo cap. 17. *Baptismus dandi jus habet summus sacerdos qui est Episcopus, dehinc Presbyteri & Diaconi; non tamen sine Episcopi autoritate, propter Ecclesie honorem, quo salvo salva pax est, alioquin etiam Laicis jus est*. Nempe qualescunque actus Ecclesiasticos peragebantur ab Episcopo, mutis & otiosis Presbyteris, nisi loqui & agere jussis.

Sed

Sed quoniam hæc non ubique fiebant, & quasi ab invitis extorta videbantur; non defunt testimonia Conciliorum & Patrum, quibus palam fit Presbyteros commune jus *ἡγορευτικόν* cum Episcopis habuisse, & in hoc ritu cum illis operas sociasse. Difertus est Canon. 22. Concilii Carthaginensis quo cavetur ut *Episcopus sine consilio clericorum suorum clericos non ordinet ita ut civium assensum & conniventiam querat*, & Canone 4. ut *Presbyter cum ordinatur, Episcopo eum benedicente & manum super ejus caput tenente, etiam omnes Presbyteri qui presentes sunt, manus suas juxta manus Episcopi super caput illius teneant*. Et Cyprianus multus est ut de se profiteatur se nullos actus Ecclesiasticos agere inconsciis Presbyteris. Quin reluctantibus Presbyteris non poterat Episcopus ordinare. Eusebius lib. 6. cap. 42. narrat Episcopos interdixisse Episcopo ne Novatum Presbyterum ordinaret; Episcopum verò obnixè togasse ut hunc solum *ἡγορευτικόν* sibi permitterent. Nec qui Hieronymum & Chrysostomum ad suas partes trahunt, ut probent Episcopos, potestate ordinandi supra Presbyteros eminere, assecuti sunt aut assequi voluerunt eorum mentem. Dicit Hieronymus epist. ad Euagrium. *Quid facit excepta ordinatione Episcopus quod Presbyter non facit*. Ubi loquitur ex consuetudine sui, non verò Apostolorum temporis, quo antea dixerat, eosdem planè fuisse Episcopos & Presbyteros & per omnia æquales fuisse; præpositum quidem postea singulis cœ-

tibus unum quem Episcopum vocabant; sed id factum fuisse in Schismatis remedium; nec ~~οριδείας~~ illam ob stare, quo minus & tempore suo par utrobique fuerit jurisdictio, nisi quod ille ritus ordinationis seu vocationis testificatio, ac declaratio per orationem & χειροθεσίαν, peragi solitus fuerit nomine totius cœtus à primo Presbyterorum, quem Episcopum vocabant; nec hanc prærogativam à cœtu, cuiquam præterea concessam: Quam quidem prærogativam qua sola Episcopi erant superiores, commentario in epist. ad Titum non Dominicæ institutioni seu juri Divino, sed meræ Ecclesiæ consuetudini tribuit. Nec plus est præsidii in Chrysostomi loco desumpto ex Homil. 11. in 1. ad Timoth. τῶν χειροτονίων μόνων αὐτῶν ἀναβεβήκασι καὶ τὸ το μόνον δοκῶσι πλεονεκτηῖν τοῦ πρεσβυτέρου; quorum verborum volunt sensum esse, *Episcopos jure ordinandi Presbyteros sibi peculiari superiores esse Presbyteris.* Sed an potius hic sensus est? *Quod Episcopi sint superiores Presbyteris, id debere χειροτονία seu electioni Presbyterorum, qui cum è suo cœtu elegerunt.* Verum, quod consentaneum est, demus, mentem Chrysostomi fuisse, Episcopos superiores esse Presbyteris potestate ordinandi, quæ Presbyteris non concessa est; dicendum nihil plus eo nomine attribueret Episcopis quàm fecit Hieronymus. Quid quod verisimile est, verbis quæ subnectit Chrysostomus, hoc ordinandi jus in fraudem Presbyterorum usurpatum ab Episcopis: credibile enim est Chrysostomum per ~~πλεονεκτηῖν τοῦ πρεσβυτέρου~~ intellexisse

tellexisse μεθόδῳ, quod est circumvenire, ut amplius quam per æquum & justum licet in Presbyteros sibi arrogarint Episcopi : nec repugnat textura loci ; etenim postquam Chrysostomus paulo ante dixit, quæ Paulus capite tertio Epist. ad Timoth. de Episcopis dixit, eadem & Presbyteris convenire, & perinde docendi ac præsidendi munus utrisque competere ; apta ac naturali connexionem, subjicit nihil detrahi ab Episcopis de Presbyterorum jure, per quod fiat illis injuria, & obstat quo minus Pastores sint æquales, quàm potestas quam in se solos assument ordinandi. Hanc interpretationem omnino admittit verbum *πρεσβυτέρων*, quod Salmasius ait græcis interpretari *ἐν τῇ πρεσβυτερίᾳ τὸ δίκαιον ἔχειν ἀξιώντων*, De his quæ præter æquum, bonum & justum, quum fieri lege licet capere conantur ; idque potissimum junctum cum accusativo significat obstare alicui & injuriam facere, ut *πρεσβυτέρων τοὺς πρεσβυτέρους* sit injuriâ afficere Presbyteros, at *πρεσβυτέρων ἢ πρεσβυτέρων* sit πλέον ἔχειν, potiorē esse conditione Presbyteris, ut ait Suidas.

Secundò dixeram jus ordines sacros conferendi & manus imponendi Presbyteris ; non pertinere ad Episcopos, quatenus Episcopos & habentes *επισκοπία* in Presbyteros, sed quatenus ipsi sunt Presbyteri ; Jusque *πρεσβυτερία* habere ratione Presbyterii, non ratione Episcopatus : cujus assertionis veritas pendet maximam partem, tum ex proximè dictis, tum ex iis quæ supra astruxi-

mus circa Episcoporum & Presbyterorum identitatem. Nam si Christus & Apostoli, nisi unum genus Pastorum instituerunt in Ecclesia, planum est ordinationem non posse conferri Pastori, nisi ab aliis Pastoribus ejusdem ordinis & gradus, cum ordine & gradu conferendo: sed & quam affirmarem cum Episcoporum *κατασκευασ* patronis, Episcopos Divina & Apostolica institutione, ut gradu, sic officiis distinctos esse à Presbyteris: attamen quia ipsis fatentibus & ipsi Episcopi sunt Presbyteri pertenderem, quodocunque Episcopus ordinat Presbyterum, id agere quàm Presbyter, non quàm Episcopus. In naturalibus animans generat specie & qualitatibus essentialibus, & partibus integrantibus, plane sibi simile; ut accidit in omnibus generationibus univocis; veluti homo hominem, & equus equum generat. In civilibus Doctor Doctorem, & medicus medicum, & faber fabrum creat; sic in Theologicis, putà, in ordinatione, quæ habet aliquid affinitatis cum generatione naturali & creatione munerum civilium, fit processio unius ab altero secundum naturæ similitudinem; vel fit collatio ejusdem gratiæ & juris quo conferens prius erat præditus; veluti quando lumen de lumine accenditur: Quæ quidem inserviunt illustrandæ nostræ assertioni: Episcopus quodocunque consecrat vel creat Episcopum, id facit quàm Episcopus, & *κατασκευασ* communicans cum altero; At quando ordinat Presbyterum, cum nihil *κατασκευασ* suæ imperat

riat Presbytero, necesse est quod de se Episcopus
 promit, seu quod est Presbyteralis muneris com-
 municet, ac proinde quâ Presbyter ordinet
 Presbyterum. Sic ergo statuere debent in ordi-
 natione Presbyteri; Episcopi munus concurrere
 tanquam causam æquivocam, quæ sola non suf-
 ficiat; Presbyteri verò officium seu, ut vocant,
 characterem, concurrere tanquam univocam,
 quæ sola sufficiat. Atque hæc dicta sunt posito,
 sed non concessio *κατοχῶν* Episcopalem in Pres-
 byteros, esse Divinæ & Apostolicæ institutionis :
 Nam Episcopi & Presbyteri muneribus in unum
 confluentibus extra dubium est, unicam tantum
 esse *κατοχὴν* in ordinatione Pastorum quæ à
 Presbyteris fit. Id agnoverunt celeberrimi quique;
 Pontificiorum, Aquinas & Cajetanus. Ille in 1. ad
 Timoth. cap. 1. dicit manuum impositionem
 illorum tantum esse qui sunt Ministri Christi,
*fuisse autem duplicem, aliam quæ à Presbyteris fie-
 bat, aliam quæ a Diaconis* : Nec procul
 absunt Patres; volunt enim *κατοχῶν* a Sacer-
 dotibus peragi; nomine sacerdotum, tam
 Episcopos quàm Presbyteros intelligentes. Hic
 non possum non mirari magnam Iscani *ἀναγνώστην*,
 qui locum Theophylacti à me allegatum, *Aspice
 rem mirandam, quantum possit impositio sacerdotali-
 um manuum*, ut probarem *κατοχὴν* munus per-
 inde pertinere ad Presbyteros atque ad Epif-
 copos; interpretatur quasi per Sacerdotum ma-
 nus, Episcopi manus intelligerentur, *Quis* (inquit)

*Patrum scripta vel à longè salutavit, qui nesciat Sacerdotum nomine, Episcopos designari. Sed secus est: nam quisquis Patres de limine tantum salutaverit; compererit per Sacerdotes intelligi tam Presbyteros quàm Episcopos. Cyprianus epist. 68. Plebs maximè habet potestatem vel eligendi dignos sacerdotes, vel indignos recusandi: subjicit, de Divina esse autoritate, ut sacerdos Plebe præsente sub omnium oculis deligatur. Et paulo post, coram omni Synagoga jubet Deus constitui sacerdotes, id est, instruit & ostendit non nisi sub populi assistentis conscientia fieri oportere. Et Ignatius ad Heronem (et si supposititia, antiqua tamen est, & ad rem præsentem facit) *μὴ δὲν ἀνδρὶ ὅτι ὁμοκόμιον ἐστὶν, ἱερὰς γὰρ εἶσι, Nihil sine Presbyteris facito, etenim sunt sacerdotes; ubi planum est, per Episcopos in plurali numero denotari Presbyteros, ut qui ad Diaconum scribit; subjicit enim, Tu es sacerdotum Minister; baptizant, manus imponunt; tu verò illis ministras. Perperam sanè Tertullianus loco citato, Episcopum vocaret summum sacerdotem, si omnis sacerdos esset Episcopus. Gildas non semel à nobis supra allegatus, loco proxime citato, per sacerdotales manus, vel Presbyteriales intelligit, vel saltem ad solas Episcoporum manus non restringit: etenim toto opere suo, nomine sacerdotum semper intelligit Presbyteros & Episcopos conjunctim sumptos. Quin, uno aut altero loco id nominis solis Presbyteris attribuit; Rabanus Maurus tom. 6. lib. 1. de institutione**

tutione Clericorum dicit Presbyteros vocari sacerdotes. Quid quod vox *sacerdotis*, non tantum omnium est promiscuè Pastorum, sed & omnium fidelium; nec unquam qui ad Presbyteri *sedes* descendere dedignati sunt, quicquam de sua dignitate imminui existimarunt, si sacerdotibus annumerarentur. Paulinus epist. 16. ad Delphinum dicit cum Romæ esset delatum sibi Presbytero à Papa Anastasio, quod solet *consacerdotibus suis, ut invitaretur ad natalem suum.* Idem epist. 6. in una pagina dicit se Presbyteratu initiassè, & sacerdotem factum. Ergo per sacerdotales manus intelliguntur manus quibus munus ordinandi incumbit, siue sint Episcopi, siue Presbyteri; sine quibus Hieronymus contra Luciferianos dicit, *ubi non est sacerdos non est Ecclesia*; hoc est, ubi non est ordinans; sic enim interpretatur Archiepiscopus Laudus Relat. pag. 176. in hoc tamen deceptus, quòd per ordinantem non alium intelligit quàm Episcopum.

Tertium quod circa ordinationem asserueram in mea Epistola, nempe praxim Ecclesiæ fidem facere, tam Episcopum quam Presbyteros manus imponere *ἐλάττει* Presbytero, notius est quàm ulteriori probatione indigeat. Sed antequam huic longiori quam putaram tractationi de ordinatione finem imponam; aliquot mihi sunt verba commutanda cum Iscano: ridet inscitiam meam, quasi dixerim ante annum 308. solenne fuisse Presbyteris ordinare Presbyteros; At non

T

simpliciter

simpliciter, quod debueram, sed tantum dixi, conicere licere, Presbyteros sibi hanc licentiam usurpasse, ut absque Episcopo ordinarent, ex Decretis Synodi Ancyranæ; etenim Can. 13. Chorepiscopis & Presbyteris civitatis interdicitur ordinare, nisi munitis literis ab Episcopo; & merito licuit hoc, non tantum suspicari, sed & asserere; nam quorsum Synodus legem tulisset, in quam nemo hactenus contraivisset, Canon integer hic est, χειροτονίαις μὴ ἐξεῖναι πρεσβυτέρους ἢ διακόνους χειροτονεῖν, ἀλλὰ μὲν καὶ πρεσβυτέροις πάλαι χάρις τῷ ἐπιτρεπῶναι καὶ τῷ ἐπισκοπῇ μὲν γράμματα ἐν ἐκείνῃ παλαιᾷ. *Chorepiscopis non licere Presbyteros aut diaconos ordinare; sed nec Presbyteris civitatis sine præcepto Episcopi & literis in unaquaque paræchia.* Sed & hoc fidem facit, quod dicit Ambros. in Ephes. 4. & Augustinus lib. Quæstionum ex utroque Testamento, factitatum in Alexandria & Ægypto, ut Presbyteri consignarent & consecrarent, si nullus adesset Episcopus; ubi per verba consignandi & consecrandi intelligenda est ordinatio, quæ publicè Presbyteri & Diaconi initiabantur sacro Ministerio: Adde quòd, si licuit Presbyteris, ut Hieronymus dicit factum in Alexandria, Episcopum à suo cœtu eligere, quod de ἐκ προνοίας intelligendum, nullà à quoquam Episcopo χειροθεσία accedente; quanto magis fas est Presbyteris solis, salvâ humanâ ὑπαξία Presbyteros ordinare?

Haftenus de ordinatione, quæ præcipuum est jurisdictionis

jurisdictionis Episcopalis membrum & ornamentum: Placuit tamen Rever. Hallus de jurisdictione seorsim agere. Iscanus dicit pariter me errasse, cum de jurisdictione egi: *Non arripiunt* (inquit) *Episcopi illam sibi, nec exercent soli*: Et paulo post, *Nos non fingimus Monarchicum Ecclesie moderamen, sed planè Aristocraticum*. Aut non fui compos mentis, aut hisce oculis legi planè contrarium in libro R. Halli. Ille enim postquam Part. 2. sect. 15. de ordinatione egisset, cujus conferendi potestatem solis Episcopis ascripsit; postmodum de jurisdictione sermonem instituens, sect. 16. dicit potestatem jurisdictionis evidentioribus demonstrationibus ad Episcopos pertinere, quàm quæ pro ordinatione attulerat: In quam rem multus est testimoniis & probationibus ex canonibus antiquis petitis, ut astruat, actus quoslibet jurisdictionis Ecclesiasticæ, veluti correctionis, excommunicationis & exauktionis, ad solum Episcopum pertinere; nulla ne minima quidem facta Presbyterorum mentione; tantùm abest ut concesserit aut affirmarit Presbyteros in dictorum actuum exercitio cum Episcopo operam partitos fuisse: Quod si Rever. Hallus credidit, Presbyteris suas partes fuisse, cur id conticuit? Aut si hoc solum voluit asserere, Episcopo primas tantùm partes datas fuisse in Ecclesiasticæ disciplinæ administratione; quorsum operose defudasset in probatione rei quæ nullum habet contradicentem?

tradicientem? nemo enim est vel infensissimorum
 ἐπισκοπῇ Episcopali qui id nesciat, aut ultro non
 agnoscat. Sed verò consentaneum est, ut quod
 dixi in ordinatione, sic in cæteris actibus juris-
 dictionis, plus contulisse veteres Canones in
 Episcopum, quam oportuit, hominem solâ
 ἀνωτατάτην superiorem suis collegis. Porro
 ut nulla est tam densa nubium caligo, quam
 sol non penetret aut dissipet; sic veritate
 obstantia perrumpente, non ita sibi constant
 canones pro Episcoporum jurisdictione, nec
 tanta fuit Episcoporum veterum usurpata
 potestas, quam à Presbyterorum cœtu in
 se transfulerant, quin subinde ex aliis cano-
 nibus & praxi Ecclesiæ atque Patrum testimo-
 niis appareat, suam quoque fuisse Presbyteris
 jurisdictionem, quam cum Episcopo communi
 consensu exercebant; ut nec Episcopus sine
 Presbyteris, nec Presbyteri sine Episcopo quic-
 quam in gravioribus actibus disciplinæ Ecclesia-
 sticæ exequendis moliri possent. Si canones &
 Patres jubent, ut nihil Presbyteri faciant ἀντὶ
 γνώμης ἐπισκόπου; vicissim quandoque aliis cano-
 nibus decernitur, ne quid Episcopus agat absque
 consensu Presbyterorum. Et canon quartus
 Concilii Carthaginensis II. declarat irritam
 esse sententiam Episcopi quæ præsentia clérico-
 rum non confirmatur; & Ignatius epist. ad
 Trallianos vocat Presbyteros, συνιστοῦντες, ἡ συνδ-
 ομένη ἐπισκόπων χειρὶ. Ibidem dicit Presbyteros esse
 συνιστάτες

οὐκ ἔστι δὲ τὸ ἐμμενέειν, consiliarios & assessores Episcopi. Cyprianus subinde inculcat se nihil absque consilio & consensu Presbyterorum agere. Quod si Patres populum jubent obedientiam Episcopo exhiberi; itidem requirunt Presbyteris obsequium deferri. Ignatius epist. ad Ephes. *ἐξαρτοί, &c. Dilecti, subiecti estote Episcopo & Presbyteris;* & passim alibi. Polycarpus epist. ad Philipp. *subiecti estote Presbyteris & Diaconis.* Irenæus lib. 4. cap. 42. *Oportet eis qui in Ecclesiâ sunt obedire Presbyteris, &c.* In regimine Ecclesiæ, Presbyteris suæ fuerunt partes. Chrysostomus in 1. ad Timoth. Homil. 11. dicit *Presbyteros, munus docendi & præsidendi simul accepisse:* & Hieronymi illud maximè urit, *communi Presbyterorum consilio Ecclesiam gubernatam fuisse:* quem locum Gratianus videtur in sua decreta intulisse, causa 16, cap. *Ecclesia, De consuetudinibus sæculi, Ecclesia habet senatum Presbyterorum, sine quorum consilio Episcopis nihil agere licet.* Ideo ab August. epist. 137. vocantur *Episcoporum Collegæ.* Longum esset instare in omnibus actibus Ecclesiasticæ disciplinæ administrandæ, in quibus partes suas Presbyteros habuisse cum Episcopis, fidem facit historia Ecclesiastica, & Patre testantur. Refert Cyprianus epist. x. postquam peccatores iusto tempore pœnam egissent, accepisse *jus communicationis per manuum impositionem Episcopi & cleri;* unde patet reconciliationem pœnitentium non tantum Episcopo, sed & Presbyteris concedi-

tam. Eusebius lib. 6. cap. 43. narrat, Serapionem lapsum & adhuc poenitentiam agentem, cum in gravem & desperatum morbum incidisset, ab-
 solutionem à Presbytero accepisse : Cujus rei duo insignia habet exempla Concilium Toletanum can. 11. & 12. Sic cum Maximinus, Urbanus, Sidonius, & Macarius Presbyteri, qui cum aliis nonnullis ad schismaticos defecissent, in Ecclesia recipi postulassent; Cornelius Episcopus Romanus curavit *Presbyterium convocari, ut firmato consilio, quod circa personam eorum observari debeat, consensu omnium statueretur*: ut videre est Epistolâ 46. inter epist. Cypriani; Inter quas etiam reperitur Epistola quæ est 31. Presbyterorum & Diaconorum Romanorum ad Cyprianum, in quâ sic loquuntur, ut palam faciant se non res Ecclesiæ administrare precario: & in lapsum causa dicunt ad Ecclesiæ pacem sustinendam *factam collationem consiliorum cum Episcopis & Presbyteris*. Ipse Cyprianus epistola 52. & passim alibi loquitur de simili collatione facta cum Episcopis & Presbyteris. Denique Patres fere uno ore pronuntiant, non modò Episcopum, sed & Presbyterum ex officio ligare & solvere. Diferti sunt, Hieronymus lib. 3. in Matth. & Basil. Magnus in Asceticis. Hic affirmat eandem datam potestatem quâ Petrus præditus erat, Pastoribus & Doctoribus, cujus signum id sit, τὸ δεσμεῖν ἁπλῶς ὁμοίως καὶ λύειν ὅσα ἐκείνῳ. Quem locum reponit, sed verbis parum immutatis, Lombardus

Lombardus sentent. lib. 4. distinct. 19. sect. aliis.
Aliis autem videtur quod & mihi placere fateor ;
cunctis sacerdotibus hanc clavem dari, scilicet ligandi
& solvendi. De Presbyterorum potestate *δ. ματιν*
 in Synodis superius egimus. Quod dicit Iscanus,
non fingimus moderamen externum Monarchicum,
sed planè Aristocraticum, omninò verum esset, si
 in Anglia singuli Episcopi qui suæ particulari
 Diœcesi præsunt, omnium Diœceseon curam &
 regimen in commune susciperent : At cum raro
 Episcopi extra Diœcesim suam vagentur, & domi
 legibus soluti & *αυτοδυναμ* gubernent Diœcesim
 suam, nec ullos assessores habeant Presbyteros,
 quibus jus sit dicendæ sententiæ ; dicerem regi-
 men Episcoporum, non conjunctim, sed divisim
 sumptorum Monarchicum esse; nisi per comitia
 tertio quoque anno convocanda, sapientissimus
 Rex torrenti eorum jurisdictionis sufflamen ob-
 jecisset. Doctissimus Whitakerus docebit nos,
 cujus regiminis formæ participes sint Ecclesiæ
 controvers 4. quæst. 1. cap. 1. *Ecclesiarum regimen*
si Christum respicimus, Monarchicum: sed si Pres-
byteros, qui in doctrina & disciplina partes suas
agunt, Aristocraticum; si totum corpus Ecclesiæ qua-
tenus in electione Episcoporum & Presbyterorum
suffragia fert, (ita tamen ut iura semper à Presby-
teris observetur) Democraticum; Sic partim Ari-
stocraticum, partim democraticum; partim etiam
Monarchicum fuit Ecclesiæ regimen. 1. Astipulatur
 Zanchius de statu peccati & legali in 4. præ-
 ceptum :

ceptum: *Respectu Christi & Dictatoris nostri. Regnum & Monarchia est; respectu Pastorum & Presbyterorum, Doctorumque, adde Principum piorum, Aristocratia; respectu verò plebis totiusque populi, Democratia.*

Paragrapho duodecimo & ultimo nihil video in Iscano, quod tantillum debilitet veritatem eorum, quæ pro Laico Presbyteris ex Scriptura, ratione & autoritate firmamenta, attuleram. In limine dicit se nullo modo refragari, si Seniores-Laici faciant partem senatus Ecclesiastici, & unaquæque Respublica eam sibi statuatur regiminis Ecclesiastici formam, quæ paci publicæ conducere visum fuerit; modò tamen hic administrandi modus non obtrudatur pro causa Dei, & unico Christi regno & necessario: Quibus sanè Iscanus tantum concedit quantum velim; nam, tametsi crediderim juris esse Divini, ut primores de plebe faciant partem senatus Ecclesiastici; non tamen ita necessarium putarim, ut ea non censenda foret Ecclesia, à cujus senatu Ecclesiastico Laici arcerentur: Nec Episcoporum Patroni, neque ipse Rev. Hallus, quanquam pertendunt Episcopatum esse juris Divini, majorem in Episcopis retinendis in Ecclesiâ necessitatem imponunt; ut qui in ea sunt sententia, Ecclesiis reformatis extra Angliam quæ Episcopos non habent, nihil deesse ad essentiam veræ & visibilis Ecclesiæ: Sed mox Iscanus quod porrexerat retrahit, negatque quicquam præsidii in

in Scripturis inveniri quod Laico-Presbyteris
 faveat : Attuleram locum Act. 15. *Visum est*
Apostolis & Presbyteris & toti Ecclesiæ ; quem
 dicit adversus me pugnare ; neque enim posse
 Laico-Presbyteros sub *totâ Ecclesiâ* includi, nec
 paucos discipulos dici, esse totam Ecclesiam ;
 post modum tamen concedit, præcipuos è grege
 viros, posse in consilium vocari & res Ecclesiæ
 curare ; plus enim videre oculos quàm oculum :
 sed mox sui oblitus, ita parum sibi constat, dicit
 ab omni Theologia abludere, ut regimen Ec-
 clesiæ, Laicis manibus committatur. At bone vir,
 nihil horum dixi, sed id tantum quod tu con-
 cedis. *viz.* Laicos in regimine Ecclesiæ posse
 vocari in consilium, & cum Pastoribus operam
 fociare : Quos quidem Laicos seu primores de
 plebe Christiana, existimo intelligi per *totam*
Ecclesiam ; neque enim potuit universus cætus
 Christianorum qui tunc erant Hierosolymi, cum
 Apostolis, convenire in unum locum, Subjun-
 xeram alium locum ex capite 14. v. 23. *Apostoli*
in unaquaque Ecclesia ordinarunt Presbyteros per suf-
fragia. Quid ad hæc Iscanus ? Quid ? nunquid
 Laicos ? nemo sapiens dixerit : Hæcine erat Apo-
 stolorum cura, ut Laicos instituerent adjutores ?
 quasi eo loci usus fuisset, ut probarem Laico-
 Presbyteros fuisse ab Apostolis institutos, &
 Presbyteros, de Laicis intellexissem. At cuiun-
 que mica est sensus communis, colliget ex con-
 textu, à me hunc locum allegatum, ut pateface-

rem hos Presbyteros ordinatos fuisse per suffragia plebis; adeoque plebem Christianam, vel selectos ex eâ viros, actus Ecclesiasticos exercuisse tempore Apostolorum. In eundem finem allegaveram electionem septem Diaconorum, factam à turba Discipulorum; quos quidem Discipulos dixeram non omnes fuisse Presbyteros; alioquin Tabitham quæ discipulis accensetur, Presbyteram fuisse: contra hæc Iscanus, nescio quorsum navigat Anticyram? & quid de Oedipo garrit? dicitque hanc prodigiosam esse Theologiam asserere plebem Christianam debere se immiscere Ecclesiæ gubernationi; cum tamen ipse, hocce paragrapho non semel assentiatur plebem Christianam, vel selectos ex ea posse in consilium vocari ad deliberandum in gravissimis quibusque Ecclesiæ negotiis: Hoc tamen unum constanter negat, selectos ex plebe viros seu seniores stato ordine debere cum Pastoribus clavum tenere Ecclesiæ, & cum illis pariter curam animarum suscipere: sed non video, quid impedit quo minus hi Seniores non possint admitti ad consultandum perinde in rebus minoris momenti, ac licet in gravissimis? aut cur non æque omni tempore, ac aliquando? quandoquidem quicquid in se assumunt Laico-Presbyteri toto provinciæ suæ decursu, non extenditur ultra id quod pro tempore conceditur, & integrum erat Africanis Senioribus. Quod rogant, edant, in novo Testamento Apostolos instituisse Laico-Presbyteros,

Presbyteros, perinde absurdum est ac si postulare mihi dari locum quo Deus disertis verbis dicit, velle se, ut aliqua in terris extet plebs Christiana; aut præsupposito plebem Christianam juberi à Deo, satagere regiminis Ecclesiæ, quo præcipit ut plebs Christiana adhibeat ad regimen Ecclesiæ Laico Presbyteros; quove Scripturæ loco id regiminis approbetur: concessio enim plebem Christianam præcepto Divino teneri operam partiri cum Pastoribus suis ad Ecclesiæ administrationem; concidit tanquam futilis hæc quæstio; Deus enim jubendo plebem Christianam, ut eligat Pastores idoneos; caveat sibi à Pseudo-prophetis; scandalis eat obviam; censuras Ecclesiasticas infliget; exploret omnia, & arctè teneat quod optimum est: non explicitè & expresse designat quibus modis quæve ratione id agere debeat; sed de circumstantiis confidit plebis Christianæ prudentiæ, quæ vix sciens potuit errare, & tantum aberrare à recto usu rationis, quantum fingunt qui naso suspendunt Laico-Presbyteros: Quos quidem, seu selectos de suo grege viros, commodum putavit plebs eligere qui suo nomine res Ecclesiæ pertractarent, & in quos id curæ rejicerent: Sic planè censendum Concilio Apostolorum, de quo Act. 15. non totam plebem quæ Hierosolymis erat, sed viros è grege præcipuos interfuisse; quos sive Seniores, sive Laico-Presbyteros voces, parum attinet, modò de re constet.

Argumenta in ratione fundata intacta relinquit Iſcanus; utcunque arcem cauſæ invadant, & ultro invitos ad noſtras partes trahant. An cenſebitur prodigioſum & pugnans cum Theologia, adeoque cum rectâ ratione, ut quis conſtituatur inſpector rerum ſuarum? An Eccleſia ſeu ſponſa Chriſti quæ maximâ ſui parte ex plebe Chriſtianâ conſtat, cui teſte Auguſtino tract. in Johannem 10. & lib. de doctrinâ Chriſtianâ cap. 18. commiſſæ ſunt claves Eccleſiæ, operam ſedulam non navabit, ut fideles ſortiatuſ Paſtores, ac certo regimine atque idoneis legibus aſtringatur. Aut quî poterit ſancta harmonia ſervari inter paſtorem & gregem, niſi mutuo amborum conſilio & conſenſu, diſciplina Eccleſiaſtica ſarta & tecta conſervetur? Aut ſi Paſtores omnes, malæ fidei ſunt *ἡθροὶ*, abducuntque gregem à verâ fide; quî poterit plebs Chriſtianâ corruptionis gnara, malum avertere, ſi nullas habet partes in regimine Eccleſiæ? Aut quid juvat plebi Chriſtianæ juberi, ut diſcernat genuinos Doctores à ſeducutoribus; alienum non ſequatur; anathemate feriat eos qui aliud Euangelium prædicant, præter id quod ab Apoſtoliſ annuntiatum eſt; ſi Paſtores qui ſunt rei, judicis & actoris partes agunt, nec quiſquam de plebe ſedet iudex in foro Eccleſiaſtico? Forſan arcen- tur Laici ab hoc foro, quia ſoliſ Epiſcopiſ & & Presbyteriſ relicta eſt *ἀνδρῶν ὁπία*, ut quidam volunt, quaſi ſimul ac homo initiatus eſt ſacris.

iis sit instructus donis ad doctrinam & regimen
 requisitis, quibus nemo Laicorum aptus sit;
 quantumvis sit ingenio à natura subactò, & cul-
 tura eruditionis eximie studio acquisitæ, orna-
 tus sit. Qui quidem fastus Pharisæicus augetur
 distinctione vocum in Clericos & Laicos, quasi
 soli Episcopi & Presbyteri essent portio & hære-
 ditas Domini, cum tamen 1. Pet. 5. v. 3. vox *κλήρως*
 proprie de plebe Christiana dicatur: Id debe-
 mus Pastorum Ecclesiæ Romanæ artibus, quòd
 Laici amoti fuerint à gubernatione Ecclesiæ; his
 enim cum assuescerint plebem credere Pasto-
 rum fide, ut jam persuasa sit Pastorem pro se
 responsurum in die iudicii; facile curam Eccle-
 siæ ad se solos traxerunt, & habuerunt sequaces
 Laicos, ultro reponentes id oneris in ductoribus
 suis. Pueris notum est Deum & naturam prius
 ad totum suppositum quàm ad aliquam partem
 quamvis nobilissimam intendere: sic facultas
 videndi non data est propter oculum, sed propter
 totum hominem; hoc si est, non video quid
 plebs Christiana propter quam & à quâ Pastores
 sunt instituti, non poterit ex se seligere viros
 idoneos, qui Pastores onere sublevant, & eos
 actus exerceant, qui non pertinent ad prædica-
 tionem & sacramentorum administrationem?
 Pastores autem à Deo institutos propter plebem
 Christianā dicit Paulus Apostolus 2. ad Corinth.
 ca. 3. v. 21, *Omnia vestra sunt, sive Paulus, sive Cephas,*
omnia vestra sunt: innuens non admittendos esse

Doctores, nisi qui à plebe Christiana approban-
 tur ; siquidem in gratiam Ecclesiæ admittuntur.
 Tum cujus nomine & auctoritate fit executio
 potestatis & jurisdictionis Ecclesiasticæ in vocan-
 dis & eligendis Ministris, in solvendis & ligandis
 peccatis ; illius potestas & jurisdictio est in
 primario & proprio subjecto ; ac proinde illius
 est, servato decore & iurisdictione, istos actus Ecclesia-
 sticos exercere, vel per se, vel per delegatos :
 quod quidem & non ultra Laico-seniores tan-
 toperè explosi sibi vendicant : non tamen suo,
 sed totius gregis nomine. Porro cum Ecclesia
 Judæorum habuerit suos Seniores, qui membra
 erant senatus Ecclesiastici, quique nec Levitæ,
 nec Sacerdotes erant, ut ipse Saravia agnoscit, &
 cum Sacerdotibus confidebant, & vocabantur
 ἡγεμόνες τοῦ λαοῦ ; ut videre est Matth. 16. v. 21. &
 cap. 21. v. 23. necnon Actorum 4. nulla ratio
 est, cur Christiana Respublica suos quoque Seni-
 ores non habeat ? Aut cur non licebit plebi
 Christianæ quod olim licuit toti congregationi,
 Numer. 8. vers. 9, 10, &c. in purificatione &
 sanctificatione Levitarum ? Sed quod maximè
 vim facit adversariis ; Ipsi qui negant Laicis locū
 in privatis Synedriis Presbyterorum, primas ses-
 siones concedunt Episcopis in publicis Laicorum
 conventibus. Et quod magis absonum est ; Qui
 assentiuntur fas esse Laicis in publicis regni
 comitiis sedentibus, agitare res ad Ecclesiam
 pertinentes, atque de iis judicare ; iidem Laicos
 excludunt

excludunt à Presbyteriis. Nec minùs abhorret à recta ratione quòd cum Synodus convocata ex tota Anglia, nihil possit decernere quod vim legis habeat, nisi ratum habeant Laicorum deputati ex toto regno in publicis comitiis congregati; in privatis tamen cœtibus Ecclesiasticis & Synedriis, idem privilegium & jus non concessum sit; ut quicquid in eis decernitur priùs assentes habeat, vel totum gregem vel à grege deputatos, quos Seniores vocamus, quam ad ejus obsequium obliget. In hanc rem sæpe subiit mirari, cum administratio Ecclesiæ visibilis propiùs ad Democraticum regimen accedat, quod nemini de plebe Christiana ad ejus gubernationem liceat operam suam conferre, quam tamen in reipublicæ administratione locare solenne est minimo de plebe, etiam in iis regionibus quæ Monarchæ subsunt; cujus rei fidem facit Senatorum ad publica comitia delegatorum electio, in quâ *Magorovia*, unusquisq; jure civitatis gaudens, habet jus suffragii: An credibile, plus curæ adhibendum politico regimini quàm Ecclesiastico, ut illi pluribus, huic verò paucioribus capitibus, opus sit?

Præsidia ex Patribus petita eodem pede, hoc est sicco, transit Iscanus; imitatus Rever. Hallum, qui alio opere hos tibicines putat diruisse, contentus omnia fere recitasse loca, quæ ex Augustino, Optato, & Africanis canonibus à nostris proferri solent: quæ tamen si singula ponderarentur,

rentur, abunde probant olim Laicos fuisse ad-
 junctos clero in regimine Ecclesiæ. Ipse Rever.
 Hallus fatetur extitisse olim *Seniores Ecclesiasti-*
cos: sed ita eos extenuat, ut vix *Ædituis* jaquet.
 Sanè Senatus Ecclesiasticus de quo Origines
 contra Celsum lib. 3. quem dicit esse compo-
 situm ex singularum civitatum Senatibus; & Seni-
 ores illi & Magistratus, qui cum Donatistarum
 Præpositis in unum locum conveniebant; ut &
 Seniores de quibus Augustinus enarratione in
 Psalmos, & lib. 3. contra Cresconium, non pos-
 sunt detrudi ad tam ima subsellia; ut nec illi
 Seniores de quibus in canon. 100. African, Eccle-
 siæ: *Cum requisiti sunt Seniores à nova Germania*
secundo ac tertio, & non sunt inventi quibus præ-
ceptum erat à primatu, ut occurrerent ad venerabile
Concilium. Gregorius epist. lib. 11. indictione 6.
 cap. 49. vult *causas clericorum non agi, nisi cum*
senioribus Ecclesiasticis. Si clerici causa judicanda
 est coram laicis; quanto magis, laicis citatis com-
 parere in Synedrio Ecclesiastico, requiritur ut
 laici istius Synedrii partem constituent; Intel-
 ligit autem de illis senioribus qui non sunt de
 clero; quod & docet, quòd paulo ante dixerat
 de non ordinando Tabellario absque consensu
Seniorum & cleri. In actis purgationis Caliciani
 & Felicis, eo ordine recensentur Ecclesiastici
 ordines, *Episcopi, Presbyteri, Diaconi, Seniores*; qui
 quidem Seniores constituiebant partem Senatus
 Ecclesiastici, & perinde ac reliqui de clero adhi-
 bebantur

bebantur ad consultandum & deliberandum ; additur enim paulo post, *adhibete conclericos & Seniores plebis, Ecclesiasticos viros*; ibi enim disertè, utcunque distinguantur à clero ; attamen includuntur pariter ac clerici Ecclesiasticis viris , coram quibus Cælicianus & Felix comparere debebant. Eludunt quidam vim loci authoris commentarii sub nomine Ambrosii in 1. epist. ad Timoth. c. 5. *Synagoga, & postea Ecclesia seniores habuit, quorum sine consilio in Ecclesia nihil agebatur, &c.* utcunque pugnet satis viriliter pro Laico Presbyteris ; dum volunt Seniores dici de ipsis Presbyteris seu Pastoribus infra Episcopos constitutis; ut mens Ambrosii sit, Episcopos olim nihil egisse sine communi Presbyterorum consilio ; sed lapsu temporis, seu per desidiam Presbyterorum, seu per ambitionem Episcoporum, amotos fuisse Presbyteros ab Ecclesiastico Senatu, & Episcopos ad se solos traxisse cognitionem actuum Ecclesiasticorum : Sed hanc esse loci interpretationem genuinam, vix crediderit qui nouerit, tempore Ambrosii, quanquam Episcopi potiores in regimine Ecclesiæ partes haberent, nondum tamen morem obsoleuisse, ut nullas omnino Presbyteri haberent. Alii, neutro modo interpretantur Ambrosium, è quorum numero est Rever. Hallus qui declinaturus ictum istius loci, quem, ut loquitur, tantopere ostentant defensores nuperi commenti Allobrogici, Seniores, ait, dictos ab ætate, non ab officio ; Dubium

tamen, an velit hos Seniores fuisse Presbyteros, an verò Laicos: ut ut sit, affirmat fuisse Theologos senio venerandos; quasi incongruum & insolens fuerit ut juniores Theologi ad consultandum Episcopo adjungerentur; dicit enim hosce Seniores non fecisse partem Synedrii Ecclesiastici, sed accersitos pro re natà ab Episcopo; At sanè, planè contrarium admittit sensus loci: duo enim dicit. 1. Quemadmodum Synagoga Judæorum habuit suos Seniores, qui non erant Sacerdotes, quique faciebant partem Synedrii; sic postmodum Christianam Ecclesiam habuisse præter Pastores Ecclesiæ, Pastorum assessores, seu primarios de plebe, qui cum Pastoribus communi consilio regebant Ecclesiam. 2. Hosce Seniores neque precariò, neque aliquoties tantum, Pastoribus adjunctos fuisse, sed perpetuam cum Pastoribus vel Episcopo operam sociasse in rerum Ecclesiasticarum administratione, nec quicquam sine eorum consilio, in Senatu Ecclesiastico transactum fuisse: Debile est quod Rev. Hallus præterea assert, ut huic loco suam fidem detrahat; ait, eò loci non affirmari, *sine Seniorum autoritate quicquam transactum non fuisse; sed tantum dici, sine eorum consilio*: velim enim mihi aperiat quæ fuerit mens Hieronymo, cum dicit, *olim Ecclesiam communi Presbyterorum consilio gubernatam fuisse*, nisi hæc, nempe, & consilio & autoritate suâ Ecclesiam gubernasse: Ipse R. Hallus part. 2. sect. 16. probaturus jurisdictionis præ-

prærogativam, penes solum Episcopum esse, docet ex Conciliis & Patribus, Presbyteros, nihil actuum Ecclesiasticorum exercuisse sine consilio & consensu Episcopi, ἀπὸ γὰρ αὐτοῦ ἐπισκόπου. inde tamen non puto velle confici, in exercitio jurisdictionis Ecclesiasticæ, Episcopi auctoritatem non fuisse interpositam. Non multum officit Laico Senioribus, quod Rever. Hallus alio opere dicit, locis à nobis allegatis pro institutione Laico Presbyterorum, Diaconos præponi Senioribus: sed id non mirabitur, qui scit tempore Hieronymi, Diaconos fuisse Presbyteris prælatos, ipso dicente: *Diaconos paucitatem honorabiles, Presbyteros turbam contemptibiles facere.* Quid quod a Paulo videntur præponi Senioribus, 2. Corinth. 12. v. 28. ubi inter Charismata, sexto loco ἀντιλήψεις, quæ sunt Diaconi; καὶ ἐργασίαι, verò quæ sunt Seniores septimo loco recensentur. Theophylactus ex Chrysostomo hæc duo χαρίσματα, interpretatur de iis qui subveniunt infirmis & dispensant quæ fratrum sunt. Quid quod, non ubique verum est, Seniores semper in ultimum rejici locum; nam citato loco ex Gregorio, clerus postponitur Senioribus; Et Firmilianus Cæsar. Cappadox, qui & militat fortiter pro Pastorum ἱερατεία & potestate baptisandi, manus imponendi, & ordinandi, ad omnes Pastores ex æquo pertinente; Epistola 75. quæ est inter Cypriani Epistolas, loquitur de Senioribus & Præpositis in unum convenientis per singulos annos; sub quâ quidem voce,

Præpositorum, sive soli Episcopi, sive cum Presbyteris juncti intelliguntur, utrobique, Seniores primo loco nominantur. Nec Seniores possunt dici de Presbyteris; neque enim usquam, legitur, quod sciam, ex quo cœperunt nominibus & muneribus distingui Episcopi à Presbyteris, in recensione ordinum Ecclesiasticorum, Presbyteros præponi Episcopis. Hic interim habes Seniores, sanè Laicos, quotannis cum Præpositis vocatos ad Concilium, & adesse jussos ex necessitate implendi officii quod sustinent; non verò quod eos non vocare integrum, aut eis abesse licitum sit. Sed mihi Cyprianus est instar omnium, apud quem plusculis in locis lego, Laicos cum clero convenisse, ut lapsorum causa ageretur. Epist. 52. ad Antonianum, loquitur de *collatione facta cum Episcopis, Presbyteris, Diaconis, confessoribus, pariter ac stantibus Laicis*. Itidem Presbyteri Romani epist. 31. ad Cyprianum agunt de *collatione facienda cum Episcopis, Presbyteris, Diaconis, pariter ac stantibus Laicis*. Pamelius ratus incongruum, ut Laici unà cum Episcopis jus habeant sententiæ in Conciliis, per *stantes* intelligit vel permanentes in fide, vel lapsos; sed tunc vult *stantes* dici quasi *astantes*. Crediderim epist. 14. per *Stantes Laicos*, intelligi in fide perseverantes; verba sunt. *Vt Episcopi plures in unum convenientes præsentem & stantium plebem disponere omnia consilii communis religione possimus*. Sed non, si hic & alibi per *stantes* intelliguntur

liguntur non lapsi ; impedit quò minùs cum Episcopis Laici convenerint ad deliberandum & consultandum. Porro Laicis juris esse & moris fuisse, confidere in Synodis, pluribus probat tractatu ad id edito, vir illustris *Edwardus Dering*, Baro secundi generis, & comitiorum Senator.

Habes, Iſcane, tuæ Reſponſionis diſcuſſionem, in quâ non tam reſponſi ad id quod dixiſti, quod ſanè maximam partem jejunum fuit, quàm quod dicere voluiſti. Quam velim ut ait Auguſtinus epist. 74. *te veritas vincat volentem*, nec moleſtus eſſe pergās mihi, qui in præſens aliud habeo quod agam. Si ramen apud te ſtatuſti aliquid regere & me iterum laceſſere ; ſcito te non inultum abiturum, teque damno tuo crabrones irritaturum, atque plus ſatis otii ſuffuraturum me, quo te probè multem, generoſè tamen & candidè, atque procul à convitiis, & cum eâ modeſtiâ quâ tecum uſus ſum, quamque in te deſidero : Porro da nomen & larvam detrahe, priuſquam in arenam deſcendis ; nec te pudeat partus proprii. Neque ſaſtidium creent lectori, quæ ad nauleam inculcas, & quæ mihi tam liberaliter impertis elogia, Ignari, Indocti, Scioli, Tyronis, & quæ non ? reputans apud te inglorium eſſe vincere tyronem, qui ſanè quiſquis ſit, fortæſſis tibi palmam præripiet, antequam è carceribus exierit : ut ut ſit, da operam ut potius rationibus, vel vincas, vel flectas, ultroque ad tuas partes trahas, quàm contumeliis eneces : & ſiquidem tuo iudicio meæ

chartæ sunt indoctæ & vix ipso contemptu dignæ, nec sapiunt tuo palato ; ni ultro hæc verba exedis, age, limatiora æde, & à nemine operam exposcens, saniora atque doctiora edoce.

ADMONITIO.

NE pariat tædium Lectori hæc dissertationiuncula, continuato orationis filo texta, absque ullâ capitum distinctione, quâ, quid in ea tractatur, indicetur, placuit ejus summarium, & præcipua capita hic ad calcem attexere.

<i>Scriptiois occasio & excusatio.</i>	pag. I
<i>De prædictione Pauli Sarpii.</i>	P. 9
<i>Responsio ad criminationes, quibus usus est Theophilus Iscanus.</i>	p. II, 46. & alibi passim.
<i>Quibus artibus mysterium iniquitatis promotum fuit à Cantuariensibus.</i>	P. 17
<i>De altaribus obiter tantum.</i>	P. 22
<i>De abjuratone Episcopatus à Grabamo factâ.</i>	P. 24
<i>Quantulum officiant nostræ causæ quindecim fundamenta à Josepho Hallo posita.</i>	P. 26
	An

An, & quo sensu Aerius dictus fuit hereticus. p.28
Quid de Episcopatu detrahunt honoris adhibitamenta.

P.30

Instituitur comparatio Episcopatus Anglicani, cum Episcopatu veteris Ecclesiæ: excutiuntur Ecclesiæ Anglicanæ aliquot ceremoniæ & ritus, eorumque rigida injunctio.

P.34

Ventilatur locus Matih. cap. 19. v. 28. Sedebitis super duodecim thronos, &c. Necnon locus Augustini de Civitate Dei: Presbyteros etiam dici Præpositos, Præsides & Apostolorum successores

P.47

De distinctione muneris in ordinarium & extraordinarium.

P.54

De Episcopatu Ephesino, Cretensi, Romano, Antiocheno &c. Quo sensu Timotheus, Titus, Marcus, &c. Episcopi fuerunt.

P.55

Speciatim de Episcopatu Polycarpi. vide. p.62, 63, 85

& 120

Per septem Angelos de quibus cap. 2. & 3. Apocalypsis, tot singulares Episcopos non esse intelligendos. p.68

Quando incæperit Hierarchia seu ~~temporibus~~ Episcopalis.

P.71

De Epistola Clementis ad Corinthios.

P.73

De Epistolis Ignatii.

P.76

*Identitas gradus & ordinis Episcoporum & Presbyterorum asseritur quatuor Theſibus seu conclusi-
bus, quæ quidem evidentibus probationibus demon-
strantur fundari in Scriptura sacra; & confirman-
tur testimonio Patrum & auctorum celebrioris no-
minis, qui intra octingentos proximè ab Apostolorum
temporibus*

temporibus annos, vixerunt. p. 78. usque ad p. 121
 Ordinandi potestatem ad omnes ex æquo Ecclesiæ Pa-
 stores pertinere. ibid.
 Tantundem astringitur circa jurisdictionem. p. 138
 Laico-Seniores fundari in Scriptura, p. 144. ratione,
 p. 148. & praxi veteris Ecclesiæ. p. 151

Porro quia non habui perpetuam ope-
 rarum inspectionem, irrepperunt plusculis
 in locis menda, quanquam non in omnia
 exemplaria.

L Ege, pag. 1. l. 15. Pretestantium. p. 9. l. 10. fuerint. l. 25.
 Larripuerint. p. 10. l. 3. caligine. p. 15. l. 1. quarum. l. 22.
 Hierarchia. p. 17. l. 5. detexuit. l. ult. dele. sed. p. 22. l. 24. ea-
 dem ferè. p. 23. l. 17. qui. p. 26. l. 5. Presbyteri. l. 11. lege
 24. p. 29. l. 5. ponatur. p. 33. l. 5. desidiari. p. 41. l. 19. reforma-
 tas. l. 25. dele. Haud. p. 42. l. 10. arcessere. l. 22. parere. p. 43.
 l. 6. Testes. l. 11. ex orco. l. 14. ut quis ob. l. 27. Iesu. p. 45. l. 11.
 perfoluitur. l. 17. cœmeterio. p. 48. l. 16. dele. parendi. p. 51.
 l. 14. minimi. l. 23. veliscentur. Sed. p. 55. l. 27. fuerint. p. 65. l.
 26. qui. p. 67. l. 16. Presbyterii. p. 76. l. 11. ~~ἐπιστολὰς~~. p. 79. l. 16.
 quas subjungam. p. 80. l. 7. seu illos qui. p. 83. l. 19. patet, vel
 Petrum solos. p. 86. l. 13. quod pro. p. 89. l. 16. qui. l. 26. sem-
 per eos voce. p. 90. l. 4. Antiochena. p. 92. l. 11. ~~ἐκκλησία~~. p. 95. l.
 13. qui utique. p. 96. l. 6. dissensisse. p. 103. l. 5. poscat. Is. p. 112.
 l. 24. ab Hier. p. 113. l. 20. legationi. p. 115. l. 25. Metropolis
 à Patriarcha. p. 127. l. 21. probaturo. p. 129. l. 19. petita. p. 37.
 l. 15. de quibus Hieron. p. 142. l. 8. defecerant. p. 147. l. 15. in-
 fligat. p. 157. l. 13. regerere.

F I X I S.

